



6
11-B
68

6
10 K
13

B.1. XIX.2.28.



~~6-11-B 68~~







HISTORIA
DE VITA, MORTE,
ET IVSTIS CAROLI V. MA.
ximi, Imperatoris Rom. &c. nunc
recens edita, & varijs illustrata
virtutū fortunęq; exemplis.

Authore Frid. Staphylo.



Cum gratia & Priuilegio Imperiali.
AVGVSTÆ VINDELICORVM
Philipous Vihardus excudebat.
ANNO Sal. 1559. Calend. Iunij,



ΣΤΕΦΑΝΟΥ ΦΡΕΣΙΝΑΝΤΩ ΤΩ ΤΩΜ ΖΩΜΑΩΡ
ΑΥΤΟΚΡΑΤΩΡΙ ΕΙΔΥΛΛΙΟΝ.

- α. ὦ ξένε τίς; δάφνις μὲν ἔγωγ, σὺ δὲ; βόσκολος αἴγων.
δ. ἀλλὰ τί νῦν κλαῖς; α. πότμον ἰδὼν ἀγέλης
οὐκ ἔτι φορμύγων νόμιον μέλος, οὐδὲ νομῆς
γνήσιοι, αἰδέ βοῖς παρὰχόμεν ἀλυστρες.
ὦρ' αἰ μὲν ἀπὸ λυγρῶν λυκῶν τρέπον ὀσμυροῖς
τὸν ἅγιον πατέρων νῦν συγέσι δόμον.
αἰδ' αὐ τοῖς θήρεσσιν ὁμοῖα, ἀντιπάγχοι
μήτερι σὴν πολεμόν, καὶ δολόεντα μόρον.
δ. ναί μά τ' αὖ. ἀλλὰ θεῶν μὴν τ' ἄργυφα μέλα μελήσας
ποίμενας ἔσδ' ἄξια, ποίμνια βοσκόμιμος.
ἀρμονίην τ' ὀρεθοῖο μελήσματος εὐσηκίξας
ὅν πρᾶπεδίσσι ζύγῃ, καὶ ἀνδάνοιο λόγῃ.
καὶ νέον ἐς καθαρήν μερόπων φρενὰ πνύσον ἀνάψας,
τὴν ψυδ' ἢ κραδίης δόξαν ἀποσκέδασας.
α. ἦνίκα τὰντ' ὦ Δάφνι; δ. τὰ Χίσα, χθόν' ὅτ' ἀγορεύσας
εὐσεβέων φώνῃ κύκλον ἐπισαμένων.
πρὶν γε δίκας, καὶ ἡπίτα κατὰ λυθεῖν ἔβδ' ομον ἥλθοι,
καὶ τέτληγες ἐνι σωκροτέσσι νόμοι.
α. νῦν τί φέρε; δ. τέτληγα φέρω, πολὺν μ' ἀέθλημα,
αἶψιν ἐρ' ἔργιον ὅρ, πῆμα λύκοις ἐρίδων.
α. δ' εὖτε μὲν ὦ παῖδες, καὶ δ' εὖτε γέροντες, ὁ τέτλη
πίσις ὀλοθύνει, πρᾶξις ὅστις καὶ κῶν.

HISTORIA
DE VITA, MORTE, ET IVSTIS
Caroli V. Maximi, Imperatoris Ro-
manorū &c. nunc recens edita,
& varijs illustrata virtutum
fortunæq; exemplis.



VNEBRES POMPÆ
haberi cum solent, vñta-
tum fermè est, vt tum de
eo, cui is epitaphius ho-
nor exhibetur, certatim
varia virtutum encomia,
laudesq; rerum præclare
fortiterq; gestarum celebrentur ad contio-
nem populi: ne, quē homines fortè dilexe-
runt viuum, eundē velint odisse mortuum:
nec quem propinqui tali dignum honore
censuerunt, indignū alieni arbitrentur: præ-
sertimq; cum accedat huc, q; pleriq; alienæ
virtutis exemplo efficacius, quàm proprio
iudicio, et suo, ad studium honestatis soleant
incitari. Mos sanè vel imprimis laudabilis,
neq; ethnicis tantum, sed Christianis etiam
vsurpatus, licet alio modo his, illis alio. atq;

A ñ diuerso.

diuerso. Cum Pericles laudat Græcos in Sa-
mo interfectos, Cicero Romanos trucidatos ab Antonio, vterque, ob tantæ virtutis præstantiam, his diuinitus deberi, qui rem publicam fortiter defenderint, qui animosè pro salute patriæ occubuerint, vitæ immortalitatem, arbitrabantur. Christianis verò tametsi idem omnino scopus, in quē omne virtutis studium collimare debēt, præfixus est: sed tamen alia ex causa, alio in loco, ob aliam adipiscendi talis brauij conditionem. Etenim citra agnitionē gratiamq; Redemptoris Christi, nulla vllius virtutis potest esse vis aut dignitas tanta, tale aliquod, vt queat, aut tantum, quod immortalī vitæ exæquetur, præmium mereri. Mutila igitur cum sit, inanisq; illa ethnicorum confidentia: multo rectius Basilius Magnus, cum Gordium, & Gregorius Nazianzenus cum Diuum Cyprianum, martyres, funebribus celebrant encomijs: quodd decies maluerint crudelissima tyrannorū supplicia perferre, quàm vllum de catholica Christianorū fide apicem labefactari nutu suo permittere. Hæc enim tam præclara martyrum facino-

ra

ra cum nobis illi cōmendant, tum profectò
ea nequaquam ex sese, ut Ethnicis, Pelagia-
nisq̃ videtur, sed vt censent Christiani, ex
gratia Christi promerendi facultatem ha-
bere volebant. Itaque ipsum mārtyrij sup-
plicium satis esse ad laudem martyris sta-
tuit Diuus Basilius. Hoc sanè exemplum
quamuis etiam nobis liceret nunc imitari
in hisce exequijs, vt honestum, illud omit-
tere, vt vitiosum: neutrum tamen his præ-
sentibus parentalium sacrorum ritibus con-
uenire existimamus: quando exequiarum
iura non magnificas de mortuo gloriosasq̃
apud Deum prædicationes, quibus Maie-
stas Diuina solet offendi, sed deuotas hu-
milesq̃ supplicationes, quibus placat̃ non-
nunquàm, desiderent. Quamobrem, si hæc
exequiarum iusta, sacrificijs nobis sunt de-
uotisq̃ peragenda precibus, vt piè litemus
et castè manibus defuncti Imperatoris Ca-
roli, non iactanda gloriosis rerum gesta-
rum titulis, vt quasi iure propriarum virtu-
tum de possessione cœlorum cum Deo con-
tendere velimus: hinc certe nos auertere,
illuc aduertere animum oportebit: primūq̃

id nobis constituendū, an preces hæ nostræ
& liturgiæ licite sint, an Deo probentur, an
pro sint defunctis: deinde quibusnā, & quo
pacto queant prodesse: postremò quid no-
bis, cum Deus, Carolum Cæsarem, tantum
heroa ademerit, statuendum sit deinceps.
De his etenim admonere spectatores, ma-
gis ego nūc, quàm populares illas et iacta-
bundas celebrare panegyres, necessarium
iudico, siquidem hoc res ipsa postulet, & ta-
cita hoīm iudicia idem efflagitare videant̃.

Quoniam enim has cæremonias dū ex-
ercemus, & dum hæc iusta conamur Caro-
lo Imperatori, more maiorum, soluere, vi-
demur nōnullis ineptè ac superstitiosè, ple-
risq; contumeliosè in Deū, prorsusq; impiè
facere: cum, qui hac è vita migrent, eos illi
credant confestim citra moram, sola fiducia
Christi nixos, in cœlū attolli: vicissimq; qui
præter fidem Christi, & sp̃e sibi, & charita-
tem, & pœnitentiam necessariam statuunt,
hos continuò ut Christi aduersarios, rapi ad
infernus: mediam enim, quæ inter vtramq;
hanc sit tertia, viam nullā reperiri: atq; eam
ob causam, neq; Deo hæc funebria sacra
grata

grata haberi, neq; vîris euangelicis vîlo modo probari posse.

Ea verò quamuis temeraria est, nuperq; admodum ab inferis reducta opinio, non orandum pro defunctis: vetus tamē illa est, & iam olim totius Christiani orbis cōsensu damnata atq; explosa hæresis: sic enim Aërius quondā Arianæ hæreseos sectator sentiebat, vt Epiphanius scribit, et Petrobusiani hæretici, ut Bernhardus. Quapropter dubium profectò potest videri, detestanda ne magis sit, ista adeò perusca temeritas quorundam, qui tam claræ veritatis luci offundunt tenebras, an deplorāda stulta credulitas seductæ gentis nostræ, quæ aures præbeat tam perniciosa dogmata suadentibus.

At hic continuò occurrūt nobis cateruatim, expressum Dei verbum efflagitantes, quam scripturarū authoritate, quo exemplo vel Prophetarū vel Apostolorū, hosce ritus Deo placere comprobemus, ac prodesse defunctis. Et quanquam illis, quid sacræ literæ hac de re expresserint, non est ignotum: negant tamen atq; instant proteruē ac rusticè, Iudas aut ille Machabæorum
&

& princeps pius, et dux egregius, cum cæsi
exercitus sui certa quædam delicta, quæ ne-
cessariò expianda rebatur, comperisset, ma-
gnam argenti vim misit Hierosolymã, ius-
sitq; sacerdotes pro interfectis litare atq; of-
ferre sacrificia. Ecquid expressius scripturæ
testimoniũ desideras? Desideras sanè, atq;
adeò etiam, vt cum nimis clarè expressum
fit, cupias totum librum à sacris biblijs re-
sectum. Atq; ne peruersæ cupiditati argu-
menti species desit, clamas eũ in hagiogra-
phis poni non oportere: dubitatum enim de
eo esse olim, Iudeos in catalogo suo non ha-
bere. Satis ne id argumẽti est? vobis quidẽ
ita videtur, at certè longè secus Ecclie Chri-
sti: quæ vt cætera omnia, ita quoq; hoc ex
pectore sponsi sui hausit, & seruat fideliter.
Dubitarunt olim, dubitãt etiam nunc Iudæi
num Christus sit Messias: dubitauit Diago-
ras olim, Epicurei dubitant adhuc, an Deus
aliquis sit, an res humanas administret: du-
bitarunt olim Quintiliani, dubitant etiam
nunc pleriq; an Apocalipsis sit liber Ioan-
nis Apostoli: quid? numquid Catholica Ec-
clesia dubitauit etiam? Minimè gentium.
Abfit

Abfit ut hæc dubitet de ijs, quæ ipsa inde ab initio Apostolorū probauit, vsurpauit, quæ ipsa semper defendit, ubiq; asseruit, deseruit nusq;. Itane nos Germani peregrinamur in Ecclesia Dei, ut quid hæc probet, quid improbet, quid habeat sacrum, quid prophanum, ignoremus?

Non modo receptum ab vniuersa Ecclesia eum Machabæorum librum, abunde testatum reliquit Concilium Carthaginense: verum precari quoq; & offerre pro defunctorum animis, ab ipsis receptum esse atq; instauratum Apostolis, consensus Catholicus euicit Christiani orbis. Ioannes Damascenus, author antiquus, nec minus grauis, quàm doctus, refutans eundē sui temporis, qui etiam hoc nostrum inuasit, Arianum errorem, sic scribit. Vide, inquit, quid dicat scriptura sacra. Iudas enim ille Machabæus in Sion ciuitate magni regis, cum intellexisset populum huic ciuitati subditum, esse ab alienæ gentis hostibus cæsum, cumq; interfectorum sinus scrutari iussisset, reperta sunt idola: itaq; cōfestim pro vnoquoq; illorum ad dominū, qui ad misericordiā paratus est,

B propitiatoria

propitiatoria munera obtulit, fecitq; rem
plenā pietatis & charitatis fraternæ: vnde
quemadmodum ab omnibus alijs, sic etiam
ab ipsa scriptura S. magna habitus in admi-
ratione est. Sancti autē Apostoli, discipuli
Saluatoris, qui huius verbi, & mystæ et tes-
tes occulati, ambitum orbis per tremenda,
& impoluta et viuifica sacramenta venan-
tes viuum ceperunt, memoriam eorum, qui
in fide obdormiunt, faciendam sanciuerūt.
Quod etiam firmiter admodum citraq; con-
tradictionem à terminis terrarum ad termi-
nos vsq;, indeq; ab initio ad hoc tēpus præ-
sens et usq; ad finem mundi obseruat, obser-
uabitq; Apostolica & Catholica Ecclesia.
Non inaniter hoc aut frustra, neque absq;
certis rationibus, quasi fortuito sanciuerunt
Apostoli. Etenim quæ Christiana religio er-
roris nescia suscipit, perpetuòq; seruat incō-
cussa atq; integra, hæc vana esse non pos-
sunt, verum sunt omnia vtilia, sunt Deo gra-
ta, opemq; ferunt & cōducunt salutī nostræ
plurimum. Hæc Damascenus.

Qui tametsi et ipse scriptor vetustus esset
et approbatus, nolebat tamen eam Macca-
bæi

bæi textus interpretationem alijs priuatam
videri & suam, sed ut esse Catholicum scri-
pturæ sacræ intellectum demonstraret, per-
petui consensus suffragia ex vetustioribus
producebat. Itaq; sic pergit. Dionysius igi-
tur rerum diuinarū, inquit, multum, profun-
deq; peritus in ea, quæ ipsius de defunctis
extat, doctrina, dixit: (uidelicet ut ex sacro-
sanctis illius verbis huc aliquid ad euiden-
torem demonstrationem concinnemus) q̃
sanctorū preces et in hac, & in ea, quæ post
mortem est, vitā, ijs, qui digni p̃ijs precibus
censentur, quales sunt, qui in vera fide de-
cesserunt, efficaciter prosint. Sanctus anti-
stes igitur petit, quæ Deo grata sunt, et quæ
ab ipso sperat donanda. Precibus ergo, ad
dei clementiam quæ fiunt, petitur ut defun-
cto peccata ea, quæ per infirmitatem cōmis-
sit, dimittat, collocetq; eum in regione uiuo-
rum, in sinu Abrahamæ, Isaac, et Iacob, eoq; in
loco, in quo nec dolor sit, nec tristitia, nec ge-
mitus. Vides aduersarie, inquit Damasce-
nus, quemadmodum affirmet Dionysius,
preces pro his, qui sancta spe obdormie-
runt, vtilis esse?

B ij Quæ

Quæ olim Dionysio tributa sit authoritas, quæ erga Christum fides, quæ rerum diuinarum scientia, scripta illius non dissimulant, nec S. Patres vnquã conticuerunt, nec nos, si sanæ mentis simus, Germanos tergiversari decebat. Docet ille non modo pro defunctis et preces fundi oportere, & offerri sacrificia: verũ ostendit etiam quo pacto hæc omnia fieri, et quibus ritibus oporteat: quæ Damascenus quidem non attigit, sed ecclesiastica eius hierarchia abunde isthæc, si qui forsitan requirant.

Dionysio subiungit Damascenus Gregorium Nazianzenum, ob excellentem celestis philosophiæ doctrinam, cognomento theologum, eumq; sic introducit in funebri oratione, quã ad fratrem Cæsarium de matre sua habuit, perorantem. Ea igitur, inquit, quæ in potestate sunt nostra & dedimus & dabimus, oblaturi scilicet quotannis honores & memorias.

Breuitè hoc quidem Gregorius, ut solet, & ideo nõnihil obscurius, quænam illa sint quæ dederint, quæ sint deinceps daturi, qui honores isti, quæ memoria: eam ob causam
Damascenus

Damascenus Chrysostomum adduxit quasi locupletem interpretem Nazianzeni. Ipse namque in præclaris illis in Paulum Cōmentarijs ita scriptū reliquit. Cogitemus, inquit, quī pdesse possimus defunctis, Demus eis, quod præsens est, subsidium, eleemosynas dico & oblationes: feretque hæc res illis & subleuationem, & lucrum ingens, & utilitatem egregiā. Non frustra enim, neque casu quodam fortuito in Ecclesia Dei à Christi discipulis, uiris sapientissimis sancita hæc et tradita sunt, ut sacerdos in tremendis illis mysterijs faciat pro his, qui obdormiuerunt in fide, preces: norant enim plurimum ex ijs ad illos emolumenti rediturum.

Argutè quidē Dionysius, strictim Nazianzenus, sed expressè Chrysostomus et grauius, rem cōplexus est penè vniuersam, de qua Aeriani ambigebant: scz quisnam pro defunctis fundi preces, instituisset, flagitabāt ostēdi, quasi hoīm superstitione res illa in Ecclesia emerferit, non autoritate Apostolorū, non testimonio scripturarū. Errorem eum ut refellant S. Patres, docent hunc parentandi morem ab Apostolis institutū, ab Ecclesia

vbiqꝫ receptum vsurpatumqꝫ esse, ut in sacrificij mysterijs fiant preces, & eleemosynæ erogentur in pauperes, pro subleuatione eorum, qui in vera fide obdormierunt.

Quamobrẽ profecto homines nostri sese tanto maiori obstringunt scelere, quãto hæc parentalia sacra augustiore sunt autoritate & ratione in Ecclesiam introducta. Cuius rei cum penè omnes pij, tum et ipse Gregorius Nissenus nos grauissimè admonere videtur. Nihil, inquit, absqꝫ ratiõẽ, nihil absqꝫ utilitate à Christi discipulis ac præconibus traditũ, & vbiqꝫ in Ecclesiã Dei constabilitum est. Proinde res est vel apprime utilis Deoqꝫ accepta in diuinis illis & fulgētibus sacrificijs facere mentionem eorũ, in recta fide qui hac vita decesserunt.

Num aliud nunc Ecclesia, quã fecit olim, cum viri isti, & plane viri doctrinam eam, quam acceperant ab Apostolis, sparserunt in Christiano orbe? Nihil profecto. Alium in finem neqꝫ illæ sacerdotum liturgiæ, neqꝫ hæ preces nostræ, neqꝫ istæ in pauperes eleemosynæ fiunt, neqꝫ hæc reliqua pompa funebris, nisi Caroli Imperatoris spiritum ut
Deo

Deo cōmendemus, ut huic litemus ad misericordiam, illum erigamus ad spem veniæ.

Eum in exequijs vsum nobis commendat

Tertulianus. Vxor pro anima mariti orat,

inquit, et refrigerium postulat ei, et in prima

resurrectione consortium, & offert annuis

diebus dormitionis eius. Eundem et D. Cy-

prianum secutus dicit se pro Celernia, Lau-

rentio & Ignatio semper offerre tum, cum

martyrum supplicia, et dies anniuersaria cō-

memoratione celebrantur.

Quid vero dicam de D. Ambrosio? q̃

studiosus ille in hoc, pro defunctorum sub-

leuatione ne cessent preces Ecclesiæ: ne ipse

desit, cui possit, in hoc mutuo deprecandi of-

ficio, vt iuuat defunctorū spiritus missæ sa-

crificio, ut consoletur ppetua ad Deum ora-

tione. Sic enim Gratianum et Valentinianū

Cæsares alloquit̃ defunctos. Nulla dies vos

silentio præteribit; nulla inhonoratos vos

transibit oratio: nulla nox donatos precum

mearum contextione transcurrent: omnibus

ego vos oblationibus frequentabo. Et dum

fratris sui facit in sacrificio altaris mentionē,

Tibi omnipotens Deus, inquit, innoxiam

cōmendo

De Mo
nogamia
lib. fol.
595.

epist. 5.
lib. 4.

cōmendo animam, tibi hostiam offero, cape
propitius, ac fraternū munus, sacrificium sa-
cerdotis. Si impietatis esset offerre pro ani-
ma defuncti hostiam Eucharistiæ, si ita sce-
leratū iudicasset Ecclesia, exequias celebra-
re, iusta peragere, quemadmodum hæc per-
uersa ætas nostra et censet, & clamat impor-
tune, næ aut sanctus ille uir Ambrosius, quē
etiam purum doctorem dixerunt hæretici,
plane desijt esse Christianus, non solum epi-
scopus, aut nobis certe æque licebit Carolo
Imperatori, atq; illi Cæsari Valentiniano,
hæc sacra parentalia pie facere, hæc iusta
ritè persolvere.

Augustin.
Confessi.
libr. 9.
cap. 13.

Quod fratri suo Ambrosius, idem præsti-
tit suæ Matri Monica Augustinus. Illa quo-
niam moriens petiuerat, non se splendido
contegi sepulchro, non diuersis aromatibus
condiri, sed ut ad altare in sacrificio missæ,
sui fieret memoria, supplicationibus: fecit
ergo filius, quod volebat mater, vsusq; tali
est ad Deum orōne. Inspira Domine Deus
meus, inspira, inquit seruis tuis, fratribus
meis, filijs tuis dominis meis (quibus et vo-
ce & corde, & literis seruiō.) Vt quotquot
hæc

hæc legerint, meminerint ad altare tuum
Monicæ familiæ tuæ, cum Patricio quondā
eius coniuge, per quorū carnē introduxisti
me in hanc vitam. Ardens sane, plenaq̃ppij
affectus oratio, quā ille vir certe talē nunq̃
ausus habuisset, ni deo gratas has preces, et
matri suæ necessarias fuisse, certò cognouisset:
quemadmodū mille alijs in locis euidētissime,
tum profecto in quadam Apostolici
sermonis enarratione non obscure. Oratio-
nibus sanctæ Ecclesiæ, inquit, et salutari sa-
crificio & eleemosynis, quæ pro eorum spi-
ritibus erogantur, non est dubitandū, mor-
tuos adiuuari, vt cum eis misericordius aga-
tur à Domino, quàm eorum peccata meruerunt.
Hoc enim à Patribus traditū, vniuersa
obseruat Ecclesia, vt pro eis, qui in corporis
& sanguinis Christi communionē defuncti
sunt, cum ad ipsum sacrificiū loco suo cō-
memorantur, oretur, et pro illis quoq̃ id of-
ferri cōmemoretur. Prodesse igitur, & val-
de prodesse quidem, has parentales preces,
Apostoli docuerūt, vniuersa Ecclesia testa-
tur, S. Patres literis mandauerunt, vnani-
mī Christiani orbis consensu idem ad nos

Conf. lib.
9. cap. 13.

In uerbis
Apostoli
Scrm. 32.

In li. 1. c. 1.

C propagatum

propagatū peruenit. Quid requirimus amplius? Per sese res ista est ipsa meridie clarior: atq; id videri non posse, extremæ cæcitat^{is} est, nō velle, cum possis, infinitæ puerilitatis, atq; malitiæ. Si vbertate hoc in loco esset, non breuitate agendum, quantum, ô Deum immortalē, nobis, ut reliquos taceam, vel vnus Augustinus posset suppeditare flumen orationis? quantam argumentorum vim Epiphanius? robur quantū Bernardus? dum hic Petrobusianos refutat, ille Aerium Arianum? Omitto subsecutæ ætatis authores, omitto doctores Scholasticos, omitto præclara lumina huius seculi, Rosensem, Eccium, Coclæum, Hosium (quos viros?) ac similes: quibus vniuersis ut Deus et fides vna est, ita eadē hac de re, vna scripturarum intelligentia, vna interpretatio, vna mens, vna veritas. Viuentium preces valere pro spiritibus mortuorū, vidit Machabæus in Palestina, viderunt Sacerdotes Hierosolymis, viderūt in vniuerso Christiano orbe id fieri oportere Apostoli: quorum instaurationē secutus est Dionysius Ariopagita Athenis, Tertulianus & Cyprianus
in

in Africa, in Asia duo Gregorij, alter Nazianzi, alter Nyssæ, Chrysostomus Bysanthij, Athanasius & Cyrillus Alexandriæ, Ambrosius Mediolani, Augustinus Hippone, Theophylactus in Bulgaria, et alij alibi, quis enim enumeret vniuersos? etenim plurimi sunt: quorum cum de eodem hoc exequiarũ instituto sint non eadem modo sententiæ, sed verba eadẽ penè quocq: potest ne fieri, vt hic tantus consensus, tam dissitis, tamq; longe lateq; remotis in locis, sibi vndiq; cõstans, aliunde sit, quam à Spiritu Dei, profectus? Cupio equidem, quid mustitẽt, audire. Nam si aiunt: desinant, quæso irridere cultũ diuinitus institutum, Deo nõ ingratum, homini perutilem, atq; necessarium: sin negãt, quid tandem Ecclesiæ fecerint reliquum? Nihil penitus: vmbra erit, aut quod minus est, ut Pindarus ait, somnium umbræ. At interea quo in loco erit Paulus, qui esse Ecclesiam dixit columnam veritatis? Hæc profecto ut corruerit necesse est, ille ut sit vanè locutus. Tum vero ipse Redẽptor Dominus quo in honore? Si iste exequiarũ cultus idolatria est, vti nunc volunt pleriq;, infirma

C ij fuit

fuit petra, quæ Ecclesiam sustinuit, validiores portæ inferorū, quæ illam in tantā perfidiam præcipientem traxerunt.

Sed nimis multa de prima quæstione: ad alteram veniamus: ut cum ipsa exequiarum iusta, Deo certum est probari, et conducere mortalibus, quibusnam & qua lege queant prodesse, ac imprimis Carolo Imperatori: ne hæc sacra, impia esse, nec hi tanti apparatus inepti, aut inutiles omnino videantur. Ad cuius rei explicationē scitu necessaria sunt: primum, quæ ratio Dei sit ad animā defuncti, deinde quæ huius vicissim ad illum: postremo, quæ nostra deprecātium ad utrūq;: Ad Deum quod attinet, quoniam iustus est, peccatorem non exaudit, præsertimq; eum, quē ob lætale crimen lex diuina tenet reum. Quocirca homo, si aut nostræ p̄ illo, aut suæ pro se preces valere debēt apud Deum, necesse est, vt sit ab ipso Deo per meritū Christi iustificatus, amicus Deo factus ex inimico, Est autem duplex iustificatio, vna per lauacrum regenerationis, altera p̄ clauēs pœnitentiæ: & nisi illa præcesserit, hæc sequi non potest. In priore iustificatione largitur
Deus

Deus gr̃atis homiñi gr̃atiam & donum in
gratia, fidem, spem, charitatem: fidem idcir-
co, vt possit credere ea ver̃a esse, quæ Dei
verbum pronuntiat: spem, ut ratam habeat
Dei de sempiterna vita promissionem: cha-
ritatem vero, ut incipiat facere m̃adata Di-
uinæ legis.

Dona hæc quidem Dei sunt, sed homini
data Diuinitus cum sunt, eius fiunt propria,
planequē habitudines quædam spiritales,
adeoq̃, vt eis, si velit, recte queat, ad recep-
tionem iustificatricis gratiæ vti: sin nolit,
ad reluctationem, abuti. Eamq̃ ob causam
posteaquam baptizandis inculcata cateche-
sis est, rogantur an credāt, an renuntient Sa-
thanæ, an velint baptizari. Si adulti sunt,
aiunt ipsi: sin paruuli, spondēt pro eis patri-
ni. Eadem hæc Dei bona homini ut obtige-
rint, continuo, quæ illa informet, vt possint
meritoriē operari, iustificatrix gratia subse-
quitur, hominēq̃ in ipso lauacro regenerat,
culpæ maculam abstergit, nitorem gratiæ
reddit, pœnam æterni supplicij condonat,
vitæ reddit spem sempiternæ.

Eos sane iustificati hoīs terminos ipsemet

C iij . circum

circūscripsit Tito suo D. Paulus. Apparuit,
inquit, Gratia Dei, salutaris cunctis hominib;
bus, erudiens nos, ut abnegemus impietate
cupiditatesq; mundanas, vtq; sobriè possi-
mus, & iustè, et piè viuere in hoc seculo, ex-
pectantes spem beatam ac reuelationē glo-
riæ magni Dei &c. Non nuda nobis gratia
illa ^{σωτηρις} confertur, sed, quemadmodū Cle-
mens Alexandrinus ait, substruuntur ei, tan-
quàm tres columnæ, (quibus illa veluti ali-
quod Dei templum nitatur) fides, quæ eru-
diat nos de veritate: charitas, per quā fides
operans, nos faciat sobriè, iustè, pièq; viue-
re: spes, quæ expectet reuelationem futuræ
gloriæ.

Hoc pacto cum iustificatus homo est, al-
tera iustificationis opera nō egeret, si non in
alia peccata, quæ ipse sponte sua cōmittat,
relaberetur. At quoniam relabitur aliquan-
do in lætalia, quotidie in delicta venialia:
reperit et huic malo Deus remedium, Sacra-
mentum pœnitentiæ, tanquàm facti naufræ-
gij secundam tabulam: vt huius beneficio
liceat æternæ mortis diluuium effugere.

Quoniamq; cum hoc peccati genus nō alie-
ni

ni criminis, sed proprij facti culpam habeat,
ad recuperandam iustificatricem Dei gra-
tiam, non sola fides, aut spes, aut dilectio re-
quiritur: verum etiam præter has, & pœni-
tentia necessaria est, cuius partes sunt tres:
prima, ut homo corde contritus doleat odio
criminis, quod cōmiserit, amore Dei, quem of-
fendit: secunda, ut sacerdoti sigillatim nomi-
natimq; peccata sua cōfessus dicat cum Da-
uide, Domine peccaui, audiatque vicissim,
Domīnus abstulit peccatū tuū, scilicet ut de-
leta culpa, & reddita gratia, æterna pœna
dimissa, & vita restituta, iterū sit iustus: ter-
tia, ut cum eodē rege Dauide sustineat tem-
poralem pœnam, legiq; diuinæ vel tempo-
raliter in hac societate hominum satisfaciat,
aut quia libidine & gula peccauit, fame ex-
piet facti pœnam & ieiunijs: aut iniuria in
proximū, eleemosynis exoluat: aut in Deum
negligentia diuini cultus, sarciat precatio-
ne crebriori.

Quamquā vero perbreuiter ego hæc
nunc: non tamen dubito, quin ea habeat
doctrina fundamentū quidem veritatis in
S. literis, sanum vero illarum intellectum in
Ecclesia

Ecclesia Catholica. Proinde ut singula eius membra hoc in loco iam argumentis cōfirmem suis, nec opportunum censeo, nec necessarium, quando nusquā non obuia illa sint, & in promptu studiosis. Illud autem huius propositi nostri propriū est, accurate constituere, quæ hominis debeat esse ratio ad Deum, ut talis fuerit in hac vita, ut post mortem nostris possit precibus iuari.

Euangelij vox est, cum, qui baptizatus sit, & crediderit, saluū fore: qui non, illum iam esse condemnatum. Itemq; illud David, Ab inferno non esse redemptionem. Quapropter vtrumq; hinc recte sanxit Ecclesia, quippe pro his, quorū vita fuerit talis, ut certo eos constet cōdemnatos expirasse, orandum non esse: contraq; pro his, qui in vera fide, scilicet per charitatem operante, obdormuerint, spem nobis pro se orandi relictā. Sed ut propius veniamus ad rem, non sola illic fides & mortua intelligi potest, sicut quondam Eunomiani existimabant, & nunc contendunt sectarij: Verum ea fides, quæ efficax est per charitatē, ut & spei suus quoq; locus et pœnitentiæ maneat integer.

Etenim,

Etenim, Nihil valet in Christo, inquit Paulus, nisi fides, quæ per charitatem operatur: et Christus, Nisi poenitentiam egeritis, similiter omnes peribitis. D. Augustinus igitur, vt istinc opinionem de sola fide submoueat, et reliquas virtutes etiam huc subiungat iustificatrici gratiæ, Non ambiendum est, inquit, ista prodesse defunctis, sed talibus, qui ita vixerunt ante mortem, ut possint eis hæc vtilia esse post mortem. Nam qui sine fide, quæ per charitatem operatur, eiusque sacramentis de corporibus exierunt, frustra illis à suis huiusmodi pietatis impendunt officia.

*In uerbis
Apostoli
Scrm. 32.*

Itane vero Augustine? Quid? si gratis iustificatur homo absque ope legis, quorsum operosa illa charitas? Aut hæc omittenda, vt gratis: aut abijcienda vox, Gratis, vt sit per opera. Vulgo dici solet, Concilia tempora, & concordabis scripturam. Nihil certius quam hominem iustificari à Deo gratis absque ullo pacto meritorum interueniente. Quicquid enim sum, inquit Paulus, gratia Dei sum. Non solum igitur iustificatrix gratia, verum etiam ipsum donum in gratia, fides, spes, charitas, sunt gratuita Dei mune.

D ra:

*Ad simpli
cium de di
uersis que
stio. lib. 1.
q. 2.*

*De fide et
operibus
cap. 4.*

ra : quæ in hac peregrinante vita hominem
iustum constituunt: & ita iustum quidem, ut
ex dignitate iustificantis gratiæ non pecca-
tum modo remittant, sed ut opera fidei per
charitatē operantis etiam mereri homini ius-
tificato queant & præsentis et futuræ vitæ
præmia. Centuplū enim, inquit, recipietis,
& vitam æternam. Itaq; D. Augustinus, ut
eam diuersi temporis notionē exprimeret,
similitudine vsus est non minus apposita, q̃
elegante. Non ideo bene currit rota, inquit,
vt sit rotunda, sed quia rotūda est, bene cur-
rit: sic nemo propterea operatur, vt accipiat
gratiam, sed quia accepit, operari meritoriē
potest: merita etenim, sicut idem Aug. alibi
ait, iustificatum sequuntur, nō præcedunt.

Quæ cum ita sint, nec secus queant ex ca-
tholico scripturarum intellectu habere, non
importunè quæritur, quid homini ei, qui in
Gratia Dei & vera fide per charitatē ope-
rante, & pœnitentia obdormiuit, desit, quo-
minus illico in cœlum subuolet, cur hisce sa-
cris egeat funebribus: nam si iustus decessit
ē uita, salutē illius nihil deesse potest: sin iniu-
stus, hæc illi iusta nihil proderunt, Ita sane
quidē,

quidē, nisi inter extrema ista spatium Deus reliquisset in medio: de quo tamen si scriptura S. strictim, copiose tamen Patres S. & tota Ecclesia, imprimisq; D. Augustinus cum sæpenumero, tum in Enchiridio suo ad Laurentium. Cum ergo sacrificia, inquit, siue altaris, siue quarumcūq; eleemosynarum pro baptizatis defunctis omnibus offerunt, pro valde bonis gratiarū actiones sunt, pro non valde malis propitiationes sunt, pro valde malis, etsi nulla sunt adiumenta mortuorū, qualescūq; viuorum consolationes sunt.

Valde bonos intelligit haud dubie tales, quales sunt Martyres, et hi, licet rari illi quidem, qui cum D. Paulo possint dicere, Gratia Dei sum, quicquid sum, et hæc in me inanis non fuit. Quamobrē vero Paule? Quia certamen pulchrū certavi, cursum consummaui, fidem seruaui. Deniq; restat mihi corona iustitiæ, quam mihi dabit Dominus in illa die.

Agnoscit Paulus, libereq; fatetur passim se Christi merito non suo iustificatum esse, et à Deo receptū in gratiam gratis, nō operis precio, fidemq; pariter et spem, & charitatē

D ij vti

*Enchiridio
ad Laurē
esp. 110.
De cura
promore
tuis, ca. 1.
4. & 8.*

vti gratuita dona Dei diuinitus diffusa esse
in cordibus nostris. Pœnitentiæ quoq; suæ
varias reliquit querelas: nec dissimulauit se
temporales illas pœnas, quibus præsentī se-
culo satisfactum oportuit, hic luisse, cum ait:
Nunc gaudeo in passionibus meis pro vo-
bis, & recompleo ea, quæ defuerunt passio-
nibus Christi, in carne mea, p corpore ipsius.
Christi passio nō sustulit temporales pœnas,
sed contra sanciuīt, vt qui gladium sumpse-
rit, gladio pœnā soluat homicidij, qui fura-
tus, ut satisfaciāt pœnæ à legibus p̄scriptæ.
A. D. Paulo igitur cum tertiæ parti pœni-
tentiæ satisfactum manifestè agnorit Eccle-
sia, nunq̄ pro anima illius, de cuius plenissī-
ma salute nullum erat dubium, obtulit sacri-
ficiū, aut precata est.

Iam quos valde malos iudicarit Augusti-
nus, non potest videri ambiguum: nimirum
eos, qui gratia dei exciderint, qui aut fidem
Christi non susceperint, vt Maxentius, aut
abiecerint susceptā, vt Iulianus, aut despe-
rauerint, vt Cain, aut charitatis neglexerint
officiū, vt vulgo fit contemptu Dei cultusq;
Diuini: rebellione in parentes, in magistra-
tus,

tus:ira,odio,libidine,gula,auaritia,menda-
cio,fraude,& similibus in Deum & proxi-
mum delictis:tum quia talium,quæ cōmife-
rint,criminū causa non poenituerint intimo
corde contriti,nec ea sigillatim confessi,pe-
tuerint per sacerdotem veniam & condo-
nationem à Deo. Pro talibus, (si tales tamē
liquido cōstat mortem obisse) exequiæ nul-
læ solēt fieri, sacrificia nulla offerri,nec ero-
gari eleemosynæ . Pro eiusmodi etiam ge-
nere mortuorū vetat D. Basilus offerri atq;
vllas haberi preces . Nolite decipi, inquit,
Deus non irridetur. Mortuum sup altare ne
offeratis: viuum, inquit, affer hostiam tuam:
non poteris ad reliquias mensæ tuæ splendi-
dos illos regios aulicos inuitare: ex reliquijs
enim quod est, ingratum est. Eas ne tu, quæ
tibi post vniuersam vitā reliquiæ supersunt,
offerre uoles: Basilium explanat Damasce-
nus. Bene Basilus magnus, inquit, et loquit
& docet, sed vide ad quos: quippe ad aua-
ros, ad raptores, & ad eos omnino, qui neq;
foedus pacemq; vllam curauerunt, neq; mi-
sericordiam. Hoc in numero habētur etiam
hi, qui è sacro fonte suscepti nō sunt. De qui-
bus

bus Augustinus. Nulla ratione conceditur,
vt pro non pabtizatis cuiuslibet ætatis ho-
minibus offeratur sacrificium Corporis &
sanguinis Christi. In eandem sententiam et
D. Chrysostomus & item alij: vnde potest
non obscure intelligi, quos extremum Dei
iudicium nexu suo teneat irretitos, nequaquã
eos precibus nostris posse exolui ac reddi
liberos.

Restant ergo mediij illi, quos ait D. Au-
gustinus nõ omnino malos, si hæc ipsis opi-
tulari debeant, esse oportere: in quorum nu-
mero et ipse matrem recenset suam. De hac
etenim sic se in Cõfessionibus orantẽ intro-
ducit. Quanquã illa, inquit, in Christo viuifi-
cata, etiam nondũ carne resoluta, sic vixe-
rit, ut laudet nomen tuum in fide moribusquẽ
eius: non tamen audeo dicere, ex quo eam p
baptismũ regenerasti, nullum verbũ exisse
ab ore eius contra præceptũ tuum. Dictum
est à veritate filio tuo, si quis dixerit fratri
suo, Fatue, reus erit gehennæ ignis, Et vã
etiam laudabili vitæ hominũ, si remota mi-
sericordia discutias eam. Quia vero non ex-
quiris delicta vehementer, fiducialiter spe-
ramus

ramus aliquem apud te locum inuenire indulgentiæ. Quisquis autem tibi enumerat uera merita sua, quid tibi enumerat, nisi munera tua? Dimitte domine, dimitte obsecro, ne intres cum ea in iudiciũ; & quæ sequuntur.

Non orat Augustinus, ut Deus Monicæ pœnā condonet peccati lætalis, sed pœnam temporalē peccati venialis, quā illa merito debuisset precibus ad Deũ, eleemosynis in proximum, ieiunijs in ipsammet se remittere, ut hac in parte satisfaceret pœnitentiæ. Nam etiamsi tũ, cum Dauid peccatũ suum confessus dixisset, Peccaui Domino, & audivisset uicissim à Propheta Nathã, Dominus quoq; abstulit peccatum tuum, fuit quidem plenissima illa peccati remissio, culpa enim erat & pœna æterna abolita; at pœna tamen quædam temporalis restabat: cui ut Dauid satisfaceret, dixit Nathan, Verum tamen filius, qui natus est tibi, mortem morietur. Nec dubium est, quin Dauidem, si eam non exoluisset pœnā in hac vita, post mortē ut expiasset, fuisset necessariũ. Pro hac similibusq; eiusdem generis defunctorũ pœnis

orat

orat Ecclesia in exequijs, non ita dignitate
cōfidens sua, quàm plenissima satisfactione
Christi: qui ex sese, tanq̃ ex capite in singula
Ecclesiæ (quæ ipsius corpus est) mēbra pro
analogia compagis, gratiā diffundens facit
ut illa meritis non careant suis.

Hoc igit̃ iure nostro, & illa lege Redem-
ptoris Christi freti, pro Carolo Imperatore
hæc iusta soluimus, hæc offerimus sacrificia,
hasce preces fundimus. Et quanq̃ eum in
prima classe eorum, qui (sicut Apostoli, cæ-
teriq̃ Martyres patresq̃ Sancti) nequaq̃
egent istis, nō audemus ponere (tametsi ea
in classe illum positum sperare, dubito, cur
non liceat): in vltima tamē nelocemus illū,
multa nos eius & dicta sapienter, et piē, for-
titerq̃ facta prohibent. Quæ si huc præter
institutum accersisse videbor, uelim eum in
finem id à me factū norint omnes, ne, cum
sint quorundam varij, nonnullorum quoq̃
fœdi de hisce Caroli exequijs sermones, exi-
stimetur, hic Imperator ita vixisse, ut nobis
hæc cura prorsus sit irrita, illi planē futilis
atq̃ inanis.

Geneologiā eius ego hīc non recensebo:
alias

aliàs enim illa et nota est et celebrata à plurimis: nec res ab eo gestas, cum vix integris queant describi voluminibus, decantabo: sed vitam illius moresq; cursim attingam, vt quid ex hisce funebribus sacris ad illum fructus rediturum sit, cerni possit euidentius.

Carolus piè educatum fuisse, omniq; instructum genere virtutū, quæ vel ad priuatæ vitæ disciplinam, vel ad munus imperatorium, vel ad cultum diuinū, defensionēq; Christianæ reip. erant necessariae, nō ita nobis ex diligentia magistrorū, q̃ ex præclaris illis, quibus orbem terrarum impleuit, rebus gestis iam pridem innotuit. Statim initio puer admonitus est, vt, quoniam ordine certo discendū sit, ipse se semet, quasi viuum imitandi exemplum intueretur: quando homo sit veluti mundus quidam parvus, ex cuius cōsideratione triplex ortum extet genus philosophiæ: vnum quod ad rationis pertineat orationisq; normā: alterum, quod in rerum naturalium cognitione uersetur: tertium, in formādis moribus situm esse, & honestis vitæ actionibus. Videlicet eam esse huma-

næ compagis structuram, vt pars ima sit cōmunis naturæ propria, ideoq; etiā naturalis appelletur: media, quoniam affectiones cōplexa sit et ipsam adeo vitam, vitalis soleat nominari: postremā cō, quia sensus animantis regat, sedemq; & rationis & orationis occuparit, dici animalē. Ac quamuis homo is, quem D. Paulus vocat ψυχὸν, hisce partibus integre constet sic, inferiores vires vt obtemperent rationi tanq; præstantiori: nec tamē ad bene beateq; viuendum sufficere, nisi mens illius talis hominis vera sit Christianæ religionis doctrina recte imbuta: vt sicuti brutæ vires menti subditæ debeant parere, ita mens vicissim subiecta Deo pareat.

Carolus igitur eum disciplinæ ordinem ingenio suo, studijsq; aptum ratus, principio se diuersarū cognitioni linguarū applicuit: breuiq; tempore tantum profecit, vt Hispanice perfectē, eleganter et Gallice et Italice loqueretur, Latine sic satis, Germanice mediocriter. Quo in studio admirabilis quædā illius, ac propemodum diuina memoriæ vis apparebat. Nec tamen rhetorum more ille, prolixè ut possit fuscq; differendo, ut Isocra-

tes

tes volebat, ex re parua magnā facere, qđ
populare illi visum est: sed quod plane regi-
um esse iudicabat, vt breuiter diceret & la-
conice, & multa paucis enuntiaret, sibi ela-
borandum arbitrabatur: malebat etenim in
his, quæ pulchra & honesta sunt, nō tam di-
serte eleganterq; loqui posse, quā præclare
agere velle, videri. Contempsit igitur illos
semp, qui Herillum atq; Aristonem secuti,
ἄντι τοῖς πρῶτοις, μὲν τοῖς λέγουσι, hoc tempore philosopho-
phabantur: cum, quemadmodū Bias mone-
bat, didicisse opportune silere, præstet non-
nunq; quā ornate atq; diserte dicere.

Linguarū studio mox mirabilem quan-
dam rerum scientiam adiecit. Quancquā
vero nullā philosophiæ partem, quæ futuro
Imperatori vtilis censebatur, neglexit, sed
integre attigit omnes, nullam præterijt: nec
tamen in vllō genere vel suauius versatus
est, uel immoratus pertinacius, quā in ma-
thematū disciplinis, in geometria, in astro-
rum contemplatione. Animaduertit enim
earum artiū cognitione opus esse vel in pri-
mis, si bellum gerendum sit, si castra me-
tanda, si capiendus prælio idoneus locus, si

E ij exercitus

exercitus in remotiores orbis partes ducen-
dus, si oppugnandæ vrbes, ne tormenta in-
certis ictibus, inaniq; sumptu & opera di-
spodantur. Nec illum certe sua fefellit opi-
nio: etenim quàm ille non modo alijs sese
ea in re solertem præbuerit artificem, sed
quàm ipse sibimet operam nauarit et neces-
sariam semper, et bellis suis sæpe peroppor-
tunam, euentus nobis patefecit. Astrono-
micis autē speculationibus, credo eum vo-
luptatis causâ magis deditum fuisse, ut sa-
pientiam summi illius artificis Dei mirare-
tur, quàm ut fideret aliquid superstitiosis
prædictionibus ea ex arte profectis. Has
sane disciplinas, quæ licet aut ipsâ confide-
ratione, aut orationis exitu terminentur
plerumq; plus certe quàm credibile est, eis
laboris impendebat: at minus tamē, quàm
illis, quæ naturæ vires scrutantur, ut firma
valetudine, ut temperanter cibo et potu, ut
continenter casteq; coniugio vti possit: cum
id studij genus & vtilitatem in se magnam
habeat, & laudem virtutis, & quod præci-
pue spectandum duxit, præceptum diuinæ
legis. Græci ytranq; virtutē, continentiam
dico,

dico, & temperantiam, σωφροσύνην, dixerunt,
sanæ mentis quasi conseruatricem. Non in-
scite igitur Demosthenes sapientiæ funda-
mentum voluit esse, caste temperanterq; vi-
uere.

Quàm vero Carolus Imperator vtriusq;
virtutis amator studiosus fuerit, & assiduus
cultor, vniuersa victus ratio et usus edocuit.
Cœnam omisit semper, solo cōtentus pran-
dio, eoq; non tam opipere condito, quam re-
ficiendis membrorū viribus accōmodo.
Conuiuia ipse aliena rarus adiit, sua nō cre-
bra habuit: ne sibi malū aliquod accerferet
crapula, nec alijs præberet crapulandi ex-
emplum: vnde & animi & corporis vigor
extingui soleat, & opes priuatæ exhauriri,
& non raro omnis generis sequi libido, te-
meritas, puicacia, & alia vitia, quæ luxum
ebrietatemq; comitantur.

Memini grauem quendam virum initio
Smalcaldici belli interrogatum de euentu
eius contentionis, quid sibi videret, respon-
disse, Consilia principum mero intumuisse,
Cæsaris autē rationes diu sale maceratas es-
se. Ex sobrietate Imperatoris nō obscurum

E iij protulit

protulit iudicium de futura victoria, homo
sagax nec imperitus. Ferunt Cæsarem, cum
Centurionem quendam inter prandendum
sobrium vidisset, mox à prandio ebrium, di
xisse se vehementer odisse hominem, qui dum
sitiat, paruis Cyathis, cū sitim restinxerit,
vti maximis poculis consueuisset. Argute
notabat ebriosorum hominum peruersitatem,
q̃, cum ipsa natura semper modū satietatis
norit, ratio hoīs sæpe sciens volensq̃ igno
ret. Significabat etiam prudentissimus Im
perator, uinolentorum hominum operam non
modo inutilem sibi esse, sed infelicē quoq̃:
cum si homini rationem demas, ut solet crā
pula, eum sensu bestię simillimum esse, cor
pore, cadaueri: & ob id detestandum utro
biq̃. Si in aliqua laudis parte tributum est
Iulio Cæsari, quòd, cum alij ad euertendam
Remp. accesserint ebrij, ipse solus sobrius:
quanto encomio celebrandus Carolus Cæ
sar est, qui maxime sobrius accessit ad in
staurandū imperiū Christiani orbis, vt iam
vndiq̃ fatiscens colligaret, vt iam Turcarū
faucibus penē vniuersum exorptum perie
ret, ut collapsum, ut distractum, ut attritum
præsentibus

præsentibus periculis liberaret ab immani
interitu: Sed hæc vulgo nota sunt, interiora
videamus.

De incredibili continentia sua, de casto
inuiolatoq; cōiugij thoro, quod ipse alijs nō
statuit in se exemplum: quā legē non tra-
didit: Prolixū esset recensere. Sæpe ad lon-
gū tempus coactus fuit abesse à cōiuge sua,
q̃ eum aut bella in longinquis orbis parti-
bus gerere oportebat, aut negotia imperij
procurare in Germania, aut alijs in prouin-
cijs regnisq; constituere resp, pacē firmare,
ut non semper, cum liberet, liberis operam
dare posset. Quis autē interea, vt nō dicam
finister aliquis rumusculus de incontīnētia
illius, sed quæ vel leuis oborta suspicio est:
Celebrant Alexandrum Magnum Græci,
suum Scipionem Africanum Latini: q̃ hic
abstinuit à spōsa principis Celtiberorū, ille
à filiabus deuicti regis Darij. Sed Carolus
simillima multa, illustriora nonnulla nobis
exēpla reliquit. Etenim quando ille orbem
Christianum victor peragrabat, an nō, cum
omnes omnia ad nutū illius facerēt, earum,
quas voluisset, amorib. potuisset frui, more
aliorū

aliorū principum? Cohibuit autē non solum ipse se, ne alieno thoro corpus, proprio peccato animam inquinaret: sed operam dedit quoq̃, ut pudicitiaē fœminei sexus, quantū fieri potuit, ubiq̃ parceretur. Historias varias de hac virtute Caroli referre possem, si res ista apertius dici de se permetteret.

Verū minutiora adhuc ista sunt, ad maiora veniamus, in ipsumq̃ Cæsaris Caroli pectus et cor, quod ille virtuti nunquā clausit, penetremus. In cuius recessu duæ eluxerunt, quasi custodes vniuersæ reip. Christianæ, iustitia & fortitudo animi: quæ arum altera vniuersos ciues Cæsar complexus viriliter Christianam remp. defendit ab iniuria externi hostis; altera sic iura domi ministravit singulis, ut rem priuatam possideant ac suum quilibet, citra molestiam alterius.

Sed in hanc istam cogitationem cum incidimus, infinita rerum maximarum copia, quæ tanq̃ varius quidam et locupletissimus exquisiti thesauri cumulus, me, propter dubium, (ut sit in magna vbertate) delectum, prorsus facit inopem oratorē, ut neq̃ exordium reperire queam, nec exitum vllum euoluere.

euoluere. At enim cōsolatur me, quòd hæc
aut copiosè sint fuseq; tractata ab alijs, vt, si
qui ea velint cognoscere, deesse nō possint:
aut quia non magnopere ea desiderent, etiā
si præclarè extent conscripta, frustra à me
cōmementur: ne ergo in gratum ego his
præstem, illis inutilem laborē, per transen-
nam euidentiora membra quædam perse-
quar, artus relinquam minutiores.

Qua autem constantia Carolus, qua ani-
mi celsitudine fuerit admirandus, & quàm
generosum spiritū præ sese tulerit semper,
non obscurum specimen adolescētia illius
cōfestim initio perhibebat. Continuò enim
post obitum Ferdinandi regis, aui materni.
traditā sunt omnia auita regna ei guber-
nanda, adolescenti videlicet vix decimum
septimum annum ingressio. Quæ ille, Me-
diusfidius, non solum puer suscepit virili-
ter, eoq; animo & virtute constituit, rexit,
defendit, ab iniuria vicinorum tuta vt es-
sent: verum etiam vniuersis Christianæ rei-
publicæ principibus rectè imperandi quasi
legem sanciuat atque tulit: idque ea quidem
laudis opinione, cum pueri soleant vereri
F senes,

senes, illum senes ut veriti sint puerū: vnde
hoc etiam euenit, quod rarò accidit antea,
ut, adolescentē annos vndeuginti natum,
septem Electores vnanimis imperatorem
designauerint absentem. Nec in toto terra-
rum orbe aut rex, aut princeps vllus reper-
tus est (excepto Francisco Gallorum rege)
qui non ingenuè Carolum solum idoneum
istis temporibus, Rom. imperij moderato-
rem profiteretur.

Erat autē Franciscus flagrante ingenio,
rerumq; bellicarū percupido circumuētus,
plurimumq; reputatis regni sui viribus cō-
fidens, atq; ea persuasione adulatorū, ut Ca-
rolum ferre æqualem, iudicarit esse summæ
ignauix, superiorē, ancipitis piculi. Eamq;
ob causam, cæpit illico Cæsarē magnis in-
iurijs et varijs laceßere, atq; apto bello tan-
dem deuexare Insubres, nec obscuro spū
spem fouere potiundę totius Italię. Neq; hi-
sce eius immaturis cupiditatibus defuit arri-
dens fortuna initio: Mediolano. n. simul ac
uim intulisset, potitus est, receptis nō paucis
alijs oppidis præterea. Cæsar tanta affectus
iniuria, ad Ticinum, prælio cum Francisco
decertauit:

decertauit: & cum nobilissimi quique, & ducum, & procerum Gallorum, interfecti essent: ipse rex quoque captus in potestatem Cæsaris deuenit. At vero ea in victoria, quæ victoris Caroli clementia effulsit: quæ moderatio animi: quæ iustæ in premolestum hostem iræ compressio: Nam non solum ille captiuo regi, quem licuisset, ut insolentem hostem perdere, vitam indulgit: verum etiam ei liberè abs se dimisso, sororem suam iunxit matrimonio, & regnum amissum ultro restituit. Libera omnium gentium confessione potuisset Carolus tum, cum illud regnum tanto perculsum terrore, in sua haberet potestate, totius Europæ monarcha, dominusque euadere: si ita voluisset priuatę potentię studere, honoriq; velificari suo, ut saluam cupiebat esse Christianam rempublicam, in qua, ne tam solus dominari, quod tyrannorum est, quàm regum optimum quemque habere socium liberi imperij & amicum, cupere videretur, satis omnino, abundeque testatum fecit, reddito Gallis rege Francisco.

At regnum Neapolitanum, inquis, ei eripuit, Mediolano eum priuauit, tota expulit

F ij Italia,

Italiā, in Belgio nihil iuris ei reliquit, confu-
lijs eum semper tenuit irretitū, armis sæpe
numero oppressit. Fatendum quidem hoc
est: sed quo iure factum, quæris, quæue in-
iuria? Deus solus nouit, opinor: siquidem
neuter iudicem, legē vterq; attestatur: quis
ergo se tantæ liti, tamq; ambiguae arbitrum
audebit, aut disceptatorem profiteri? Meo
quidem iudicio satius est id, quod plerunq;
quàm rarò quod accidit, statuere (quemad-
modum de Pompeij, Cæsarisq; cōcertatio-
ne euentus comprobauit) quod

Victrix causa Deo placuit, sed uicta Catoni.

Neapolim Cæsar viriliter defēdit, animosē
extorsit Mediolanū bis, tertio obtinuit, ob-
tinetq; etiam nunc, alterū in orbe lumen ex-
oriens, Rex Philippus, inuitissimis Gallis:

Iure autem hæc Cæsar, an iniuria fecerit,
leges exequiarum vetāt disputari à nobis:
quanq; huc ego sum, q; illuc ppenfior: eoq;
cū varijs coniecturis, tum profectò non leui
argumento ducor, q; Carolus sæpe, quando
in bellum inuitus trahebatur, fuit solitus di-
cere, se cum Christianis principibus nō nisi
coactum grauitercq; laceratum bella susci-
pere,

pere, cum Paganis vltro, sponteque sua. An
euidētius aliquod, certiusque postulamus hac
de re testimoniū? Etenim quo ille sumptus
quo labore? quo animo aduersus Solema-
num bellum suscepit tum, cum iam ceruici-
bus iste tyrannus immineret nostris, cum li-
beros, cum coniuges è conspectu ad stuprum
miserabilemque seruitutē diriperet, cum aras
diuorum & templa vastaret, cum nihil, quod
Conseruatori Christo contumeliosum esset,
nobis p̄brosū, omitteret? Quo animo ille
tum, inquam, eam suscepit expeditionem?
Ambitionis ne, an extremæ necessitatis
causa? Duxerat in fines Austriæ Solema-
nus ter centum millia equitum, peditū mil-
lia centum, aut plura etiam. Pares quidem
huic tyranno erant opponendæ copiæ, cum
quadā dignitate Romani Imperatoris: sed
vnde? Ex sola ne Germania? Hæc citra cō-
trouersiā per se impar fuit omnino. Ex alijs
Caroli regnis? At ea exhaurire, priuatis cō-
modis obstabat, quibus solūmodo Carolū
studere maleuoli homines dictitabāt. Verū
ille, sicut de Fabio Maximo Ennius dixit,

Non ponbat enim ramōres ante salutem.

F iij non

non modo nullis suorum regnorū opibus,
nullisque rebus, quas vsq̃ charas habebat;
pepercit, sed nec corpori quidem, nec salu-
ti suæ parcendum putauit, laboranti patriæ
modo vt opẽ maturam posset & efficacem
afferre

Contraxit igitur Carolus, duxitq̃ in Pan-
noniam, talem virtute, ac tantum numero
exercitum, qualẽ quantumq̃, nec vllus vllò
tempore in Germania imperator vidit, au-
diuit, non dicam. Et quanq̃ multitudine So-
lemanus fuit longè superior, ut palàm com-
pertū est: nec tamẽ, quod Othomanis nunq̃
antea vsu venit, non solum signa conferre,
tyrannus tãto instructus exercitu, nõ ausus
fuit: sed ne aspectum quidem Augusti Cæ-
saris sustinere præsentis. Nec mirum, cum
Caroli nomen absentis audire non possit
absq̃ tremore, sicut Hieronymi Lasci cla-
des edocuit, quĩ præsentẽ sine trepidatione
intueretur? In fugã ergo turpem tyrannus
cum esset coniectus, omnibus à tergo pon-
tibus reuulsis, vt insequenti moram inijce-
ret, dicitur subinde trepidans respectauisse,
num à tergo instaret Carolus.

Sunt

Sunt etiam, qui, q̄ id factum non sit, tam
præsertim opportuna occasione, reprehē-
dendum arbitrentur: cum tametsi Solema-
nus forsitan persequēdus nō fuisset, propter
ingrauescentem adulti autumnī intempe-
riem: tamen in Vngariam is tantus exerci-
tus, uel ad oppugnationem regiæ vrbis Bu-
dæ, vel ad reprimendum æmulum regem
Ioannem Voïuodam, ducēdus videbatur:
quorum alterum necessarium, alterum ex
dignitate Rom. Imperatoris fuisse, homies
pleriq̄ iudicabant. verum quia in diuersam
partē quas Cæsar rationes habuerit, vulgò
non palàm cernebatur, difficile fuit in alte-
rutram sententiā certi quippiam pronun-
ciare. Illud certè nihil habuit dubitationis,
nisi Cæsar diuino instinctu exuscitatus, tan-
tus heros, tantaq̄ virtutis opinione tremen-
dus, armis obuiā prodisset Solemano, quin
hic tyrannus, igni ferroq̄, vniuersam Ger-
maniam in cineres potuisset conuertere, ac
deleta omni nobilitatis prosapia, cunctos
gentis nostrę populos, in perpetuam ac fœ-
dam, miserabilemq̄ seruitutem adigere.
Qua verò id bellum Cæsar prudentia susce-
perit,

perit, quàm excelso animo generosoq̃ gesserit, quàm felici finiuerit rerum euentu, roget nemo, nisi, qui prorsus, cur Solemanus secundò nō reduxerit signa sua in Austriā, confessus sit, se non intelligere.

Tantam à tota Europa pestem cū diuinitus auertisset Cæsar, existimauit id maximè esse officij dignitatisq̃ suæ. Ecclesiam etiam aliquando à nefarijs illis impiorū, quæ Lutherus inuexerat, dogmatum cōtagijs liberare: in Italiam itaq̃ profectus est, egitq̃ seriò cum Romano Pont. concilium ut primo quoq̃ tempore indiceret œcomenicū. Sed de hoc sancto illius pioq̃ conatu, postea erit locus: nunc de inuictò Cæsaris animo, quo Christianam remp. tutatus est, pauca quædam adijciam.

Pulsis ex Pannonia Turcis, Cæsar, inaudito classicę expeditionis apparatu, in Africam traiecit ad eum locū, vbi quondā celebris illa Carthago Romanis nobilitata armis, sita fuit, et nunc vrbs Tunetū est, vnde iam totū illud Pœnorum regnū Tunetanū appellatur. Annis aliquot ante, id regnum inuaserat fraude quadam, incredibiliq̃ astu

Hariadenus

Hariadenus Barbarossa. et exacto Muliasse legitimo rege, aliquandiu tenuerat nomine Turcici Imperatoris. Et cum ille aliàs semper, tum multo magis etiam id temporis nixus et opibus Tunetani regni, & opportunitate loci, mare Mediterraneum piraticis classibus adeò reddiderat cunctis Christianis infestū, vt pleræq; gentes nauigationē intermittere fuerint coactæ, nō absq; dubio quarundam prouinciarum exitio, quas inopia mercimoniorū sensim concidere oportuisset. Neq; incerto hominum rumore constabat Hariadenum extremam perniciem Siciliae, scilicet copiosissimo totius Italiae horreo, illaturū fuisse, nisi Cæsar celerrimo consilio vsus, ad Hariadenum Barbarossam in ipso pœnorum Tunetano regno opprimendum, vires conuertisset.

Quamobrem Cæsar, nulla interiecta mora, rē sibi eam nomine vniuersi orbis Christiani prouidendā esse, sceleratosq; Hariadeni conatus anteuerdēdos iudicabat. Mari itaq; terraq; Tyrannū inuasit Cæsar, conflixit, uicit, classe exuit, regno spoliauit exulem regem Muliassem restituit patriæ atq;

G dignitati

dignitati auitæ, sed ea lege, beneficiario iure vt regnū illud possideat, acceptiq; beneficij memor in perpetuum, tanq; vectigalis regni tributa reddat regibus Hispaniarum. Verum hoc in bello quæ virtus Cæsaris nō emicuit? quæ non inuicti roboris cōstantia? quæ in eo animaduersa nō est militaris disciplinæ peritia? Non tantū prudentissimi Imperatoris munera obiuit, sed impleuit etiam pugnacissimi militis officium. Nam Barbarossa cum ex vrbe Tuneto, Turcas equites & Numidas acie instructos produxisset, emisissetq; in confertas turmas Hispanorū: cumq; hi Turcarum vim, impressionemq; minus sustinerent viriliter, ad vltiorē cataphracti equitatus sinū confugiebant, non absq; trepidatione et periculo exercitus reliqui. Sed Carolus insitæ suæ memor cōstantiæ, pristinæque virtutis, ex confirmato vsu militaris disciplinæ, primum verbis castigauit fugientes, deinde vniuersum exercitum sic cohortatus est. Meminisse vos decet Milites, inquit, hoc bellum à me nō priuati emolumenti causa susceptum esse, sed pro liberis, pro coniugibus, pro libertate Christianorum,

Christianorum, quorum viginti milia scitis
Tunetano in carcere fœdissime perire, pro
vera religione Redemptoris Christi, cōtra
impiam superstitionē pseudoprophetæ Ma-
hometis, pro salute deniq; animarū nostra-
rum, et pro vero cultu sempiterni Numinis.
Hāc ob causam cū huc appulimus maximis
sumptibus meis, et nōnullo periculo virtu-
teq; et mea, et vestra, ecquid nō turpissimū
erit nobis, alijs exitiosum, nos frontē hosti
negare, terga obuertere? Mesequimini nō
ducem modo, sed militem quoq; & socium
cōmunis fortunę. Hæc simul ut edixerat, pri-
mus in ordine Cæsar, ingenti fortiq; impetu
facto, multos sua manu prostravit, quod idē
illius exemplo fecerunt alijs. Sed diu variaq;
præliantium fortuna cum pugnatum esset,
hostē deniq; fugavit, oppressit, maximaq;
ex parte deleuit: nec mora, quin nō ita mul-
tum post & urbem Tunetum, & Goletam
munitissimam arcem, vi ad deditionem co-
ëgit, ac toto est confestim Tunetano regno
potitus.

Has aut tot tantasq; impensas, quas fecit
Cæsar, hos ipsos labores, quos immēsos po-

G ij fuit,

fuit, hæc deniq; tā ardua pericula, quæ adijt, si quis ponderet ingenuus, quid? priuatę ne poterunt hæc, an publicę vtilitatis causa suscepta videri? ambitionis ne tyrannicę, vt hostes dictitabant, an verò ut pij cordatiq; viri omnes, Christianę libertatis signa existimanda sunt?

Maleuoli iudicij, animiq; sinistra suspitione laborantis argumentū euidentissimū edidit Gallus cōtinuo, ex Africa in Italiam cum triumphans reuertisset Cæsar: meminimus enim quæ huius habita sit Romæ eade reoratio in celeberrimo illo orbis theatro, cū Cæsar stans in corona aduocatę concionis, præsentē Paulo Tertio, cunctoq; senatu Cardinalium, & multis diuersorum principū regumq; legatis, de iniurijs Francisci Regis non minus generosa, q̃ facunda atq; graui oratione perorauit. Veteres odiorū causas esse inter domū Austrianam & Gallos, neq; Franciscum modo, sed nec superiorum etiam temporum Galliæ reges vllorum foederū legibus vnquā stetisse. Sibi vero Burgundiam ereptam esse, & repudiata atq; iniquissimè intercepta connubia.

bia. Franciscū bello abs se victū captumq̃
fuisse, & cū perhumaniter dimissus sit, nihil
corū, quæ pro obtinenda libertate pepege-
rit, præstitisse: sed vt custodia egressus, ab-
rupta fide iurisiurandi, totū propè terrarum
orbem aduersum se tam ingratè, quàm im-
piè concitasset, cum ad Turcas vsq̃ miserit
legatos, vt hostilia pari odio aduersum se
molirentur, scilicet, vt, inania et exoleta iu-
ra ostentans, Cisalpinæ Galliæ dominatum
inuaderet: quem augustali atq̃ legitimo iu-
re partum, tanq̃ tuendis reliquis regnis suis
maximè opportunum, sibi omnino retinen-
dum statueret: ne sibi maritimum adeundæ
Hispaniæ, aut terrestre adeundis Germa-
niæ & Belgarum regnis tutum & liberum
iter præcidatur: quādoquidem nequaquàm
sit dignitatis in Cæsare, per alias terras
transitus facultatem precario petere.

Propterea Franciscū nefario ausu Caroli
Sabaudij anunculi sui Allobrogum regio-
nes in Transalbinis, & Ligurum in Subal-
pinis immaniter occupasse, vt inde ad in-
uadendū Mediolanense imperium ire per-
geret, Gallorū consuetudine, qui nouarū

prouinciarum auīdi, quin aliena & proxima quæq; occupent, neq; pudore, neq; iure contineri queant. Quarum rerum in vestigio eos sæpe pœnitere oporteat, quū vi et armis, æquo semper Marte iudice, eorū insolentia retundi reprimiq; soleat.

Id vero agrestis impudentiæ sibi videri, qd' Franciscus Mediolanensis imperij possessionē, ideo sibi concedi expeteret, vt singuli minores eius liberi, sublata oī honoris atq; potentiæ obtrectatione, pariter exorantur atq; ditent, ne scilicet Henricus iusto dolore angi possit, quum in fratre minore Carolo, Aurelianensem principatū, in Francisco autem maiore, non Galliæ modo, sed Britannia etiam citerioris coronam, ex paterna hæreditate conspiciat. Non sanè hoc esse vel dignitatis vel fortunæ suæ, vt alienos potius, quàm suos liberos exornet, & stultissima ratione intempestiuæ liberalitatis laudem quærat, qua inimicæ stirpis dubiaq; fidei hominum opes augeantur, quibus aucti rursus aduersum se instructiores, vti semper fecerint, inquieta arma resumāt. Itaq; neq; hæc insolenter postulanti tributurum,

turum, neq; passurum, vt Subaudiſus Caro-
lus tanta cum iniuria ſpoliatus dimidia par-
te regni, diutius ab ſe, vti antiquitus in Ro-
mani imperij clientelam receptus, iuſtam
atq; certiffimam opem impleret. Proinde
ſe recta ad Alpes, & in Galliam vſq; pro-
gredi ſtatuiffe, ut propinqui ſui, ſocij q; prin-
cipis, & Romani imperij clientis iniurias
defendat. Hæc adeo graui concitataq; fa-
cundia, oreq; flagranti protulit, vt ſubiun-
geret, ſe inuitum in id bellum trahi: in quo
multæ gentes nihil mali meritę et inſontes;
ipſorum principum iracundia atque obſti-
natione, cladem eſſent ſubitura: propterea
pietate Chriſtiana tacto ſibi ſatius videri;
& Reip. quidem vtilius, vt ipſe & Franci-
ſcus ad ſingulare certamen descenderent;
enſeq; & pugione dimicantes, controuer-
ſiam finirent.

*Nota ſor-
tiſſimi He-
rois.*

Eam ego Cæſaris orationem non ſolum
quia generoſæ ſolertisq; faciundia plena eſt,
quod forſitan in imperatore nemo admo-
dum deſideret, recitauit: ſed etiam, quia vi-
deo ſapientes viros quosdã & ſacratos, vt
cætera bella Cæſaris iuſta fuiſſe dederint,
at cum

at cum Gallo quæ gesta sunt, quo iure censenda, ambigere: proinde, cū Cæsar ea oratione omnes eius tam sinistrae de se opinionis fibras exciderit, partim, quia probabiliter iniusta semina Gallici in Austrianos odij euoluit: partim, quia de iure suo nō dubitauit experiri velle Dei sententiā, euentu duelli, aliās varij atq; ancipitis: eò sane trahor, vt existimem Cæsarem semper bona conscientia rectè factorum nixum, cum rege Francisco concertauisse: nec ob eam causam nos metuere, an hæc vota nostra illi prosint, vllō modo oportere. Qua in sententia tanto cōfirmor efficacius, quāto Cæsarem intelleximus semper alacrius ad defensionem Christianæ religionis pericula contempsisse, quā alibi nusquam priuatæ dignitatis suæ causa.

Secundo in Africam Cæsar traiecit: quo consilio id factum putamus? Algerium oppugnare, vires Barbarossæ retundere, mare turbatum placare, tutamq; Christianis nauigandi facere securitatē volebat. Sed quanta eo in conatu suo adiit pericula: quas procellas terra mariq; sustinuit Cæsar: quā cladem

cladem accepit: Quanq̃ vero inuitis pene
elemētis eam aggressus Algerij oppugna-
tionem videri possit Carolus, q̃ minus secū-
da fortuna, q̃ solebat, vsus est: non tamen
æquē nos exitum decet, ac voluntatem op-
timi Imperatoris perpendere: qui in ista
adeò infausta cōtentione, nequaq̃ sicut mi-
lites fidem Imperatoris, ita fiduciā ipse præ-
potentis Dei Imperator deseruit. Etenim
inufitata nimisq̃ sæua tempestate, cū Cæsa-
riana classis disiecta partim, & partim sub-
mersa miserabiliter affligeret: cūq̃ ipse ex-
ercitus ad expugnationē, Algerianis mœ-
nibus dispositus, diro ventorū turbine, per-
petuisq̃ irati cœli imbribus, impeditus, nus-
quam progredi auderet, sed quasi panico
timore perculsus in fugam se ad classem di-
uertisset, ac si perfugium tutum futurum
esset in perditis dissipatarū nauium ruderis-
bus: tū Cæsar ore minimè pauido, districtoq̃
gladio ad Germāos cōuersus, In Deo, inqt,
& dextra vobis spes reposita salutis est, nō
in sinistra quassatæ classis fortuna: ad dexe-
teram enim Algeriū fuit, ad sinistrā mare.
Qua Cæsaris. tā animosa cohortatione mi-
H lites

lites subſtiterũt, donec per ocium rebus ad nauigationem ritẽ compoſitis, cum honore exercitus reduci in patriam ſaluus poſſet. Aduerſus infidelem barbariem id bellum ſuſceperat Cæſar, quid? priuatæ ne potentie ratione ductus, an emolumento Chriſtianæ reipub? In ea nauali expeditione, Cæſar virum proſectò ſe præbuit, & planè virum: quid virum dico? imo talem heroa atq; Imperatorem, qualem priſca ætas parem vidit neminem. Difficile non eſt in rebus ſecundis, ingenio eſſe elato, minutioresq; irridentiſ fortunæ petulantias contemnere: at certe ſicut Poëta ait,

Fortiter ille facit, qui miſer eſſe poteſt.

Idcirco eũ verè eſſe fortunatũ putauit Bias, qui ferre poſſet infortunium. Non ſolũ tulit Cæſar, ſed magnanimus tulit, vicitq; omnes iratæ fortunæ inſultus. Quas ille ea in tempeſtate miſerias? quas difficultates et anguſtias nō pertulit? q̃ varios non expertus eſt communis fortunæ caſus? q̃ diuerſas interuentium voces, atq; imagines non ſenſit præſens in eodẽ conſtitutus periculo? Longa eſt hiſtoria, quis cuncta recenſeat?

Illud

Illud autem certè silentio præterire non possum, eximiæ cum sit pietatis monumentum. Classem Cæsar ex Africa reducturus in Hispanias, à Tipasa vrbe soluit: sed maxima nauium parte naufragio absumpta, cum paucae onerarię naues tantam militum multitudinem vehere nō possent, quòd Hispanici equi multum loci occupassent, ferūt fuisse, qui viliora militum seruitia potius, quàm generosos equos, in mare præcipitanda esse, vt naues hoc iactu alleuarentur, censuissent. Cæsar autem hoc ab omni pietate alienum ratus, etiam vilissimi lixæ aut calonis saluti, pretiosissimi equi vitam præferri: equos ergo ad vnum omnes in pelagus dari mandauit, significans, quod pietati debeat, id se vtilitati nullius velle debere. Denique in Hispanias, tot tantisq; acceptis detrimentis, sic appulit Cæsar, vt, cum durissimis, terra mariq; iniquæ fortis, casibus, inuictō semper animo, diu cōflictatus esset, non solum admiratione suorum, sed iudicio hostium multo magis, ipse sese visus sit augustior, qui nec vlli ducum, militumue communicata laude, de deuicta

H ij fortuna,

fortuna, triumphum reportasse iudicaretur.

Sed eam Cæsaris cladem, quā pro Christianorum commodis acceperat, noui belli studio excepit Franciscus rex Galliarum, tali deceptus persuasione, quasi ad Algerium ita fractæ sint, atq; contusæ vires Caroli, ut nequeant in posterū recuperari. Cæsar vero, tametsi iniquā pacis conditionem maluisset, vt aliquantū quietis datum esset respirationi: ipse tamen diuinę vltionis memor, cum iuris humani obliti essent Galli, infracti pectoris vigore ita tumentes istorū hominū spiritus repressit: vt Franciscus deinceps nunq; arma resumenda esse duxerit in animum.

Vix illud Cæsar in Gallijs restinxerat incendium, continuo aliud ortum est, & vehemens & tumultuosum in Germania. Sed vulnera isthęc nostra refricare nō libet, Cæsaris animum exquirimus nunc: qui, vt vniquā antea, profectò tunc ipse sese apparuit diuinior: quando imperatores alij soleant bellorum euentus ex vatū augurijs penetrare, hic ex bonitate et iustitia causę: vnde non exitum tantū contentionis, sed modum quoq;

quoq; illius belli gerendi diuinitus metiri
visus est. Nam Sigismundi regis Polonici
legatus, cū de pace ageret apud Cæsare &
principes, et inter cætera Sigismundus Cæ-
sarem obnixè hortaretur, ne tanta Christia-
ni sanguinis effusione, Germaniã, patriam
suam, pateretur inquinari. Cæsar ad eã ora-
tionis partem leniter quidem, at commotus
tamen, respondit, se diuina gratia longè an-
te, q̃ in id certamē pertractus sit, eam proui-
disse viam, vt non dubiè speret breui con-
trouersiam diremptū iri, absq; cruenta vi-
ctoriã. Num certius aliquid potuisset præ-
dici, q̃ hoc prædictum à Cæsare est? Non
multo post ad pugnam Cæsar prouocatus,
id dedit verbo respõsum, quod sequenti an-
no, re perfecit. Illud hercule prouidere, sa-
gacis prudentiæ fuit: hoc perficere, inusita-
tæ fortitudinis. Ecquid nō vtrunq; euenit?
Fuit Cæsar admiranda ingenij perspicacia
præditus: potuit enim ex obscuris sæpe par-
uisq; indiçijs grauissima maximarum rerū
consilia euoluere.

Accidit in eodem bello, citra intermissio-
nem cū magna illa, quæ muralia dicunt, tor-

H iij menta.

menta in castra Cæsaris disploderent, videretq; Cæsar nōnullos eo perpetuo tormentorum boatu exterritos, dubitare de euentu rei: tū ille, Metum deponite, inquit, crebri enim isti bombi, morbidi sunt, breuiterq; interituri v̄etris indīcia. Ex arcaniore quadam militaris disciplinæ scientia, animaduertit Cæsar duo vitia, in eo facto hostis: vnum, quod fuit ignaui timoris, ex quo collegit, hosti non satis animi affuturum in eo bello: alterum erat temerariæ profusionis, quæ maxima fiebat tot vanis in sua Castra tormentorū ictibus: vnde perspexit breui aduersarijs neruos belli defuturos.

Multa possem, propemodumq; infinita eiusdem generis exempla cōmemorare, si tempus orationē admitteret prolxiorem. Nō enim bellicæ laudes Caroli Cæsaris celebrantur solum nostris, quæ minus facundæ sunt, sed omnium pene gentiū literis atq; linguis, quæ nunquam res tantas, vllius ætatis iniuria, obliterari patientur. Conferantur sanè omnes Rom. imperatores, oēs exterarum gentiū, populorumq; oēs clarissimorum regum res gestæ, cum Cæsarist:
reperiemus

reperiemus profectò, nec magnitudinē cō-
tentionum, nec pręliorum vehementia, nec
regionū varietate, nec, quod uel maximum
est, prudentia conficiendi belli, nec con-
fecti moderatione atq; clemētia, vlllo pacto
cōparari posse: cum licet fortasse depugna-
rint illi quidem cōtentiosius, at certe nec
potiti victoria sunt iustius, nec vli sanctius.

De bellicarum virtutū laudibus, quibus
Cæsar meritò celebrandus est, hic ego for-
sitā nimis longe, cum alibi nullum vllius
tantum orationis flumen, nulla dicendi aut
scribendi tantā vis, tantāq; copia queat re-
periri, quæ exornare (quid dico exornare?)
q̄ enarrare res gestas Caroli Cæsaris possit.
Eò igit̃ se oratio cōuertat nostra, quò nō mi-
nor laus iustitię in Cæsare refulsit, q̄ quò illa
ipsa eius inuicti animi fortitudo eluxit sem-
per: sed breuius aliquanto de ea, licet multo
fufius, quàm hæc, patere existimetur.

Carolus Cæsar non solum studio præcla-
ro, omni generi virtutum seriam operā na-
uauit, sed penè omnis honestatis, iustitiæq;
semina ex parentum, auorumq; propagine,
& quasi cum ipso Matris lacte suxisse vide-
tur,

tur. Audierat puer, legerat adolescens, vir cognouerat, iustitiæ basin esse, aliena non concupiscere, ut Aristides definit, nec id alteri faciendum, quod tibi nolis fieri, ut lex naturæ constituit. In hoc igitur iustitiæ fundamento, omnē gubernādi imperij sui Carolus administrationē exædificandam statuit: idq; eo modo quidē, ne, quamuis se legibus exemptum nosset, eis tamen, quibus ipse in alios efficacibus viuiscq; vteretur, in se voluerit vti mortuis tabulis. Etenim non hunc ille verē iustum dici posse, qui tam cōstrictus sit, ut iniustē agere non queat, sed eum omnino, cui cum liceat iniusta facere, abstineat tamen, iustum arbitrabatur.

Eius suę in istam normam assuefactę voluntatis principiū, ordiri domi malebat inter suos, q̄ foris inter alienos. Sorores ergo, quas habuit quatuor, tam æquali iusta q; paternæ hæreditatis dote locupletans, elocauit, ut non iustitiæ solū limites non coarctatos ab illo, verū liberalissimę pietatis etiam ut terminos vltra communem sortem prolatos, possis dicere. Oēs quatuor, vti regiam sobolē & Cæsaream, singulis regibus iunxit

xit matrimonio, Elisabetā Chrifternō Daniae, Mariam Ludouico Vngarorum, Leonorā Francisco Gallorū, Catharinam Ioanni Lufitanorum regi. Quanq̃ ifta cōnubia dubijs ſint varijsq̃ iactata calibus, iuſtis tamen herculè de cauſis contracta atq̃ celebrata fuiſſe, culpae poteſt nemo: vt vel vltimum iuſtum in Carolo fraterni amoris deſideret officiū, vel in regia ſobole honeſtam educationem.

Cum fratre autem Ferdinando auguſtiſſimo Imperatore noſtro, paternorū regnorum, quā ille æquabilem, quā iuſtam, q̃ ad dignitatē Auſtrianae domus in diuidendo rationem neceſſariam conſtituit, iniuit, erexit: Non fuit in his, vt Ennius Rom. de Romulo et Remo fratribus, conqueritur, q̃

Omnis cura uiris, uſer eſſet induperator:

nec illud, quod de ipſo Rom. Imperij primordio lugent poëtae, quaſi violenti regni infauſtum initium:

Nam primi fratrum māduerunt ſanguine muri.

Alexāder Arrium ducem ſuum odit propter induſtriam, Clitum propter bellicae virtutis opinionem confodit. Quid vero

I

Octauius,

Octavius, Pater ille Patriæ: Lepidum, quia minus blandiebatur, submouit, Antonium, quia strenuus erat vir, oppressit. Quid autē Carolus? nō solum manus ab omni tali scelere puras, sed mentem quoq; mundam habuit semper. Solitus enim erat dicere, neminem alterius, qui suæ cōfideret, virtuti inuidere. Hoc idē Carolus, hoc idē cum sentiret Ferdinādus frater, tanto pacatiori hæc, tantoq; tenaciori saluæ concordia vinculo tractata sunt & constituta inter hosce potentissimos duos Europæ Monarchas: quanto illustrius mutui erga se suosq; amoris signū in Austriana domo ad sempiternā rei memoriam crexerunt.

Tum vero Cæsar qua iustitia turbatas Italiæ res non composuit? Quoties ille Pfortias cum Gallo, & Gallum cum Sabaudis in pacem redire conatus est? Genuenses ciues seruitute per iniuriā oppressos iuri veteri restituit & suo. Rebelles Mediceæ domui Florentinos parere coëgit, nihilq; tamen eos indignum, præter iusta onera, ferre volebat. Andagauēses autē foedæ defectionis crimine reos, grauitè Carolus quidē,

at

at iusta lege tamen castigasse dicitur : non
quod vilitatæ suæ, veterisq; Clemētiae oblitus,
summū ius maluerit in patriam, quàm mo-
deratæ æquitatis legem exercere : sed quia
intellexit sapientissimus Imperator, alibi iu-
stitiæ non peruertendum tribunal : proinde
hac lege hinc agendum censuit, alibi alia.
Optimo iure V. virtēbergensem ditionē fra-
tri potuisset, non exuli reddere : et sibi suisq;
Palatinum, Hessiam, Turingiam reserua-
re, nō gratuito restituere supplicibus. Quin
etiam alijs donare Electoratū, alijs Saxo-
niam distribuere, alijs partiri Misniam fuis-
set Carolo victori integrū : sed ille malebat
his, quos sibi aliquando gratos, imperio fi-
deles futuros esse rebatur, quod sibi adiungere
aut suis. Galliam vero non Francisco licuis-
set, sed hæredi Philippo filio suo assignare.
Ita Cæsar iustitiæ munera cū æquitatis cle-
mentia cōmiscere didicerat, vt euidentius
ille, quæ naturæ sint aut gratiæ propria, quæ
vtriusq; cōmunia, quæ diuersa, potuerit ipsa
re discernere, quàm subtili disputatione Phi-
losophi.

I ij Si

Si explicare nunc, non percurrere facta
Cæsaris nobis propositū esset, quam puta-
mus fore non prouinciam dico in Europa,
non in Italia urbem, non oppidum in Ger-
mania, nō in Hispanijs aliquod municipiū:
sed quod solum, in tot illius florentissimis
regnis, in quo ille non imprefferit sempiter-
na quædam vestigia iustitiæ ac benignita-
tis suæ. Verè sic ille temperandas Christia-
næ Reip. habenas iudicabat, vt, sicut Pal-
las in Eumenidibus ait, τὸ μὴ ὀνειδίζον μῆτε δεισσομένη
μενον. Quanquā homines nūc sunt plerique mali-
tia quidē occulti, maleuolentia autem satis
refecti, qui illis tam præclaris Caroli lumi-
nibus nubē inuidiæ obducere conentur: at
certè nulla vnquā ætas de tantis laudibus con-
fitefcet, nec eū adeo tot corruscantiū virtū-
tum splendorem patietur obscurari. Habet
enim hoc ipsa virtus, quod homines inuidi-
ne de facie quidem norunt, vt fortes viros
iustosquē species eius & pulchritudo, etiā in
hoste posita, delectet. Nobis ergo, cunctisque
alijs cordatis viris sat argumenti debet esse
de Caroli Cæsaris iustitia, de æquitate, de
beneficentia, de liberalitate, quæ vulgò, et ab
ipsis

ipsis hostibus agnomentum accepit, vt
Probus vocitetur, der frun̄c Kaiser.

De pietate autem illius, de studio Catho-
licæ religionis, de assiduo cultu diuino, vn-
de sumam principiū, vbi finē constituam?
His rebus puer inuigilare cæpit, hisce eisdē
senex immortalis est, his domi militiæq; va-
cavit certis diei horis semper. At quoniam
facilis lapsus est in re ardua, aliorum prin-
cipum Cæsar periculo cautus, ne à recta di-
uinæ legis linea vel ad dexterā resili-
ret ardor deuotionis suæ, vel ad sinistram impru-
dens imitatio: verum scripturæ S. intelle-
ctum, non ex priuato sensu vllius hominis,
sed ex Catholico totius Christiani orbis cō-
sensu, tanq̃ è viuo fonte, nullius hæreseos
veneno, corrupto hauriendū existimauit.
Quo in studio suo, duorum theologorum,
quos excellentissimos habebat, Petri et Do-
minici Sotorum opera potissimū vsus, ve-
ram Christianæ religionis analogiam tam
in contextu Sripturæ S. quàm in Catholico
eiusdem et orthodoxo intellectu, perspexit
atq; recepit. Vidit enim fidem eam, qua ho-
minem iustum oportet fieri, Catholicā esse

I in debere,

debere, vt semper et vbiqꝫ sui similis sit, di-
uerfa nusqꝫ. Spem vero fiduciamqꝫ illā, qua
pro sese quisqꝫ niti possit, non eiusdē esse,
sed diuersi generis, cum tantū præmij qui-
uis speret meritò, quantū cuiqꝫ Deus secun-
dū opera sua redditurus sit ex gratia. Eamqꝫ
ob causam intellexit Cæsar, nisi interuentu
dilectionis viua fiat fides, & spes ardore
charitatis incitata expectet reuelationem
gloriæ magni Dei nostri, mortuam esse fi-
dem, spem inanē: cū, etiamsi vtraqꝫ maior
sit dilectio, ratione finis: has ipsas tamē vir-
tutes Gratia ea, quā Christus gratis ex ple-
nitudine sua vnicuiqꝫ propriā largitur, tali
dignitate imbuat, taliqꝫ informet gratissimī
cōcentus suauitate, vt fides et spes per chari-
tatem efficaces queant operari meritoriē.

Hac ista Christianorum orthodoxa fide
cū rectē esset, solideqꝫ institutus Cæsar, tri-
plicē animaduertit tota vita sibi laborem in
Christianæ religionis cultu, ppetuò sumen-
dū: primo, ut doctrinā catholicæ fidei, et oris
confessione, et gladio magistratus sui uirilia-
ter, sicut fidelem Ecclesiæ aduocatū decet,
defendat, atqꝫ incorruptā cōtra hæreses tu-

teſ:

teſ: deinde, ut deuoto corde ſemp Deū pre
cibus colat, pauperes iuuēt eleemoſynis,
ſe ipſummet caſtiget ieiunijs, tēperantia, ca
ſtitate, pudicitia: poſtremo, ne ſpem felicita
tis ſuæ in potentia tot regnorū, in rerum fe
liciter geſtarū gloria, ſed in futura cœleſtis
regni poſſeſſione collocare ſemper mediteſ.

Non fucatè Cæſarem, ut hi, quorū oratio
conſentit, pugnat ratio, nec languidè, ut illi,
quorum oratio pugnat, conſentit ratio, ſed
corde ad iuſtitiā, ore ad ſalutem, catholicæ
fidei doctrinam confiteri ſolitū, ubiq; ani
maduerſum eſt. Ac ut pro multis unum ad
ducā exemplū: quæ uero illius iſta ad prote
ſtantium principes in frequenti Imperij Se
nату oratio: quæ fulmina: quæ dolentis ani
mi feruer: Dixerant quidam confeſſionē,
quā exhibuerant, ita certis niti manifeſtisq;
ſcripturarum testimonijs, ut putent refelli
poſſe à nemine: proinde nec ipſos ab ea de
bere, aut uelle, ſalua fide cōſcientiæ, recede
re. Ad hoc Cæſar, nequaqp̄ ſe illud, quod iac
tent de firmitate cōfeſſionis ſuæ, ipſis aſſen
tiri: falſo .n. aſſeri, euinci nuncp̄ poſſe. Nec
minus ſe de propria ſalute, atq; ipſos de ſua
ſolli

sollicitū esse. Quam sit amplexus, esse religionem ab ipsis traditā Apostolis, ab horum discipulis propagatam, traditamq; per manus maiorū ad nos peruenisse: multo ergo minus sese religionē eam, quæ fundata ab Apostolis, exædificata ab horum successoribus sit, q̃ illi suā nuper natam sectam posse aut uelle deferere. In decreto igitur, qđ comitali iudicio factū, se nihil mutaturū esse. Id autē si protestantiū principes nolint ratum habere, sibi fore necessarium, ut alio decreti genere agat deinceps, quo tandem pullulantes sectæ extirpari & sua Germaniæ pax, et uetus religio Ecclesiæ incolumis tandem restaurari possit: cum certo compertum habeat, protestantium concionatores nō obscurè cōcitasse rusticorum in Germania tumultū: in quo propè centū millia hominum calamitosè perisse constet. Huc accedere, quod vi sacerdotes exterminent, bona eorū occupent, violentq; humana iura, ac diuina pariter. Se itaq; nisi ab impijs istis desistant institutis, iure vti suo oportere, ne, qđ principes ipsi cōmuni caliculorum suffragio sibi tuendū tradiderint, ius

ius turpiter absq; fœda nominis sui macula
abiecisse videatur. Hæc & quæ subtexta
sequuntur, Cæsar Augustæ per Georgium
Marchionem Brandeburgensem respondit
protestantibus.

Neq; tecta illa fuit Cæsaris, neq; vana
confessio oris ad salutē (si de salute tamen
sua admoneri subditi voluissent ab Impera-
tore:) neq; eiusdē suæ fidei cōfessione tanq;
inani, ostendit se vsurum ad iustitiam, siqui-
dem salutis admonitionem non admiserint,
iustitiæ vt ferant executionem. Bëllum igi-
tur in Germania est atrox exortū, dum sub-
diti pro noua hæresi, pro veteri & Catholi-
ca fide dum Cæsar arma induit. Sed dum
vota vtrobiq; ad Deum vtriq; facerent, ius-
tiori parti vt victoriam, iniquiori vt inte-
ritum certum afferre palàm dignaretur: ibi
Deus quidē vtrosq; audiuit, sed exaudiuit
Cæsarem, hunc incredibili triumpho exor-
nans, illos humilians ad panem doloris, vt
luerent pœnas.

Ea Cæsar victoria potitus, nihil prius du-
xit, nihil sanctius, nec impensius egit quic-
quam, nec ante oïo acquieuit, quàm à Pau-

lo Tertio indictum œcomenicū Concilium
videret Tridenti. Nam in varijs illis, quæ
habuit, Comitijs, cū Catholici procures non
solum de pestiferis sectis, quas protestantes
disseminabant: sed etiam lamentabundi
conquererentur, contra ius & æquum spo-
liari se, pellicq; à possessionibus, indicta cau-
sa: & cum Vuormatiæ ex S. C. decretū sit,
debere spoliatos restitui in integrū, nihilq;
tamen hæctenus effectum esset: tum ad hæc,
protestantes ista semp vtisolere exceptione;
(vnde etiā, vt protestantes dicerentur, sunt
adepti nomen) quoniam res illa ex vniuersi
orbis iudicio pendeat, in comitali discep-
tatione finiri non queat: se ad liberum pro-
uocare concilium, in quo tam de doctrina
sua, q̃ de spoliatis sacerdotijs cleri, iustas ra-
tiones velint reddere. Et si autē Cæsar clarè
cernebat, protestantes nō ideo expetere cō-
cilium, in eo vt cōtrouersia finirentur, cum
non obscurè, si aliquando habendum esset;
id detrectaturi videbantur: sed vt prætex-
tu concilij, quod facile abs se impeditum iri
sperabant, litium dijudicatio extraheretur,
donec plus virium sibi accederet, decederet
aduersarijs:

aduersarijs: Cæsar tamen ne vel fictè pro-
uocantibus renuisse censeretur, non solum
effecit, vt non minus securè protestantes
possent, q̃ Catholici iter facere Tridentum:
verum ipsemet quoq̃ in alpes sese recepit,
conseditq̃ Oeniponti, vt in vicinia esset,
vtq̃, si opus foret, præsens adesse possit, ac
si forte pars vna se grauari arbitraretur, suæ
eam leuaret æquitatis præsentia.

At. verò hi isti tam p̃ij, quàm necessarij
conatus Cæsar, quem euentū habuerunt?
Eum profectò, quem Cæsar ipse multo ma-
nifestius ante fore præuidit, q̃ auertit satis
maturè, sed alieno potius, q̃ suo iudicio du-
ctus. Conspirant enim duces contra Impe-
ratorem, coniurant alumni in perniciem pa-
tris: qui illos susceperat, educarat, institue-
rat: qui illos instruxerat copijs, opibus cu-
mularat: qui illos honore, qui dignitate, qui
omni splendoris ornamento insigniuerat:
hunc illi suo exercitu inuadunt, hunc suis
proprijs oppugnant viribus, hunc senem se-
de sua pellunt iuuenes, quid? imò hunc suū
parentem filij ad necem inquirunt. Prote-
stantes theologi cū non sperabant fieri pos-

se concilium, proteruè concilium postula-
bant: Cæsar vero cū potuit fieri, indici cura-
uit, & ad indictum vtramq̃ partē vocauit:
quoniam enim protestantes ad concilium
prouocarint semper, liberum nunc esse Tri-
denti concilium: quoniamq̃ in eo iudicio
pmiserint se velle causam dicere: in eo igit̃
nūc vt dicāt, audiantq̃ vicissim, id ipso-
rum si des data postulet. Hinc illæ lachrymæ. Qui
malam fouent causam, quia malè egerunt,
fugiunt lucem, iudicem non ferunt. At ne
tamen malam, quam habent, causam habe-
re videantur, à præsentē iudice, ad alium
quempiam, quem tamen futurum non spe-
rent, prouocant: & ad hunc, vbi ventū est,
eum vt suspectum reiiciunt, vel, si possunt,
vt hostem oppugnant armis.

In hærese istud facinus mirandum nō est.
nihil enim facit alienum à se: in principe au-
tem Christiano stupendum certè, nō miran-
dum duntaxat: quem hoc sacrosanctū Cæ-
saris studium iuuare, non tam nefaria secta-
riorum conspiratione impedire decuisset.
Sed factum est: nos actum agere non volu-
mus. Atqui esto: egerit Carolus nihil, se
Imperatore,

Imperatore, nisi quod œcomenicam Syno-
dum Tridenti collegit: tamen haud equi-
dem scio, an vlla alia re potuisset melius de
tota Ecclesia mereri, munificentius aliquod
vniuerso orbi terrarū conferre beneficium,
aut singulis Christianis rectius consulere,
aut sanctius deuincire vniuersos, quàm q̃,
se Augusto Imperatore, doctrina de iustifi-
catione impij hominis, per eā occasionem,
tam perspicue, tam solide, tam succinctè ex-
plicata sit: vt omnes mortales vel hoc nomi-
ne immortales gratias Deo agere, & Cæ-
sari, quas possint, maximas referre semper,
pro inæstimabili illo salutis humanæ the-
sauro, existimem iure oportere.

Præclarum vero hoc, magnumq̃ fuisse
pietatis opus in Cæsare, quis inficietur, cū
ne hostes negent quidē? Sed extant adhuc
maiora. Quota pars Europæ in fide reman-
serit videmus: quanta autem sit ea, quæ de-
fecerit, omnes sane deploramus, meritò lu-
gemus: quando id Ecclesiæ detrimentum
nonnulla etiam culpa euenerit nostra. Pio
autem studio, secundum Deum, Cæsaris,
triplo plus Occidenti, & Meridiē accē-

K ij sit,

fit, q̄ vel Turca in Ortu abstraxit, vel in Septentrione Lutherus, ab orbe Christiano, dum in Abyssinorū regnis, dū in America, dum in Prasilia, alijsq̄ nup̄ inuentis per Lusitanas classes insulis, quasi nouo in orbe, religionem fidemq̄ Christi curat instaurari, hominesq̄ ad Christum conuerti: vt rectius de Carolo possit, q̄ de Alexandro Magno dici, victi populi meliorē esse conditionē, q̄ victoris: q̄ hic labore defatigetur, illi ex barbaris, homines culti, & quod maximum est, Christi cohæredes efficiantur. Cum autem non plus ex hoc lætitiæ caperet Cæsar, quàm ex illa defectione doloris, quatuor grauissima bella pro vera fide Christi, contra perfidiam Antichristi suscepit atq̄ gessit, primū quando Solemanum fugabat ex Pannonia, secundū, expugnatore regno Pœnorū, tertium, cum Algerium oppugnabat, quartum, vindicato rebellionis crimine. Omitto hicalia partim terra, partim mari gesta bella, quæ aut duce Aurlia habuit Cæsar; aut per alios legatos administrauit: sed hæc quis enumeret? multa sunt enim, tempus non patitur referre.

Omnia

Omnia certè ad defensionem Christiani nominis, ad propagationem Catholicæ fidei, omnia deniq; eum in finem. & facta esse & gesta à Cæsare, vt Deo debitum cultum præstaret, & necessarium Ecclesiæ officiū, nemo dubitare potest.

Interea nunq̃ omisit, quod Austriana domus vel inprimis semper magnificit, domesticæ pietatis ac priuatæ exercitiū. Eam Cæsar ab ipsa pueritia consuetudinem habuit, non vt succisiuis, sed vt certis diei horis quotidianarum precum absolueret pensum, ordinem penè eum secutus, qui Dominicanis monachis vſitatus est. Ceremonias vero Eccl̃iæ sanctè ille coluit semp, festiuos dies minimè neglexit, sacrificijs interesse quotidie quasi ex fixa lege obseruabat. Ex Chrysostomo enim didicerat, duas esse necessarias precum alas, quibus illæ possint in cœlum subuolare, ieiunium, atq; elemosinas. Quapropter tametsi ex determinata cibi potusq; diætâ viueret semper Carolus, vt nullo alio ieiuniorū opus esset nouo præscripto: non intermisit tamen, quin vltra cōmunem moderatè viuendi rationem, etiam
in

in certis quibusdā Sanctorum vigilijs sub
iugum redigeret & sub seruitutem corpus
suum: quo & precibus posset, & secretio-
ribus diuini cultus mysterijs animū inten-
dere efficacius. Nā in eū finem ieiunia D.
Petrus instituta docet, cum ait, Sobrijs esto-
te, et ieiunate, vt precari possitis. Nec id ig-
norasse vident philosophi quidā gentiles,
cum hominī nihil mali euenire posse affir-
mant, qui sapientiæ fundamentum iecerit
temperantiā atq; castitatē. Sapientiā vero
intellexerunt eam vitæ institutionem, quæ
à terrenis absit longè, & proximè cum cœ-
lestibus conuersetur: varietatemq; quæ ter-
renæ voluptatis mater est, fugiat, delectetur
simplicibus: idcirco enim aiunt Home-
rum cœlites vocare *ἡσυχαστάς* Carolum Cæ-
sarem igitur vel hac de causa in terris vi-
tam egisse prope cœlestē, nobis licebit di-
cere: quandoquidem plus voluptatis se ex
frugali victus temperantiā percipere affir-
mabat: q̃ eos, qui nihil, quod genio libeat,
nihil, quod placeat gulæ, soleant omittere,
quiq; ingeniosius palato sapere, q̃ corde
videantur.

Eleemosynas

Eleemosynas præterea sic ille erogari,
sic distribui curauit egentibus, sibi quidem
vt in cœlis æternū thesaurū colligeret, no-
bis vero vt relinqueret in terris necessariū
Christianæ liberalitatis exemplum. Memi-
nimus hic Augustæ (non ita enim pridem
accidit) Cæsarem vna die viginti quinque
millia ducatorū dispartire inter pauperes.
Quid autem alibi factum putamus? Quid
in Belgio, vbi natus, & in patria? Quid in
Hispanijs, vbi educatus? Quid in Italia, in
Sicilia, regnisq; alijs, vbi rectius se posse
vidit, cui det eleemosynā, ut Christus iubet,
attendere, ne det scilicet hæresi, ne pseudo-
prophetis, ne degeneri sectariorum propa-
gini? Nusq; illè non vel erogauit pie quip-
piam, vel erexit sanctè, quod memoriam
sui commendaret gratæ posteritati, quod
præberet alijs pro se deprecandi occasionē.

Cæsar itaq; his vitæ institutis, atq; eo tali
cursu, in dolore & labore, magna fortunæ
varietate, multa hominum perfidia, graui
morborū senijq; oppressione defatigatus,
non (vt Iulius Cæsar) quia satis vel naturæ
vixisset vel gloriæ; sed quia minus Deo,

L plus

plus peccato, quàm lex diuina velit: statuit mundani imperij sui curriculũ abrumperẽ, & ad cœleste regnum flectere noui itineris cursum. Quapropter cum duas filias Carolus, Mariam Maximiliano Bohemorum, Ioannam Emanueli Lusitanorum regibus elocasset matrimonio, dedissetq; filio Philippo Elisabetham Henrici Octauiregis Angliæ filiam vxorem: tum ille ex Anglia filium, ex diuersis prouincijs proceres euocauit Bruxellas, & in corona circumfusæ nobilitatis, dixit se iam Germaniam velle deferere, in Hispanias proficisci: & causas, cur illud decreuisset facere, cū grauius perorasset, cœpit etiam strictim, at facundè tamẽ, & bella, quæ ab initio imperij sui gessisset, & cursum administrati sui muneris cõmemorare: videlicet vt filio nõ solum omnia tot florentissima regna: sed rectè etiam pièq; regnandi disciplinam se simul tradere, exemplo gubernationis suæ, testificaretur. Regnis itaq; filio Philippo ritè traditis, proceribus filium, filio vicissim cõmendauit proceres, p̃lixa oratione vtrosq; cohortatus, proceres quidẽ, vt fideliter pareant

reant filio, filiū verò, vt iustè, vt prudenter,
vt moderatè imperet, & quæ honesta sint;
iubeat, quæ noxia, vetet fieri: in primisq; vt
luē illam Lutheranicæ contagionis arceat
à regnis suis viriliter, & legitimam præstet
Apostolicæ sedi obedientiā atq; honorem.

Non ita multum post & ipse rex Maximilianus cum Maria coiunge sua, filia Cæsaris, Bruxellas venerūt, vt patri valedicerent. Cæsar itaq; filiā, scilicet fœminā et moribus et pietate verè Cæsariā, deosculatus, et pijs paternisq; affectibus cōplexus, mox filium Philippum ad se et Maximilianū accersiuit, et grauissimè ambos admonuit. Cer nere illos, quam imperij amplitudinē Dei beneficio adepta sit breui tempore Austriana domus: et cum inuidia plerumq; sit periculosa comes fortunæ, non deesse, partim occultos, partim manifestos etiam, tantæ maiestatis æmulos principes: qui, rebus Austrianae domus integris, in metu facile possint contineri, eisdem distractis, non facile: sed vtrò occasionē illos quæsituros, vt, quod diu cogitarint, re ipsa sese declararent facturos esse. Quamobrē hortari ipsos.

L ij vt

vt sese diligant fraternè, ope mutua iuuent,
pariç studio ac animo incolumitatem Au-
strianæ familiæ complexentur, ornent, tue-
antur: nec se aut ullo prætextu priuati boni,
aut vllò publici, sinant in mutuum trahi dis-
fidium: sed meminerint tandiu vigorem,
Austrianæ stirpis florentem fore, quandiu
ipsi agnati sint concordēs, quandiu eadem
fumant arma contra communē hostem, ean-
dem colant cum comunibus amicis pacem.
Nec quicq̃ certius esse, q̃, quod vulgò dici
consuetum, Cōcordia res paruas crescere,
discordia magnas dilabi.

Semina autem discordiarū aliunde nusq̃
oriri perniciosiora, q̃ vel ex nimia ambitio-
ne regnandi, aut peruerso nouarum opinio-
num studio. Regna Austrianæ domui abū-
de iam satis esse, & plura, si concordēs sint,
affutura semper: nec ita laborandū quoq̃,
q̃ multas quis enumeret prouincias, ac,
quàm prudenter eas, feliciterq̃ gubernet:
cum non æquè in magno bonum, atq̃ in bo-
no magnum sitū existimari debere, sapien-
tes arbitrentur. Austrianæ domus fastigiū
in hanc creuisse sublimitatem auspicio, cul-
tuq̃

tuq̃ Catholicæ fidei, & obseruantia Ec-
clesiæ Matris: vnde pariter & imperij di-
gmitatem acceperint maiores sui, & ita vi-
xerint in hac mortali vita, vt spem sempi-
ternæ felicitatis non dubiam reliquerint de
se posteris: quorū vestigia dum Austriani
principes imitati sint, rectè cū illis semper,
cum vel paululū deseruerint, malè actum
esse. Eamq̃ ob causam se illos monere san-
ctè, hortari paternè, Catholicam fidem vt
colant constanter, hæreses omnes vt vitent
studiosè: atq̃ ne ipsi contaminentur, sectæ
riorum repellant commercia, ne imperitus
populus, armis coërceant nouitatum autho-
res: ita .n. ipsos in terris feliciter imperatū-
ros esse, beatè semperq̃ victuros in cœlis.

His sanè rebus, alijsq̃ ritè confectis,
Cæsar Fratri Ferdinando Regi Romano-
rum, & sceptrū & diadema Rom. imperij
primo quoq̃ tempore tradi per legatos
suos curauit, & huic suo nomine optari de
hostibus victoriam, in subditis felicem gu-
bernationem, & cum in terris se amplius
conspicuri non sint, vt in beato illo, sempi-
ternoq̃ consortio Angelorum iterum con-

L iij iungantur,

7
iungantur, fruituri præsentis Dei conspectu in omnem seculorum æternitatem. In Hispanias igitur, necessarijs suis ubi cunctis perhumaniter valedixisset, enauigauit cū sorore Maria Vidua, contulitq; se in regnum Castiliæ, & rectà in illud Cœnobium S. Iusti, quod Eremitæ habent non procul ab vrbe Valdoleta. Annis enim multis antè, propè id Cœnobium sibi ædes nonnullas eum in vsum, vt aliquando ibi, abdicato Imperio, priuatim possit viuere, totusq; vacare diuino cultui, adornari curauerat. Eo itaq; in loco Cæsar, continuo vt venerat, illam est, quam diu multumq; ante sibi proposuerat, priuatæ vitæ normā auspicatus, sed tanto maiore hominum admiratione, quanto admirabilius est, summū, quod tenuit, in orbe terrarum culmē sponte abs se desertum spernere, q̃ hoc ipsum adipisci, quod admirantur omnes, quod potētissimi quicq; affectant. O sempiternū, et nunquam interiturū humilitatis monumentū, Quàm diuersum ab hoc summi Imperatores olim? Iulius quidem Cæsar virtute, rerumq; gestarū gloria vix vlli secundus; at, quo tamen
ambitionis

ambitionis furore agitabatur? Quos ille ex
Euripide versus semper in ore habebat?

*Nam si uiolandum ius, regnandi gratia
Violandum est: alijs rebus pietatem colas.*

Quàm fæda fuit etiam in Alexandro
Magno ambitio? Et quanquā natura istum
principem omnibus regiarum virtutū nu-
meris quasi absolutum reddere conata est:
sed illum tamen quo rapuit fastus? quō lu-
dentis fortunæ flabrum? Decreto publico
volebat haberi ac coli Deus. Et cum Phi-
losophū quendā audisset multos esse mun-
dos asserentem, lachrimans exclamasse di-
citur, O miserum me, qui vix unū obtineo.
Tantum malum est regnandi libido: quæ
nonnunquā mouet chordas, vt Græci dicunt,
immobiles. Qualis vero illa fuit Atrei re-
gis sermocinatio?

*Æqualis astris gradior, & cunctos super,
Altum superbo uertice attingens polum.
Nunc decorare regni teneo, nunc solium patris.
Dimitto superos.*

Hæc profecto, vt cōmunia omniū regum
non sint, sunt certè principū nonnullorum:
qui licet sermone isthæc nō iactent coram,
corda gerunt talibus referta cogitationi-
bus.

bus. Quapropter ista Cæsaris non ficta, sed vera, planeq; vera humilitas, eò maioribus laudibus efferenda est, quò exempla eius extant rariora. Quis è tanto, tamq; sublimi folio ad infimum istum humilitatis gradum sese vnquam demisit? Athanasius Imperator, inquis. Sed ille rebus Græciæ penè desperatis: Carolus cōtra, rebus florentibus, imperio cōstabilito, hostibus deuictis, celebratis et de Africa, et de tota Europa triumphis: ille propemodum vi coactus, hic volens sponteq; sua: ille subito, hic re diu ante & deliberata, & decreta, vt vltimum quasi actū vitæ, istiusmodi tam piā, q̃ rara catastrophe feliciter placideq; concluderet.

Cæsar hoc genere vitæ annos pene tres transacto, vsq; ad annū, qui est à partu virginis 1558, mense Augusto, articulorum dolore correptus, cōflictatusq; aliquandiu, tandē eo, qui secutus est, mense Septēbri, accurrente etiā febri, cepit periculosè decumbere. Et quamuis alij nihil esse periculi persuadere conabantur: ipse tamen, vti minime ignarus sui, codicillos iubet conscribi, rem omnem parat ad non incertū iter. Confestimq;

festinmꝫ sacerdotem, quem à S. confessio-
nibus habebat, accersit, confitetur, veniam
delictorum contritus petit: absoluitur: nec
mora, quin mox sacram percipit Eucharis-
tiam, extremi etiam Chrismatis oleo vngi-
tur. In ore autem præter cæteros psalmos,
semper habebat eum, cui est initiũ, De pro-
fundis. Aderat Episcopus Toletanus, vir in
S. literis eximiè doctus, & cum multa con-
solandi Cæsaris causa dixisset, de infirmita-
te et peccatis nostris, vicissimꝫ quæ Dei sit
erga genus humanum clementia, quæ me-
ritorũ Christi in nos effusa vbertas: tũ Cæ-
sar ad Deum suspirans, sententia vsus Au-
gustini, dixit, Væ etiam laudabili vitæ ho-
minum, si, remota misericordia, discutiās
eam. Et continuo psalmum De profundis
recitauit, quem etiam petijt ab Epō Tole-
tano sibi breuiter, cum plenus esset conso-
lationis, exponi. Fecit Episcopus. Interea
Cæsar iam instare horã intelligens, cereum
sibi in sinistram dari, in dexteram crucifixi
Christi imaginem mandabat. Hanc ille su-
binde, dũ Episcopus enarrat psalmum, exo-
sculatus, alta suspiria ducens, significabat

se, animamq; suam non suis, sed Christi meritis, diuinæq; misericordiæ commendare. Vix Episcopus Psalmū finierat; confestim Cæsar spiritum suum in Dei manus commendans, quasi placidè obdormire cunctis circumstantibus est visus. Fuit autē is dies S. Mathæi Apostoli, & 21 Septembris, cū vixisset annos 58, menses sex, dies 26.

O beatam mortem Caroli Cæsaris, si tamen mors dici potest ea tam placida, tamq; felix ex hac vmbra mortis in illā vitæ lucem migratio. Non ille, medius fidius, mori visus est, sed suauiter obdormire, non mortem obire, sed ipsam quasi vitam gestire tunc primum ingredi. Quæ res circumstantibus amicis tantū peperit mœrorem, quantum nulla alia calamitas potuisset parere: non quia mortem Cæsaris tantopere lugendam sibi existimarint, ea etenim, cum esse beatam illam viderent, non luctum ipsis, sed gaudium aliquod spiritale afferebat: sed quia, cū illa Cæsaris mors, vel ipsa vita visa sit augustior, dolebant se non vnâ cum principe suo migrare hinc, non vnâ rapti in cōmunem illam, felicemq; tam auspiciati

cātī itineris societate, se hic in ærumnis relin-
qui, illum transportari in angelorū con-
tubernia: vt, quando in hac lachrymarum
ualle multas cū eo molestias sint, laboresq̃
perpeſſi, nunc vnā cum eo quoq̃ æternæ
quietis vsura confestim frui non liceat. Sed
illud optare fuit facilius, q̃ adipiſci cōtinuo:
nam ita ferme est, vt inquit Poëta,
Dulce mori miseris, sed mors optata recedit.

Quamobrem si Cæsarem ideo beatum
credimus, quia in gratia Christi, quia in ve-
ra fide, quia in constante spe, atq̃ ardente
charitate Dei sui, placidè hinc, pieq̃ disces-
serit: nos idè miseros, quia in hac sumus
ærumnosa miseria relictī: ita vitam institua-
mus nostram oportet, vt illas, quas dixi, vir-
tutes in eo imitemur, vitia fugiamus, itaq̃
feramus huius præsentis seculi fortunā, la-
bores, misérias: vt in futurum illud, vbi for-
tunæ ludibria cessabunt, et labor erit quies,
et luctus gaudium, semper migrare gestiat
animus.

Iam fortasse mirabitur quispiam, quid in
mentem nobis veniat, q̃, cum Cæsari tot
tribuamus, tantasq̃ virtutes, & eam hone-

fforum operum laudem, vt vix vllus Imperator ei comparandus videatur: nihilo minus tamen hæc sacra sic faciamus, quasi dubium nobis, non certum sit, illum continuo cœlitum commercio frui. Quanq̃ vero huic nos quæstioni supra respondimus, & quidem, sicut opinor, abunde satis, vt alio opus nunc nō sit respōso; nisi, q̃ nos Carolū Cæsare neq̃ eo in statu locamus, vbi ppter supremū gradum Christianæ perfectionis, non egeat precibus nostris, neq̃ in illo, vbi propter malè actæ vitæ cōditionem his sacrificijs iuuari non queat: sed in hoc statu, vti arbitramur, vbi tum indigeat ille, tum nos eum possimus iuuare vtiliter. Qua autem lance vtrumq̃ ponderandū, antea est dictū, nunc repeti non necessarium. Nam gratia Baptismi regeneratus fuit, Ecclesiæ ascriptus ciuis, Dei factus amicus, ac hæres regni cœlestis.

In peccata deinceps recidit: Eluit poenitentia. Deū offēdit: contritus doluit, confessus veniam petijt: culpamq̃ eius deleuit gratia, poenā æternā exoluit Christus. Ea lege susceptus Carolus in Ecclesiam est, ea lege

lege & vixit, & vltimū clausit diem. Atq̃
ne hæc ipsius morientis obscura esset, aut in
certa nobis confessio, imaginem Christi in
cruce pendentis sibi porrigi in dextram ius
sit, in sinistram, candentē cereum: videlicet
vt in hoc signo vitæ suæ conditionem testa
retur, in illo misericordiā Dei atq̃ gratiam.
Etenim quid imago illa passi Christi aliud
vult, quid monet, nisi quod mors Christi sit
victoria totius salutis nostræ: Eo itaq̃ Cæ
sar respexit moriens, vnde viuens Christia
næ vitæ hauserat exordiū, vnde incremen
tum sumpserat, vnde id demum, ad finem
vsq̃ vt perseuerare posset, donum supplex
morienti sibi concedi precabatur: ne cum
Dei gratia præsto sit nō obluētanti, ipse si
bi defuisse, maleq̃ illis in Gratia donis vsus
reperiretur: ac, si quid in his etiam deliquis
set, Deus propter eundem crucifixæ imagi
nis archetypum velit condonare.

Eumq̃ in finem altera manu cereū can
dentem tenebat: quia enim in candela &
lumen est, & ardor, & ipsa species rei: lu
men, fidei symbolum est, quæ apprehendit
verum illud lumen, quod in tenebris lucet,

M in Christum

Christum Dei Filium : ardor vero ignem
charitatis significat, quā Spiritus S. diffun-
dit in cordibus nostris : tum etiā, quia nunc
spe salui sumus, & per fidem ambulamus,
nondum per speciem: itaq; cum apparue-
rit, quod erimus, tum videbimus eum sicuti
est. D. Augustinus & Hieronymus omnia
opera ea, quæ ab homine Christiano exigit
diuina lex, docent exprimi ardente lucer-
na, seu candela : cuiuscemodi illud Christi
est, luceat lux nostra coram hominibus, vt
bona opera vëstra videant, & glorificent
cœlestem Patrem.

Quocirca Cæsar tametsi nulli rei, nullisq;
vllorum hominum meritis, nisi gratiæ ei;
quàm se ex plenitudine Christi accepisse re-
batur, confidendum in remittendis peccā-
tis credebat: nec tamen interea neglexerat,
quin, vt, si vitam ingredi vellet, sibi necesse
esset mandata seruare diuinæ legis in vera
fide, in spe non dubia, in charitate non ficta.
Qua in parte Cæsarem viriliter elaborare
conatum videmus, si omnē illius antea actæ
vitæ cursum placet, & morientis exitū per-
pendere: sed vtrumq; tamen sic, primum vt
neq;

neqꝫ cum D. Paulo queat dicere, Pulchrum certamen certavi, sæpe deliquit enim: Cursum consumaui, imò subinde impegit, lapsus non rarò: Fidem seruaui, non deseruit quidem omnino, at certè indefensam neglexit aliquando, in sectarios indulgentior, q̃ par, asperior in clerum, q̃ æquum. Deinde vt neqꝫ debeat dicere cum Cain, Maior est iniquitas mea, quàm vt veniam merear. Cum igitur è tribus mediam nobis viam, qua Cæsari in cœlestem patriam pergendum est, integram & viuētis eius honesta studia, & morientis pia sollicitudo reliquerint, nos haud quāqꝫ desperamus, sed eadē misericordia Dei freti, eisdemqꝫ Caroli vestigijs innixi, cereos nostros accendimus, Crucifixū Christum inuocamus, eiusqꝫ tum merito, tū gratia credimus hosce cereos nostros, quibus ista sacrificia et preces et elemosynas nos offerre testamur, Deo placere, animæ defuncti Cæsaris prodesse.

Nec, dū id facimus, noui facimus quicqꝫ: Diuus enim Athanasius in funebri oratione sua, Postqꝫ is, inquit, qui piè diem obiit, in aërem positus est, tu Christum Deum inuocans,

cans, ne recuses oleum & ceram ad sepul-
chrum accendere. Grata. n. Deo hæc sunt,
multumq̃ ex sese afferunt retributionis.
Nam oleum & cera holocaustosis sunt : in-
cruentū vero sacrificium, propitiatio est : in
pauperes autē, beneficentia, augmentū est
omnis bonæ retributionis. Non solū ita nos
D. Athanasius docuit olim, sed etiam Hie-
ronymus, Augustinus, et cæteri omnes do-
ctores catholici.

In eiusdem autem rei notationē et puero,
nuper nato, cereū præferimus et Chrismate
illū inungimus, vt per sacramentū Babtis-
mi regenerē, in hoc gratiā Dei misericor-
diāq̃ significantes, in illo fidē, spem, dile-
ctionē : in eiusdemq̃ rei notationē & mori-
turo cereū ministramus, & imaginē passi
Christi, vt & hoc, & illo signo admonitus,
per sacramentū pœnitentiæ credat se Deo
aut esse iā, aut mox iri recōciliatū : in eiusdē
deniq̃ rei notationē, et nos defuncto Cæsari
nūc Cereos pullati accēdimus, id præ nobis
ferentes, qđ deceat nos eā in defuncto pœ-
nitentiæ partē, quæ tēporales pœnas exo-
luere satisfactione iubet, subleuare conuicti
ieiunijs,

ieiunijs, elemosynis, precibus: sed merito illius tamen, cuius imago crucis typum gerit, cuiusq; memoriam celebramus iam in his sacrificijs. Nam quemadmodum cereus inutilis est puero absq; Baptismo, & cereus stultè versatur in manu morientis, absq; sacramēto pœnitentiæ: sic & hæc faces accensæ, id est, preces & ieiunia, & elemosynæ nostræ, futes sunt absq; virtute incruentæ hostiæ.

Has deniq; similesq; ob causas fiunt à nobis hæc sacra, & hæc iusta exequiarum. In quibus tametsi multiplices cernuntur, variæq; ceremoniæ, in eundem tamen fontem reuoluuntur, vt nihil sint, nisi eiusmodi delictorum expiationes; quæ natura sua cadunt in lancem veniæ, vel sunt temporaliū flagellorū mitigationes quædā. Iam igit si instes, rogesq; qd sibi velit ea tāta cereorū cōgeries, tanta panni atrii partim substrati, partim affixi copia, tot insigniū splendor, tantus vexillorū, cericatorumq; equorum apparatus: quorsum etiā tot insulati antistites, ea tanta pullatorum cateruā. Quid; inquis, hæc profunt? quò spectant? quid aut

N viuis

viuis illa, aut mortuis afferūt emolumentū?
D. Augustinus, vt in ore populi est, respon-
det, si hæc mortuis non profunt, esse tamē
qualescunq; consolationes viuorum.

Et rectē quidem, verēq; præclarus Do-
ctor Ecclesiæ: sed quemadmodum nec il-
lud falsum antiqui Poetæ Aeschyli, γυνίαις πι-
τρί, βαθὺ πένθος: ita hoc verum quoq; est, vt non
perperam Græci, q̃ πολλὰ πᾶσι, πολλὰ ἀμαρτάνει.
Eo etenim in statu reipublicæ, qui summus
est, quiq; aliorum corrector esse debet, sui
conseruator, nec ab alijs tam constitui,
quàm alijs constituendi legem tradere, ne-
cesse est, per officarios multa delinqui in-
curia, plurima peccari temeritate, iniuste
multis suū perire iniquē alijs tradi alienum:
adeoq; vt nihil pene certius sit, quàm quod
Romanus senatus respōdit Zenoni Lega-
to Attico, magnas Resp. regi non posse, si-
ne maximis multorum iniurijs: non quia sic
Deus, vt fiat, planē aut velīt, aut impellat
homines, sicut olim Manichæi, nūc sectarij
docent: sed quia ea talis est plerunq; princi-
pibus ratio gubernandi, vt, cum ipsi omnia
inspicere, rectē an, secus habeant, non posse
fint,

fint, multa illi cogantur officarijs committere.

Sed nimis magna, inq̃s, hæc ista funebris pompa est. Magna sane: at magnum quoq̃ fuit peccandi theatrū Cæsari. Infiniti cerei, pullati innumerabiles. Non paucioribus eget tantus Imperator pro se, delictisq̃ suis deprecantium turbis, qui eleemosynis, qui ieiunijs, qui precibus Deū placent, pœnas temporales mitigent, afferāt defuncto Cæsari istis officijs consolationem.

Quid autem insignia illa imperatoria quæ ostentantur, sibi volunt? Ad aram ea vides offerri, vt Deo, vnde Carolus accepta ferebat, intelligas referri. Diadema autem hoc imperatorium à cæteris regum coronis diuersum est, & multo augustius: duo enim illa, quæ cernimus bifulcati verticis acumina, vtriusq̃ imperij occidentis & orientis regale symbolum habent: quorum tametsi alterū Turcarum tyrannus vi iam dudum obtinuit, alterum optimo iure Germani, vtrumq̃ tamē Carolo subiectum parere debuisse, monet forma diadematis. Globus huic aureus additus est, vt constet

N ij totius

totius orbis terrarū ambitu, Rom. Impij iurisdictionē, quæ Carolo Cæsari comissa fuit, terminari, atq; cōcludi. At vero Imperator ne cū priuatis affectibus de tanta Reip. mole ignoraret sese minimè cōsultare debere, sceptrum gerit & gladium: hunc, vt meminerit imperatoriæ virtutis esse, heroicæq; fortitudinis, vniuersos ciues æqualiter sibi gladio tuendos esse aduersus oēm vim hostilem: illud, vt iustitiæ custos sit domi, curetq; Resp. legitimis officijs in pace administrari, res priuatas quemlibet suas tuto possidere. Chlamys vero aureis laminis cōtexta, & galea, & aurea pelta, arma sunt ipsius, quibus indui debet, Imperatoris, vt corpus muniat suam contra vim atq; iniuriā: etenim qui multorū custodem se profitetur, eū sapientes sui primū capitis aiunt custodem esse oportere. Holicericati equi, et quæ his singulis singula attributa sunt vexilla, symbola habent regnorū, quæ Carolus sua habuit, quæ rexit, quæ defendit. Tredecim autem equi cū sint, totidemq; vexilla, tot ergo regna significari intelligimus, Rom. Germanicū, Castiliense, Arragoniū. Leonense.

Leonense, Neapolitanum, Siculū, Nauar-
rense, Granatū, Toletanum, Austrianum,
• Burgundicum. Quæ regna quoniam opti-
mo iuris titulo accepit atq; possedit, excelso
animo & generoso tutatus est, summa cle-
mentia atq; æquitate gubernauit, ornauit,
auxit. Iam vero officio defunctus suo Ca-
rolus, more maiorum illa ad aram, Deo, à
quo sibi tradita meminerat, integra hisce
exequiarū ceremonijs restituenda reliquit.

In istorum vero tot, tantorumq; regno-
rum imperio, nihil deliquisse Cæsarem, as-
serere, nimium adulantis est, perditè etiā
flagitioseq; vixisse, iudicis vehementer in-
humani. Etsi autem (quia Dei minister esse
debebat, non cupiditatis priuatæ) non ig-
norabat se illis tam augusti imperij insigni-
bus non abuti, quod forsità accidit aliquan-
do, sed rectè honesteq; ad laudē diuini no-
minis, ad Christianæ Reip. incolumitatem
vti debuisse: tamen dubium non est, quin
abusus sit nonnunq; , quin deliquerit sæ-
pe, quin vnà nos, cum D. Iacobo fratre Do-
mini, illum confessum oporteat asseuera-
re, Quod in multis offendimus omnes; cum,

N iij etiamsi

etiam si sanctè vixisset et inculpate semper,
(quod speramus) omitti tamen ab ipso in-
ter precandum, hæc precis pars non po-
tuerit, Remitte nobis debita nostra. Eam
sane ipsam ob causam, castrum doloris, vbi
cenotaphium Cæsaris est, exstructum tali
(sicut videmus) esse forma oportebat: vt,
cum ad id omnia regnorū insignia adduci
cernimus, agnoscamus esse Cæsaris pecca-
ta quædā in administratione tot regnorum
commissa: ob quæ forsitan, & ipsum do-
lere, & mœrere nos deceat. Verum tamen
ne aut nos de nostris meritis stultè confide-
re existimemur, aut ille de gratia Dei de-
sperare, eadem regnorum insignia ad alta-
re offerimus. Ad quod altare autem? ad id
prorsus quidē, in quo pro delictis in guber-
natione imperij à Cæsare fortè commissis,
offerit corpus & sanguis Domini: vt huius
pleno quidem merito, sed precum nostra-
rū eleemosynarumq; intercessione, Carolo
Deus peccata ea, quorū ipsum aut, quoniā
agnovit illa, pœnituit: aut, quoniā ignora-
uit, pœnitere debebat, clementer condona-
re dignetur.

Hæc

Hæc de exequijs, vitæq; Caroli Cæsaris
breuiter nunc dicenda videbantur: quanq̃
res gestæ illius latius patent, quam vel hæc
occafio fert, vel sacra ista permittunt expli-
cari: fat ergo, quod tempori sufficit, quod
huic loco præfenti non est importunū, quod
quoquo modo adumbrare tantæ rei magni-
tudinem posse videbat̃. Iam vero id nobis
cogitandum relinquitur, quantum Deus
Christiano orbi bonū elargitus fuerit, cum
daret Carolum imperatorem, quantumq;̃
vicissim malum nobis videatur imminere,
cum eum eripuerit, non cōmuni hominum
forte, sed inusitata imperij abdicatione, sed
sacratiori quodam vitæ generis instituto.
Diuinitus Carolum his temporibus datum
Imperatorem, dubium esse potest nemini,
nisi forsitā ei, qui, quæ isthæc tempora sint,
& qui fuerit Carolus, planè ignoret. Si sua
cuiusq; hominis natalis dies, non sui est, aut
humani arbitrij, neq; fortuiti casus, sed ip-
sius Dei prouidentia, omnia ad bonū aliquē
finem, suamq;̃ in primis gloriā ordinantis:
arbitror non male iudicare illos, qui cen-
seant nullū herōa, virumq;̃ magnum nasci
vnq̃,

vnq̃, absq̃ afflatu diuino, siue ethnicus ille sit, siue Christianus, tametsi hunc potius, quā illum: quemadmodum D. Augustinus non obscure passim.

Quapropter non tam fortasse ad personam debuit, quā ad naturā, quæ Dei opus est, referri, qđ vsitatum fuit heroas vocari Diuos, quia sint tales viri dona Dei plerumq̃. Alexandrum Magnū & Cæsarem Octauium Diuos dici solitū meminimus. Scimus enim Octauium Augustū in mense Augusto, cum puer adhuc esset, præter morem eius Reip. et legem, factum consulem: scimus etiam eodem mense & statum popularis Reip. in monarchiæ formam ab eo transmutatum esse, & plurimos illum in eodem mense felices habuisse & secundos successus, in eodemq̃ esse mortuum. Quin et suum Alexandro Magno natalem diem plenum fuisse felicitis auspicij, commemorant historici: etenim sexto die Aprilis natum illum accepimus, & eodem die victum ab eo. Darium Regem Persarum, & eodem die mortuum. De Carolo autem Imperatore nō diuersum modo, sed simillima, vel

•vel potius eadem possumus dicere. Natus ille est in anno Iubilæo, & ipso die D. Mathiæ Apłi: quo die & inauguratus Bononiæ, accepit diadema, & sceptrũ Romani Imperij: quo die et Franciscũ regẽ Galliarũ insigni prælio vicit, captiuũ tenuit; quo die demũ Augustissimus Imperator Ferdinandus ei has exequias Augustæ fieri curauit?

Eum vero talem principẽ, talem hẽroa, talemq; Imperatorem nobis ademit Deus die Mathæi, quem die Mathiæ Apostoli dederat. Quid putamus? vterq; Apostolus, quia à verbo matan, quod donum significat, nomen accepit, fortuitò ne eos Apostolorum dies, alterũ in natalem, alterum in mortẽ Cæsaris incidisse, credendũ est? Non equidẽ opinor, sed Deo sic ordinante, Deo sic ponderante ad certã legis suæ regulam, cum rata sit, stabilisq; diuinæ prouidentię in rebus humanis certitudo. Quapropter si nasci Carolũ, ediq; in lucem hanc, ipso die Mathiæ, Dei donum fuit, signumq; gratiæ: certẽ diuinæ iræ indicatiũ esse videtur, idem donum nobis eripi die Apostoli Mathæi: quasi, cuius tẽporis notatione illud donum

O obtigerit,

obtigerit, eiusdem ereptum existimare debeamus. Sed hoc, quale sit, cogitantibus nobis, ò Deum Immortalem, quæ subit in mentem omnium rerum conuersio, qui imperij huius, & Germaniæ totius extremus agon, ac veluti vltimus vitæ conatus?

Atqui de Religione nostra vt taceam, ea enim adeo in tot diuisa & lacerata partes est, vt nemo pius reminisci possit absq; ingenti dolore, nemo recordari absq; gemitu & lachrymis: sed de ciuili statu huius imperij si licet, quod res ipsa palàm clamat, mussitanter effari, quid remedij superest nobis? quæ spes salutis apparet amplius? quæ conferemus consilia, vt saltē reliquias tueamur, non dico, vt recuperemus integrum corpus? Omitto intestina mala, prætereo clades partim in occidente acceptas, partim in septentrione, nec refricabo, quæ mala illinc iam videantur impendere nobis: hoc saltem refero nunc, vt etsi vndiq; pax appareat, vndiq; securitatem speremus: à Turcico tamen Tyranno reor nobis timendum esse, cum ille fidem seruet nemini, omnibus Christianis natura hostis semper, licet

cet verbo amicitiam colat aliquando, re ipsa tamen nunq̃.

Nec sane mirum. Apertas enim ille habet, & paratas in Germaniam vias duas, hæresin & anarchiam: quarum illa Deum à nobis alienauit, hæc vires Reip. distraxit, illa cōsilia perturbauit domi, hæc foris effecit vt arma sint nostra infelicia. Hisce Germaniæ lætalibus malis medicum Deus Carolum Imperatorem dederat, vt collapsum imperij statum erigeret, vt fulciret miserabilem labentis Ecclesiæ ruinam. Eundem verò Carolum, cur Deus recepit, præsertim tempore minus opportuno, magis periculoso. Quia erigere conantē impediuius, quia fulcientem penè oppressimus, quia demum omnia ornamenta huius imperij, omnem Ecclesiæ auctoritatem abijcere maluimus, quàm paululum à peruicaci recedere opinione nostra. Multa signa sunt non verisimilia tantū, sed ipsa penè veritas, prorsus ruiturū fuisse hoc imperium, nisi ineffabili Dei benignitate nobis Ferdinandus tã desperatis rebus obtigisset imperator. Cui vtinam æquè fideliter, prompteq̃ obtemperent

perent subditi, ac ille imperaturus est piè,
moderatè, prudenter. Dabit ille operam,
credite mihi, si pertinaces non fuerimus, vt,
sublatis de religione dissidijs, animi ciuium
vera fide Christi & charitate mutua iterum
coalescant, vt collatis viribus Christiano-
rum, bellum legitimè suscipiatur aduersus
Turcicum Tyrannum, vt non à finibus mo-
do illum nostris, quos iam vastantem cer-
nimus, propulsare, sed etiam regna amissa
recuperare possimus.

Non contemnendus sane is hostis est, sed
metuendus vehementer, si solum successus
barbari victoris considerabimus, non cau-
sas victoriæ. Etenim res nobis cum eo ho-
ste, & cum hoc Tyranno est, qui totius As-
syriæ, qui totius Aegypti, regniq; illius flo-
rentissimi Sultanici dominus est: qui Græ-
corum tenet imperium: qui Bulgariam,
Vallachiam, Seruiã, Thraciam occupauit:
qui Vngariam penè vastauit vniuersam,
potissimam partem nobis eripuit: qui pium
regem Ludonicū, memoria nostra, inge-
nti prælio superatum in eum locum compu-
lit, in quo illi moriendū fuit. Cuius Tyranni
pater

pater Solymus Capsonem. Tomonbeumq̃.
Sultanos sapius iusta acie victos, alterū in
fuga obtruiuit, alterum curauit laqueo stran-
gulari. De Mahomete autem huius, qui
adhuc in viuis est, Solymani auo, quid di-
cam? Constantinopolin ille expugnauit,
ipsumq̃ Imperatorem Constantinum fortis-
ter quidem pugnans, sed vi oppressum,
interemit. Idem Mahometes regno Bosnae
debellato, regem Stephanum victum ca-
ptumq̃ iussit obtruncari capite: idem Tra-
pezuntium Imperatorem Dauidem Vsun-
cassanis Persici regis socerum occidit, cru-
deliterq̃ cunctam eius deleuit prosapiam.
Quid vero Amurathes huius secundi Ma-
hometis pater? Magno conflictu Vngaro-
rum exercitum apud Varnā ad internecio-
nem deleuit. Similiq̃ crudelitatis successu
Baiazetes primus pater Amurathis, Mar-
cum trucidauit principem Seruiānorū, vni-
uersamq̃ & Bulgariā & Seruiā nobilita-
tem funditus eradicauit.

Hæc certè, aliaq̃ generis eiusdem, quæ
plurima omisi consultò, non minus horren-
da sunt extremæ immanitatis exēpla, quam

haud incerta monumēta Dei nobis irāscen-
tis, fortunæ rebus nostris valde reluctantis:
quorum neutrū videre, insani stuporis est,
alterutrū contemnere, infinitæ temeritatis:
hominumq; non ita casus humanos despi-
cientium, quàm aspernantium iram diuini
numinis. Eum itaq; hostem qui leuem exi-
stimat esse, qui facile superari posse cōfidit,
qui vires illius, & tot, tantisq; superbum
victorijs, metuendū non putat, errat is pro-
fectò, & errat vehementer atq; periculosè:
qui etiam vinci non posse arbitratur, in eo-
dem versatur errore. Aio equidem illum
non vinci tantum, sed etiam funditus deleri
posse, si ipsos victoriæ neruos malimus, quā
victoriæ euentum ponderare. Mihi verò
tres esse videntur causæ, quæ, si rectè positæ
sint, felices successus, sin perperam, infeli-
ces euenire solere: multum enim momenti
positum est in causa suscepti belli, in disci-
plina moribusq; ciuium ac militum non pa-
rum, in æquali numero viriū aliquid mag-
num certè.

Quis enim non expertus est, quantum in
contentione soleat causæ bonitas valere?
quantum

quantum ponderis habeat in vtramq; par-
tem, fauente ne, an aduersante Deo, res ali-
qua geratur: Tametsi, vt Homerus ait,

Partem sepe solet meliorem vincere peior:

at hominum tamen id vitio plerumque,
non ipsius causæ scimus euenire: cuius in
hoc, quod Christianis cū Turcis est, bello,
tantò nos superiores sumus iustitia ac veri-
tate, quantò illi nobis gladio. Non. n. rarò
accidit, vt bona causa, malè tractādo, fiat de-
terior. Non, medius fidius, religio Christia-
na in culpa est, non fides Catholica nostra,
nō hi ritus, & hic iste Ecclesiæ, quem maio-
res nostri secuti sunt, ordo: sed perfidia, ma-
licq; mores nostri, sed hæc carnalis libertas,
qua sibi quiuis putat, quid libeat, licere, atq;
vel inprimis hoc exitiale inter nos nuper
ortæ discordiæ incendium: quod plurimi
accendunt subinde, rari restinguere conan-
tur. Annis abhinc plus minus noningen-
tis, cum Græcia diuersis redundaret hære-
sium fluctibus, gens ingeniosa quidem, at
cū contentionū esset, quàm veritatis aman-
tior, malletq; superbæ dominandi libidi-
ni obsequi, quàm exhibere debitum Apo-
stolicæ

stolicæ fedi honorē : est tum stupenda quæ-
dam Dei permissione oriens ab occidente
refectus atq; auulsus: vnde confestim inex-
piabilis diuina ultio secuta, Turcico furor i
carcerem, quo ille diu continebatur, effudit
sic, vt iam liberè possit, quocunq; velit, eua-
gari, pœnasq; sumere de immanissimo fla-
gitio patrati schismatis.

Dependerunt Græci pœnas hæcenus,
luuntq; in hunc vsq; diem, non fœdissima
solum corporis seruitute, sed multo magis
etiam (quo nihil miserabilius est) sempi-
terno animarum exitio. De singulis non lo-
quor, sed de vniuersa apostasia. Admirabi-
le Dei iudicium. Animaduersum est in Iu-
daico populo priuatæ opinionis labē, quam
Græci hæresin vocant, causam fuisse schis-
matis, schismaq; vicissim eò reducere solia-
tum istam instabilitatis conuersionem, vt
quod in Spiritu Dei ceptum, in ethnicam
degeneret idololatriā. Exempla non multa
recitabō : cognitæ enim sunt historiæ sacræ
de duobus filijs Noe, de Esau filio Isaac, vn-
de etiam Edomitæ extitit ethnicismus:
nec opus est vel Aegyptiorū hic, vel Afro-
rum,

rum, de Christiana fide defectionem cōmemorare : nec, quæ Asianos peruerterūt, nec quæ submouerūt Arimonos, nec quæ Græcos à Catholicæ Matris gremio alieniores effecerunt, peruersa studia: quis enim ea non dolet? quis non deplorat ea tot Christianorum exitia?

Domestica inspiciamus, & enata domi nostræ mala : quæ non minus Germanis eundem infidelitatis exitū, quàm cæteris, quæ defecerunt, nationibus, allatura videntur. Quid enim nos aliud nunc, quàm illi quondam? Vestigia maiorū relinquimus: nouis rebus studemus: veteres non ita oscitanter negligimus, quæ studiosè conamur deletere, memoriam illorum extinguere, antiqua illorū instituta euertere radicibus, susserpere noua & nostra, plurimum à primis illis, vnde Christianismus ad nos permanuit, dissidentia. Feret ne hoc Deus in nobis, quod hætenus in nulla gēte tulit vsquàm? Non feret, creditote mihi: vlciscetur autem tantò sæucrius, quantò nos peccamus grauius, id quod scientes, minime ignari, quid nos deceat, quid lex diuina iubeat. Quapropter

P alterutrum

alterutrū ē duobus necesse est, aut nos easdem pœnas Deo soluere perpetua seruitute corporis et animæ, quemadmodū exemplo nobis gentes sunt pleræq̃: aut certē Deum placare pœnitentia: vt, quia discordes fuimus, studeamus concordia: vt, quia summis magistratibus rebelles obluētati fuimus, eisdem obediētes pareamus in posterum: vt, quia ab Ecclesia recessimus, redeamus ad Ecclesiam: vt, quia salutaria instituta maiorum abieciimus exosa, eadem repetamus adamata: hæresesq̃ relinquamus, reuertamur ad mentem saniozem: satis enim, satis inquam, illusum est innoxia plebi, satis indultum priuatae libidini, satis insanitum animo, satis maledictum Ecclesiae, & huius sponso Christo Iesu.

In hisce nobis elaborandū est, huc omne sanctioris pœnitentiæ studium conuertendum, hisq̃ ante domesticis medendū vulneribus, q̃ aut vlla nobis speranda foris victoria de hoste, aut domi instauratio ruentis imperij, aut præsentium cladium auersio salutaris. Nec morā res patitur, cui vel hæc ipsa hora noxia potest esse mora: sed cōnitendum,

tendum, dum tempus est, dum Deus pœnitendi spaciū largitur, & deliberandi diem cōcedit Tyrannus: ne citius iusta pœna nobis luenda sit, q̃p̃ iniusta culpa expianda. Nihil, hercule, certius, q̃p̃, quod Græcis iam pridem euenit, Vngaros iā incepit attingere, malum instare nobis: vt, cū veram Christi libertatē concordēs ferre in Ecclesia nō potuimus, crudelē impij Mahometis feramus seruitutem in extrema barbarie, discordes, varijsq̃ distracti hæresium cōtentionibus.

Hæc profectō eiusmodi esse reor, vt non dubitē his istis domesticis malis stantibus, stare Germaniam nō posse, sed ruere illam oportere, spemq̃ nō præsētis uitæ tantum, sed multo magis etiā futuræ illius cœlestis omnem necessariō nobis labefactatum iri. Annales Romani Imperij cōsultite: euoluite Sacras Historias: quoties enim Israelitæ victi profligatiq̃ leguntur, toties causam cladis legimus fuisse eam: quia Dei legem violauerint, quia de peccatis non pœnituerint, quia nec admoniti prauos vitæ mores correxerint. Sic etenim ipse Deus & felicitis successus causam, & calamitatis

P ij exposuit

exposuit Israelitis. Si audieris, inquit, vocem Domini Dei tui, ut facias atque custodias omnia mandata eius, quæ ego præcipio tibi hodie, faciet te Deus excelsiorem cunctis gentibus. Dabit tibi Dominus inimicos tuos, qui consurgunt aduersus te, corruentes in conspectu tuo: per vnam viam venient, per septem fugient à facie tua. Dum igitur Rex Achab, populusque obtemperarent concionibus Eliæ, dum Baalistas sacerdotes respuerent, dum altaria Baal vitarent, & sacris vacarēt traditione maiorum receptis, dum de commissis erroribus, nouisque Baalitarum studiis pœniterent, & lætarentur de restituto vero cultu diuino: domi tū respublica florebat, populus tranquilla pace fruebatur, foris Rex feliciter pugnabat aduersus Benadad regem Syriæ: contraque dum idē Rex Achab Eliā aspersionaretur, sacerdotem Dei, consilium secutus promiscuæ multitudinis, populusque diuinū cultum à maioribus acceptum relinqueret, nouis Baalitarum diuerticulis insistens: sunt tum confestim oīa versa in contrariū. Nam ubi Rex Achab, renouato bello, iterum præliantur

præliaretur in Ramot Galiad, iaculo ipse transfixus interiit, hostis integra victoria potitus est.

Possem multa exempla recitare, si tempus orationem desideraret longiorem. Legimus Constantinum cognomento Magnum, multis à Deo varijsq; ornatum victorijs, quòd Catholicū scripturæ sensum tuebatur, Arianam hæresin refellebat, q; antiquas leges valere volebat, noua sectariorū placita delere conabatur. Quod sane cum principum nonnulli, qui successerunt Constantino, negligenter, vel quia eisdem erroribus implicati faciebant cum sectarijs, vel quia supina incuria serpentem pestem nō satis maturè auertere cōnitebantur, ortis tandem passim in Græcia hæresium factionibus, eò imperium prolabi passi sunt, vt & ipsi imperatores prorsus deleti, fædissimè perierint, & populus sit in miseram ærumnosamq; seruitutem redactus. Moueat nos hoc deplorandum Græci schismatis exemplum: abstineat ab imitatione imminentis mali, similitudo: pœniteat domesticum schismatis, pigeat alieni; redeamusq; ad concor-

P in diam

diam Ecclesiæ catholicæ, ad cultum auitæ religionis, quam Christus instituit, Apostoli tradiderunt, maiores propagarunt ad nos cum florente Rep. Christiani orbis. At qui id si sedulò fecerimus & maturè, præcipuum & instaurandi imperij, et obtinendæ aduersus Turcam victoriæ fundamentum rectè firmiterq; iactum, sanctè polliceri possum: sin minus, frustra, frustra inquam, foris bella suscipiemus, planeq; infelicitè, nisi prius domi in concorde religionis nostræ consensu, Deū studeamus iratum placare, & seriò orare placatum, vt ipse consilia salutaria suggerere, & copias & opes suppeditare velit.

Hæc meo, quidē iudicio, domesticis discordijs medicina est, hæc potissima obtinendæ aduersus perpetuum Christiani nominis hostem victoriæ causa: si nos de voluntate Christi ducis nostri nō simus discordes, si de fide religioneq; Christianorū non discrepemus distracti, si vno ore, vno corde Dei opem imploremus: ne, cum salus nostra ab ipsius sola pendeat benignitate, contrarijs votis Dei iram potius, quàm misericordiam,

cordiam, mereri intelligamur. Etenim quæ
fidæ societatis spe stabo cū cōmilitone meo
in eadem acie pro fide Christi depugnaturus
contra p̄fidiam Turcicam, si sciam illum
de eadem hac, pro qua præliandum nobis
est, fide digladiari mecū? Non uideo equi-
dem, nec ulla ratione assequor, quī illum fi-
dum mihi socium belli fore queam persua-
dere. quē in ipsa fide Christi infidelem iudico.
Non ignorat hoc Solemanus Impera-
tor, non inscius est Turcius miles, eoq̄ fit, ut
Christianorū exercitus sociæ fidelitatis uin-
culo dissolutos, tanquam eneruatū sedici-
osæ plebis gregem contemnat extremē, in-
uadat animosē semper, uincat plerumq̄.
Quæ autē eius perfidæ militiæ nostræ alia
causa adduci potest, nisi exitiosum hoc reli-
gionis nostræ dissidium? hoc etenim exul-
cerati sumus, hoc dissociati, hoc in uatini-
anum coniecti odiū, hoc impellante in mu-
tuas clades irati descendimus, in mutuas
cædes furiosi ruimus.

Bellum à Turcis cum denunciatum est,
se, qui quoquo modo potest, domi continet,
auxiliatum exosis fratribus non prodit; vel
si

si qui prodeunt tamen, illi aut quia trahuntur inuiti, parum pugnant strenuè, aut quia sic plerique omnes affecti, ut hostem malint vincere, quàm vinci, ne domi cogant metuere sectariæ religionis emendationem. Quare quemadmodum hæc fæda nostra de Christiana religione dissensio nobis præcipuum malum est, ad infelicem militiam, et ad omnes hæc clades nostras: ita vicissim eadem Turcis præcipuum est bonum, quo nos oppugnet, quo Christiana regna nobis eripiant, quo nos, liberosque nostros, & coniuges abducant in seruilem illam, & perpetuam miseriam. Concordiæ igitur operam demus necesse est, maximeque tollendo religionis dissidio, ut, depositis priuatis odijs, animisque stabili religionis consensu firmatis, vere statuere possimus, quemadmodum Rex Cyrus monuit, nullam phalangem neque robustiorem esse, ad pugnandum, neque ad obtinendam victoriam, feliciorē, quàm ciuium concordiam, vera inter ipsos amicitia coniunctorum.

Altera verò causa rei nunc melius, quàm hæctenus gerendæ, in disciplina militari, moribusque

busq; ciuium posita videtur. Quæ, prohi-
Deum, iam nescio, quo Christianæ liberta-
tis obtentu, sic dissoluta effluxit, vt vix, vn-
de discessit, reuocari vlllo modo posse vi-
deatur. Libertas creditur illa esse, planeq;
Christiana, & antiqua Germanorum, sic vi-
uere vt velis, id licere, quod libeat; contraq;
seruitutem esse, facere quod lex iubet, omit-
tere quod vetat. Ea in stulta persuasione, aut
insana potius, dum versamur, falsis circum-
uenti decretis sectariorum, vereor ne, cum
maximè liberi esse elaboremus, in extre-
mam trahamur seruitutē. Quis enim liber-
tatem ferat eam, quæ honestati inimica sit,
sacratæ legibus aduersa?

Lex iubet, vt Deum timeas, honores re-
gem, vetat contrariū. Si libertas neutri vo-
let obstringi, vtrumq; sibi liberū esse, quid
futurum est? Quæ rerum omnium conuer-
sio? Qui diuini pariter atq; humani iuris in-
teritus? Deum legitimè timere quis potest,
nisi etiam regem honoret suum? Etenim,
quia Imperator tuus, Dei minister est, huic
vt obedias, oportet, hunc vt reuerare, est
necesse. Tum etiam, vt poëta inquit,

Est multos regnare malum, rex unicus esto.

Ei itaq; obtemperemus, quem scimus Imperatorē diuinitus nobis obtigisse: ei præsto simus consilio, auxilio, manu, qui omnes defensos esse studet, desertum neminem: eum, quò vocat, sequamur: vocat autē in sacrum bellum, in Christianam militiam, in necessariam cōmunis patriæ defensionem.

Nec dūbium est, quin & ipse Imperator, vt heroico est excelsoq; animo præditus, si videat cætera esse paria, si cum dignitate Imperatoriæ Maiestatis queat fieri, sit proditurus in acrem, felix haud dubiè in iustissima causa bellator, princeps iustissimus aduersus nefarium sceleratumq; Tyrannum, sui ipsius dux exercitus. De Rege autem Maximiliano, quid nos oportet humile, aut abiectum sentire? Illius animosæ virtutis exempla, tanquàm strenui militis, collaudauit Carolus Imperator edita in Gallijs, designata in Germania: tanquàm clarissimi ducis etiā nunc in Hispanijs celebrant testes oculati. Ferdinandū vero Archiducē quis non cœlitus demissum agnoscit, diuinitusq; datum gaudet hoc tempore nobis sacri bel-

li ducē? Huic enim natura corporis robur,
cum infracti animi viribus coniunxit, exor-
navitq; vtrumq; illustri ingenio, mirabiliq;
mentis sagacitate atq; iudicio. Senferunt
iā hoc Turcæ profligati nuper in Vngaria,
sentient deinceps, auxilio diuino, efficacius.
De Carolo autem, an mediocre aliquid ge-
nerosa illa, & imperatoria, quæ apparuit in
puero, quæ in adolescente eluxit, indoles
sperare iubet? Quid habent Turcici Tyran-
ni cum horum aliquo comparandum? Hi
piè honesteq; educati, vera fide Christi Re-
demptoris à teneris imbuti, artibusq; insti-
tuti præclaris, ad rectè iusteq; imperandum
necessarijs. Illi contra ab ineunte ætate ad
libidines & stupra assuefacti, ad immanita-
tem barbaricam informati, ad cædem, ad
sanguinem edocti, alijs ad perniciem nati,
sibi ad perpetuum animæ interitum.

Firmius ne istius Tyranni imperium esse
credendum est, quod omnium bonorum
oppressionem nefandum, quod omnium sce-
leratissimorum libidine, avaritia, crudeli-
tate, abominabile? an verò hoc nostrum,
quod iure legum, quod æquitate, quod iu-

Q ij stitia,

stitiā, quod humanitate & mansuetudine
magis temperatur, quā regitur: quod ap-
probante Deo sanctum, iustumq; existit:
quod à legitimo hærede susceptū, et iureius-
rando vltro citroq; & dato & accepto, ius-
tam imperandi causam habuit semper.
Tale imperium fuit quondā in Germania,
& quidem memoria maiorum: quanq; ve-
reor ne, si ad antiqua Patrum instituta non
reuertemur, fuisse talè rectius nobis liceat,
quā esse, dicere. Sed vtcunq; illud sit:
quid Solemano in hæc regna nostra, et pro-
uincias iuris est, homini nimirum Scytæ, ex
obscuris Caucasii montis latebris erumpen-
ti? Nihil. At vincit tamen. Fateor. Voluit
Deus istam peccatis nostris iniectam esse
securim. Sed, vt Propheta inquit, Ecquid
gloriabitur securis aduersus sectorē suum?
Tametsi quidem, vt ait Synesius, magistra-
tus vtitur licitorum carnificumq; opera non
nunquam, vt boni defendi queant, castigari
petulantes: non tamen infamia istorum, nec
immunitate impurorum hominū delecta-
tur: ita quamuis vtitur Deus Turcici Ty-
ranni sæuitia, tanquā inhumani Carnificis,
vt

vt nos correcti tandem redeamus ad pœnitentiam, & ad obediendi legem: nō tamen hoc Deus abominandum flagellum feret vltorius, quā vbi nos suos filios uiderit ad emendationem cōuerfos esse.

De corrupta autem militum nostrorum disciplina nō est instituti nostri, mentionem injicere aliam, nisi quæ cuius potest, etiam me non admonente, succurrere, cum nemo, quā fæda illa sit, quā dedecorosa, nō videat palām. Germani militis virtus quondam terribilis erat cunctis exteris nationibus, nunc risui plerisq; & ludibrio est, omnibus propemodum spreta ac vilis. Quod malum ego tamen nō ita ex aliquo nativo degeneris naturæ vitio metior, atq; ex peruersissimis diuersarū hæreσιū licentia ac corruptelis: quæ etiam in generosis hominibus simul ac mentes eorum à Deo auerterint, cōfestim sic animos reddunt effœminatos, sic eneruant corpora, vt imbelles et sint & merito habeantur, victi semper, victores nunquā. Quid Græcos, & Thraces, quid Aegyptios effœminatos imbellesq; effecit nisi Christianæ fidei, morumq; corruptelæ,

Q in studium

studium sectarum & contentiōnum, nimia
libertatis cupiditas, rectè obediendi fasti-
dium? Sed aliena ista sunt: proferam nostra,
Qua enim illi, noui euangelij assertores, vn-
quam potiti victoria sunt? In Heluetia sunt
multi à paucis cæsi, in Germania rusticorū
infinita multitudo, exigua principum manu
deleta, in Vvesphalia oppressi Anabaptis-
tæ. Quid deinde secutum, victore Carolo,
non repeto. Quoties vero exercitus nostri
ad interneciōnē trucidati in Vngaria? An
ignotæ clades acceptæ primū ad Sectium,
deinde ad Budam Vrbem, postremò ad op-
pidum Palastrum? Fœdè pugnatum, & mi-
nus viriliter, quàm vsitatum Germanis, res
edocuit: omnem militaris disciplinæ, om-
nem bellicæ virtutis laudem opinionemq̃
tunc nostros milites penitus amisisse, faten-
tur omnes: adeòq̃ etiam, vt Germano pe-
dite Turcis nihil sit vilius. nihil cōtemptius.
Quid gente Boëmica olim pugnacius? Sed
quò virtus ea Hussitarum studio defluxit?
Quanquàm iam disciplina Ferdinādi, vnā
cum fide, omnem breui videntur belli glo-
riamrecuperaturi. Sed nostros quæ res alia
eneruauit

eneruauit, nisi quia hæreses Deum aliena-
runt, discordia odiumq; ex hærese natum
animos debilitarunt, corpora sic effecerunt
effœminata, luxus, gula, libido, & carnalis
nimiũ illa prædicata libertas: vt spes nulla
appareat vllius felicitis pugnae amplius, nisi,
vnde temerè seducti sumus, dāno accepto
facti cautiores, redeamus ad vnitatē Chri-
stiani orbis: vtq; huius publica autoritate
& hæreses deleantur, & disciplina morum
instauretur.

Germania, quamuis potens est, quamuis
equitatu iam ceperit valere, peditatu ante
abundarit semper, sese tamen Turcicis viri-
bus, omnium peritorũ hominũ iudicio, ne-
quaq; potest, vt par sit, opponere. Quamob-
rem autem, vt sint, qui animæ salutem non
faciant tanti, tamen profectò quod, natura
duce, omnes animantes solent, vel perpe-
tuum crudelissimæ seruitutis iugum vt à se,
suisq; & à cõmuni patria amouere possent,
debabant nullam moram interponere, nul-
lam conatum, nullum intermittere studium,
quo Germani alijs Christianorum populis
reconciliarent, quo ex vno eiusdem religio-
nis

nis cōsensu, vires possent coniungere, vna
nimes in aciem prodire aduersus commu-
nem hostem Christi Redemptoris nostri.
Atqui eo studio quantum vel ritè effectum
viderimus, vel neglectum temerè, tantum
quoq; aut prosperi successus, aut infelicis
exitij, nobis polliceri posse, vna voce cla-
mant omnes sapientes viri.

Intellexit hoc & expertus est Turcicus
Tyrannus: nō enim ille bellum Christianis
infert temerè, aut quouis tempore, sed tum
semper, cū videt Christianos principes do-
mesticis intricari cōtentionibus, mutuis se
se armis, cædibusq; conficere. Græciā Ma-
hometes subegit tum, cum de Sicilia & de
Neapoli decertantes Hispani cum Gallis,
cunctam Italiam conturbarent, & Hussitæ
vastarent Germaniam. Baiazetes Metho-
nem Venetis ademit & Naupactum, &
Dyrachiū, dum Carolus Rex Galliæ repe-
tebat regnum Neapolitanum, & Maximilia-
nus ardens bellum cum Heluetijs gere-
bat. Quid Selimus? Nonnè in Aegyptum
ille arma transtulit, victisq; duobus Sulta-
nis, Campsone & Tomonbeio, totum illud
regnum

regnum sibi vindicabat eo tempore, quo Maximilianus internecinum bellum habebat cū Venetis: & Rex Sigismundus cum Alberto Marchione de Prussia cōcertaret. Belgradum tunc cepit Solemanus, quando Carolus recepit Mediolanum, Francisco Rege Galliarū ad Papiam victo & capto. Quid Solemanum in Vngariam pertraxit, nisi, quia vidit Carolum Cæsare Italico bello et Gallico irrētutum, Ludouico affini suo præsto esse non posse. Quæritis adhuc quo modo creuerint res Turcarum, quo modo nostræ concisæ? Dicam. Ignauia nostra, vigilantia hostium, discordijs intestinisq; dissidijs nostris, hostium inter ipsos concordia, deniq; tot, tamq; diuersarum hæresium peruersis studijs, tot domesticis nostris seditionibus, tantæ opes viresq; Turcarū factæ sunt, quantas iam totus Christianorum orbis meritò extimescit.

Quid igitur frustra arma nostra foris esse non volumus? Consilia sana sint domi, subditi pareant principibus, principes Imperatori. Vincere hostem volumus? Pares vires hosti copiasq; vt opponamus, necesse est.

R At

At vero vnde? A Eraria exhausta sunt, Imperium attenuatum. Dolendum quidem profectò, sed quid futurum? quia alterum priuatæ inopiæ est, alterum publici detrimeti, finis autem vtriusq̃, interitus. Interitum dico, nisi sarciatur vtrūq̃, occurratur ambobus, & deniq̃ sic viuatur in posterū ex præscripta lege frugalitatis, vt remoto luxu, vt sedatis domesticis tumultibus, vt pace constabilita, liberaliter subditi, quod satis est, contribuere in sacrum hoc bellum & velint & possint. At quoniam nos Germani impares sumus potentia Turcis, odiorum semina, hæreses, eradicemus domi, foris cum cæteris populis, regibusq̃ Christianis conspiremus, in auxilium illos vocemus, in communem illos accersamus fidei Catholicæ, religionisq̃ nostræ defensionē, focios atq̃ fratres: quoniamq̃, cum vna nobis eademq̃ causa vniuersis sit, honestè viuendi libertas, certa doctrina de vero cultu Dei, de sempiterna animarum nostrarum salute: æquum omnino est quoq̃, vna contra eundem hostem arma vniuersos induere, vno conatu, vno studio barbariē repellere,

lere, vim immanissimi Tyranni propulsare
à ceruicibus nostris, à libertate Patriæ, ab
impolluto Christianæ fidei nostræ sacrario.
Eo pacto Tyrannum vinci posse nemo
dubitat: nec ipsemet eius sui vrgentis fati
inscius est: quo enim et quanto animi angore
dubius hæsitare soleat, quando rumuscu-
lum aliquem persentiscit, Christianos reges
pacem inter se, concordiamq; inire conari?
Quam anxius animi Solymus fuerit tunc,
cum Sigismundum Poloniæ, & Vngariæ
Vladislaum reges Viennæ apud Maximilianum
Cæsarem intellexisset conuenisse?
Quàm mitis etiam Solemanus, quàm blanda-
dus, quàm ille fucatam stabilis amicitiae
speciem præ se non ferebat, vbi Carolum
Cæsarem in Gallijs, cū in Belgium pperaret,
fuisse audiret apud Regē Franciscum?
Quid facit nunc? vtinā vero minimè. Spe-
rare id forsitan potius, q̃ obtinere licebit:
quia quid minus sit verisimile? aliud enim
agit, aliud simulat hic Tyrannus. Etenim
quàm res lubrica, q̃ dubiæ fidei Tyrannus
sit, si habitet in vicinia, Demosthenes ani-
maduertit olim in Philippo Macedone, nos

R ij in

in Ottomanis experti sumus:quàm nec ipsa tyrannis in alijs modo, sed in se quoq; perfida sit, & crudelis, exempla nos monent, malitia ipsa ex se testis est. Nam tyrannis, quàm oderunt omnes, domi nusquam tuta est, propter occultam inuidiam, foris in acie vehementer anceps, propter iustitiam Dei vindicis, & incertos fortunæ euentus.

Ea etiam de causa Tyrannus cum, quid agatur, animaduertat minimè obscurè, tantò circumspectius se cōtinet intra fines, aut certè exploratius prodit cōtra hostē, quantò videt secū agi periculosius, quàm cum vilo rege Christianorum. In occasionem igitur intentus est: temerè confligit cum nullo: scit enim si semel res suæ insignem aliquam cladem acceperint, regnum suum nutare, hæsitare subditos, militesq; more suo, fortunæ spectare euentum: & cum homines aliquanto elegantiores, præsertimq; Græci, Scyticæ feritatis pertæsi sint, ad Christianos potius, quàm ad barbariem, illorū animos propendere, certum est. Huc accedit, quod præcipuum Turcici exercitus robur, potissimè ex seruili captiuorum hominum turba

turba conflatur: qui magna ex parte coacti
militiam exercent, plurimiq; prædandi cau-
sa magis, quàm præliandi, Tyrannum se-
quuntur. Nam, quemadmodum in seruili
homine nihil est generosum, nihil liberale,
nihil fidum, nihil quod ad preclarè agen-
dum splendeat, nihil quod sit ad virtutis lau-
dem comparatum, sed sordida omnia, cun-
cta humilia atq; abiecta: sic tamen ad rapi-
nas, ad prædam, ad furta, quasi effigiati à
natura videntur seruiles isti homunculi.

Quis ingenuè natus, quis educatus li-
beraliter, aut vllò versatus honesto in loco,
volens istius sequi potest militiam Tyra-
ni? Qui omnes vult aut rusticos esse, aut mi-
lites: si sors obtingit, vt sis rusticus, à seruo
vt nihil differas, oportebit: sin miles, ne vs-
quàm domi tuæ sis, exul vbiq; nec quicquàm
spères honorificentius, quàm militare sti-
pendium, quasi diuturni laboris mercedē.
Nulli suum proprium fit prædium, nulli suos
ager cultus, nulli præstanti in suos agrico-
las dominium. An firmum tale imperium
esse, & diuturnum potest? Non sanè vides-
tur. Vnus tenet omnia, cæteri nihil habent,

quod possint proprium ac suum, suorumue
dicere, seruatorum instar, atq; vilissimorum
mancipiorum: quorum, ad nutum Tyranni
veluti ad lætiferum Basilisci intuitum, om-
nis vitæ necisq; potestas collata est Li-
beralis institutio, & natura egregium fa-
ciunt fortemq; militem, liberalia præmia
alunt, honor inflammat ad virtutem, ad de-
cus, ad gloriâ sempiterni nominis. Quæ
vt apud nos mediocria sint, danda opera
est, cum apud hostes penè nulla, aut certè
perexigua esse, cōmemoretur. Ea sanè adeo
seruilis conditio, animos militum frangit,
fidei sacramentum soluit, ad defectionem
incredibiliter impellit mentes hominum.

Subditi etiam, in Græcia & Asia, in
Aegypto, in Thracia, passimq; oppressi, ta-
met si audientes dicto quidem sunt, at solius
tantum metu crudelissimæ immanitatis: si-
quidem, quo animo verè sint, cum aliàs for-
tasse obscurius, tum profectò apertissimè
ostenderūt Græci annis abhinc sexaginta;
quando Carolus rex Galliæ, Italiam victri-
cibus armis penetrasset, occupato regno
Neapolitano: vnde rumor in Græciâ ema-
nauerat,

nauerat, Gallos ad libertatē Christiani populi, orientem inuasuros esse. Arrecti tum fuerant & concitati Græci, spemq̃ libertatis ardentius fortè, quàm tempestiuè, præ se minimè dissimulanter ferebant. Si inanis fama tantum solatij fiduciæq̃ oppressis afferebat, quid futurum arbitramur, si rem seriò videant, feliciterq̃ geri aduersus Tyrannum? Possè autem illum vinci, possè in fugam verti, possè à finibus propelli Christianorum, ostendit Rex Ladislaus, edocuit Rex Mathias, demonstraui tum Carolus Imperator, cum ad prælium inuitaret Solemanum, sed hic sortis suæ haud inscius, fuga sibi certa mallet, quàm dubio Marte in malam affectam Græciam parare reditum.

Quamobrè, quod præcipuū est, quodq̃ vel in primis spem nobis facit, tum vt domi Rempublicā instauremus collapsam, tum vt foris vim, iugumq̃ turpissimæ seruitutis repellere possimus, necesse est, stabilem concordiam inire Christianos principes, et pro se quenq̃, suaq̃ conditione, mores corrigere, se ad Deum conuertere, atq̃ eniti pro viribus, vt, refutatis erroribus, constantes

tes deniq; permaneamus semper in vera
Catholicæ fidei cōfessione. Nulla enim vir-
tus expeditior, nulla efficacior potētia, nul-
la arma feliciora esse possunt his, quàm quæ
Deum exercitus nostri ductorem nobis, et
cōmunis militiæ cunctos populos, omnes
reges, vniuersum deniq; Christianum or-
bem socios adiungant.

Imitemur Constantinos nostros, Theo-
dosios, Carolos, Ottones, Fridericos, innu-
merabilesq; alios : qui hanc Christianam
Remp. sapienter constituerunt : qui armis
fortiter defenderunt: qui compleuerunt vir-
tute, honestis legibus, præclaris rerum ge-
starum monumentis, summoq; religionis
ritè propagandæ studio: cuius vbiq; adhuc
passim in orbe Christiano clarissima vesti-
gia extare videmus. Amemus patriam,
veneremur Ecclesiam, pareamus authori-
tati Sanctissimi Senatus, Cæsari fidem præ-
stemus & obedientiam, afflictiis consula-
mus, seruiamus posteritati et futuræ gloriæ,
atq; id putemus optimum esse, quod con-
sensu maiorū receptum, quod iudicio totius
Christiani orbis cōstitutumq; approbatūq;
esse

esse, omnes pij prudentesq; viri testifican-
tur. Hic enim consensus naturæ tenebras
depulit, lucem cœlestis philosophiæ accen-
dit: hic deleuit idololatriam, religionem
veram confirmauit: hic immanitatem edo-
muit barbararum nationum, pietatem do-
cuit, mores honestos introduxit, leges con-
stituit & respublicas, orbemq; vniuersum
assuefecit & sacerdotibus & regibus suis
legitimè parere. Speremus itaq; quæ hone-
sta, quæ iusta, quæ pia ac sancta sunt, et quic-
quid acciderit, feramus viriliter. Sunt cor-
pora nostra mortalia, caduca fortunarum
ludibria, plena est hæc ista vita nostra ærum-
narū: causa verò, pro qua pugnamus, sem-
piternæ salutis nostræ culmen cōplexæ est:
quam cum in Apostolorum sanguine con-
signatam videamus, in tot millium Marty-
rum cruciatibus constabilitam, non existi-
memus hos minus, quàm illos, qui Christia-
nam rempublicam consilijs adiuuerint, pijs
laboribus auxerint, forti infractoque animo
defenderint, immortalem gloriam conse-
cuturos.

S DE

DESCRIPTIO EXEQVIARVM,

QVAS AVGVSTISSIMVS IM-

perator Ferdinandus, Carolo V. Maxi-

mo, imperatori defuncto, charissimo

fratri suo, Augustæ Vindelicorū

fieri curavit, Anno humanæ

Salut. 1559, diebus 24.

& 25. Februarij.



Vanquàm vero Carolum Imperatorem constet anno 1558, die vicesima mensis Septembris, ultimum vitæ diem feliciter pieq̃ clausisse, in regno Castiliæ, apud Cœnobiū S. Iusti, nō procul ab vrbe Valdoleta: eum tamen charissimi fratris sui obitum Augustis. Imperator Ferdinandus non ante rescivit, quàm. cum, adulto iam autumno, conuentum Boëmicæ nobilitatis habuerat Pragæ: planeq̃ ipso tempore, quo ad hæc comitia Rom. imperij celebranda iter propè esset ingressurus. Ea q̃ de causa necesse fuit, cum nec alibi, tam citò, nec tam celebri in loco, vsitata exequiarum iusta, more maiorum, persolui possent, differri ad cōmodam opportu-

opportunitatē huius Urbis Augustæ. Quā-
re cum huc aduenisset Imperator Ferdinan-
dus, re cum peritis talium ceremoniarū de-
liberata, siquidem varijs ad id negotium re-
bus fuit opus, decreuerat ad decimū diem
Februarij certò parētare fratri, qd' ipsa dies
Dominica, Reminiscere, nos mutuæ deuo-
tionis admonere posse videretur. Estq; id
tempus, idemq; dies Illustissimo principi
Alberto duci Bauariæ, itemq; Reuerēdis-
simo Michaeli Archiepiscopo Saltzburgen-
si, et Reuerendissimo Ottoni Truchses Car-
dinali, Episcopo Augustano, alijsq; illustri-
bus personis determinatè præfinitus. At
enim verò, Deo forsitan aliud dispiciente,
ne ea, quam dixi præfinitam fuisse die, exe-
quiæ fierent, varia intercedebant & ardua
negotia, necessitasq; ipsa quasi elegit diem
D. Mathiæ Apostolo dicatā: quo die & na-
tus Carolus Cæsar fuerat, & vicerat Fran-
ciscum Regem Galliæ, & diadema Bono-
niæ & sceptrum acceperat Rom. imperij:
quæq; dies illi fausta semper apparuerat,
nunquàm aduersa: vt fatali quadam Dei
prouidentia has Caroli exequias sic incidis-

S ij° se in

se in hoc tempus posses dicere. Quo autem modo eæ istæ exequiarum ceremoniæ habitæ sint & peractæ, ex breui hac descriptione mediocriter posse intelligi, existimamus.

Confestim Imperator Ferdinandus, vt venerat Augustam, in Cathedrali Basilica B. Mariæ Virgini dicata, locum iussit futuris exequijs conuenientem parari. Sunt autem eo in templo chori duo, alter vetus appellatur, qui in occasu finem templi claudit, alter nouus ad ortum, in quo quotidiana sacra peraguntur. Inter hos duos Choros directè in longum, et inter columnas obuersè in latitudinem, medium est & ob longum spatium, in quo conciones haberi consue- tum. Huius verò spatij vtrumq; latus asseribus cōtabulatum est, & vndiq; conclusum, hostijs solummodo binis, in vtroq; latere vtriusq; chori relictis. Tabulatio autem ex solido asseri confibulata, non altius assurrexit quinis pedibus, cum insuper ad quaternos pedes fermè cancelli lignei contabulatis asseribus inserti essent, vt qui extra hoc septum starent, forinsecus intra conclusum

sum palatium introspicere possent, & quo modo omnia sacra administrentur, animadu-
uertere.

In hoc intermedio palatio templi (vulgò
à ceremoniarū magistris, nauis dici solet,)
constructum fuit ligneum ædificium, qua-
ternis erectum trabibus, tignisq; multis sic
extranverso conclauatum, vt, quasi totum
lterioribus clatris, perspicuum esset. Parietes
erant quatuor, quadrangulares quidem illi
sed inæqualibus lateribus longi: bini enim
columnis templi oppositi, erant pedum tri-
ginta sex: & bini, quorum alter antiquum,
alter nouum chorum aspiciebat, pedum vi-
gintiduorum: omnes autem quatuor parie-
tes æqualiter alti pedes octonos. His impo-
situm tectum è quatuor trabibus, ex suo
cuiusq; parietis angulo, accliui ascensu pro-
tensis, leniter assurgens, acumdatum qui-
dem, sed obtusum tamen verticem effigia-
bat. In cuius apice instar tenuioris colum-
næ, trabs alia stabat erecta, sed multis va-
riata crucibus, ad numerum cubice multi-
plicatis, ad magnitudinem ex analogia ra-
tionis, prout quælibet crux minor cedens

S iij maiori,

maiori, ab ima parte omnes cruceſ oblique
conſurgentes, corymbi figurā efficiebant.
Acumini huius biceps, aquila infixā fuit,
quaſi volatilis, adeo in altum alleuata, vt
dorſo propemodum cauum fornicis ventrē
attingeret. Ea tribus erat redimita coro
nis, Cæſarea vna, quæ poſita inter duo colla
aquilæ, duabus regijs, vtraq; ſuo vtrilibet
capiti accommodata. Conſimiles trabeatæ
columnę erāt quatuor, è ſuo cuiuſq; parietis
angulo in altum porrectæ, pari forma ac nu
mero cruciũ, ſed abſq; aquila. His ſane tra
beatis quatuor colūnis ſingulis virilis ſta
tua affibulata fuit ſub baſe eiꝯ corymbi,
quem ex varijs formari crucibus, ſupra di
ctũ eſt. Quæ ſtatuae pulla veſte, more anti
quo indutæ, in manibus binos cereos habe
bant, & in pectore auorũ inaurata inſignia,
vt hæ ipſæ quatuor ſtatuae, ſymbolũ eſſent
antiquæ ſtirpis Auſtrianæ, quæ è proximis
quatuor auis ad antiquiſſimā atauorũ pro
paginē reuolui poſſe intelligerētur. Cruces
verò pariter omnes, inſertis candelabris,
quælibet albũ cereum candentem ſuſtine
bat. Eadē ratio etiam in tecto Caſtri doloris
cernebatur:

cernebatur : nam erat hoc tignis palmum
latis, quoquò versum, quasi quadratis can-
cellatum fenestris : in quarum angulis can-
delabra singula infixa, suum quodq̃ album
candentem cereum habebat: vt vniuersum
Castrũ velut stellati cœli speciem præbere
videretur . Quanq̃ tigni trabesq̃ omnes
atro colore tincti fuerant. Duæ præterea co-
lumnæ Herculis aureo argenteoq̃ colore
incrustatæ, vna in dextro latere meridiem
versus, in medio pariete tectum Castri ful-
ciebat, in schedula aurea habens inscriptã
hanc vocem, PLVS : altera in sinistro late-
re ad septentrionẽ pari modo, vt prior, ful-
ciens in medio pariete tectum Castri, habe-
bat vocem, VLTRA.

In hoc Castro doloris inane pheretrum
seu Cenotaphium positum fuit, planè in me-
dio : de quo postea fiet mentio : nunc de na-
ui, vt vocant dicam cætera. Fuerat enim il-
lud spãtium ab vno choro ad alterũ totum
atro pulloq̃ panno vestitum, idq̃ nõ solum
cõtabulati parietes et columnæ templi vsq̃
fermè ad dodrantem vniuersæ altitudinis;
nec solũ cuncta altaria & vetus chorus cir-
cumquaq̃

cumquaq; : verum etiam & ipsum vbiq; in
circūsepto eo spatio, quod nauim appellant,
pauimentum, simili panno substratum erat.
Assuta etiam, ad certa tamen & diuersa pa-
rietum interualla, depicta insignia defuncti
Caroli Cæsaris visebantur. Imaginesq; re-
motæ ab aris fuerunt, & albæ cruces illarū
loco, assutæ panno ei, quo et ipsæ aræ & co-
lumnæ pariter & vniuersi parietes vestie-
bantur totius circumsepti Palatij. Circum-
quaq; autē ad omnes parietes cerei accensi
continua serie dispositi fuerant, sicut cereus
à cereo distaret vno pede, aut paulo plus
etiā. Cum vero aliās eo in spatio, quod
inter nouum chorū, & castrum doloris fuit,
esset altare, visum id erat satis ad peragen-
da harum exequiarum diuina opportunū.
Proinde cōstrata ea ara fuit holocerico pan-
no, & loco imaginum crux è filis argenteis
holocerico attexta habebatur.

Haecenus sanè de apparatu loci. Iam
proximum est, de ipso exequiarum actu re-
ferre ea, quæ potissimum acciderunt: pri-
mumq; de processione habita.

Quoniam autem quò hæc parentalia sac-
cra

era solennius possent, decentiusq; perfici,
deputati eam ad rē fuerūt Episcopi quinque,
Suffraganeus vnus, Abbates duodecim,
Episcopi fuerunt Otto Truchses Cardina-
lis, Episcopus Augustanus, cui, tanquā lo-
ci huius ordinario primæ partes peragendi
sacri debebantur, præfuit aliâs rebus sacris
peragendis mirè idoneo. Michael Archie-
piscopus Saltzburgerensis antistes certè, nul-
lū secundus, siue pietatem, siue doctrinam
spectes, ardensue studiū religionis Catho-
licæ. Vtinā decē tales Germania. Ambro-
sius Episcopus Gurcēsis Cæsareæ Maiestas-
tis aulicus Concionator, eloquentia & eru-
ditione celeberrimus. Martinus Hercules
Episcopus Lauantinus, doctrina insignis et
industria, vt negotijs feliciter conficiendis
natum possis dicere. Sequitur, quem ante
nominasse oportuit, Georgius Drascouic-
cius, Episcopus Quinqueecclesiensis, vice-
cancellarius Vngariæ, Cæsareæ Maiestati
à secretioribus consilijs, vir vitæ sanctimo-
nia, rerumq; experientia, et oīs generis do-
ctrina suspiciendus Suffraganeus huius lo-
ci Michael Dornfogel, æque theologus ex-
cellens,

cellens, ac concionator disertus. Abbas
tum sanè primus, meritoq; principē locum
occupauit, Georgius Campidonensis, prin-
ceps imperij et Pater egregius, deinde Ia-
cobus Abbas S. Vlrichi, itemq; Leonar-
dus S. Montis abbas, Casparus Abbas Ot-
tenbairensis, Ludouicus Benedictbayren-
sis, Sebastianus Abbas Elchingensis, et re-
liqui: nomina enim, cum hæc scriberentur,
non erant omnia ad manum.

Hi quidem Antistites & Prælati omnes
ornatu & pontificalibus induti suis, die B.
Mathiæ Apostoli circa horam primam se-
contulerunt in ædem S. Mauritiij, q; id tem-
plū vicinum erat aulæ Impatoriæ. Ad ean-
demq; ædē & reliquus clerus & monachi
conuenerūt, suo quisq; ornatu indutus. Nec
multo post incepta processio est hoc modo.

Principium processionis inchoauerunt
tres nobiles, aulici Reuerendissimi Car-
dinalis Augustani, qui tanquàm antifigna-
ni ductores ante omnes ibant. Post istos
continuò magna turba libitinariorum se-
cuta est. Gestabat quidam Crucem cathe-
dralis Augustanæ Ecclesiæ: quā mox alia
rum

rum ecclesiarū cruces binę in ordine seque-
bant. His subiūcti thutiferarij: quos schola-
stici pueri subsecuti, ex oībus enocati scho-
lis, suisq; induti linteis vestibus: quorū finē
sex lectores cathedralis Ecclesiæ claude-
bant. Hinc monachi procedebant, primum
Dominici, mox Bernhardini, deinde om-
nes vicarij, & continuò canonici & præ-
lati, Decanus S. Mauritj, Præpositus, S.
Georgj, Præpositus S. Crucis, Decanus
ad B. virginem Christophorus à Freiberg.
Qui palijs suis holīcericis nigris amiċti fue-
runt omnes. A tergo horū gestabatur crux
Cardinalitia. Et mox duo sacerdotes ibant
argenteis candelabris cereos duos portan-
tes. Quos duo sacerdotes sequebantur, al-
ter argenteum thuribulum gestans mag-
num, alter argenteum vas aspersoriū. Hinc
Abbates procedebant infulati, binis comi-
tati ministris, altero, qui ferebat pedum, al-
tero, qui demendæ infulę seruiebat, Eodem
modo in suo quis loco & ordine Episcopi.
Sed horum quisq; cereum gestabat suum.

Hoc ordine spirituales personæ & cle-
rus ex æde S. Mauritj egressi, flexo paulu

T ij lum

lum itineri ad sinistrū latus Cæsareæ aulae,
procedebant eò vsq̃, quoad sese cōmodè
obuertere, & prope ad ianuam Cæsarei pa-
latij præterire, & Cæsar ipse, cum seculari-
bus personis, imperatorioq̃ apparatu, pro-
cessionem cōtiunare possent. Quia enim ad
idem hoc tempus iam in palatium Cæsaris
conuenerāt, Archiepiscopus Moguntinus,
& Hispaniarum, & Poloniæ Regum ora-
tores, itemq̃ Carolus Archidux Austriæ, et
Albertus dux Bauariæ, et reliquorum prin-
cipum, cōmuniumq̃ statuum legati, & pse-
senatus Augustanus, cūcta q̃ aula Cæsareā.
Ad idemq̃ hoc tempus omnia in palatium
Cæsaris congregata fuerant, vt vexilla, vt
equi, vt reliqua ornamenta, & arma mili-
taria.

Verum postea, quam Spiritualium pro-
cessionis finis ianuā Cæsarei palatij attigis-
set, ibi quasi noua processio secularium in-
stituenda fuit, sed ita, vt continuò hæc cum
illa connecteretur. Quapropter mox è ve-
stigio Cardinalem et Archiepiscopū Saltz-
burgensem, (hi enim spiritualiū processio-
nem claudebant) primum pueri Sympho-
niaci

niaci secuti sunt, & Phonaschi, ipseque horum
præfectus Petrus Massenus, & mox Cæsareæ
Maiestatis sacellani, omnes habitu cō-
ueniente ornati. Inde secuti sunt præfides
senatusque Ciuitatis Augustanæ, & reliqua-
rum imperialium ciuitatū legati. Hinc con-
tinuò secretarij & scribæ Cæsarei, & post
hos & Ducis Bauariæ, & Caroli Archidu-
cis & Imperatoris pueri nobiles vnà cum
præfectis suis, & pædagogis. Inde princi-
pum, qui aderant, & Imperatoris aulica fa-
milia, præcipuique consiliarij, vt Ludouicus
Schradin, et Doctor Schober, et alij. Archi-
episcopi Saltzburgensis cancellarius Seba-
stianus Hofflinger, Erasmus à Kienberg
frater istius Præsulis, Georgius à Thurn,
Vvlfgangus Haunsberger: Ducisque Al-
berti consiliarij, vuiguleus Hund, & Ioan-
nes Zanger, antiquæ nobilitatis Bauaricæ
lumina, et Onoffrius Berbinger uir fide do-
ctrinaque præstans, & alij cōplures: itemque
Cæsareæ Maiestatis cōmunes officarij, da-
piferi, pocillatores, & similes. Confestimque
iuniores barones & comites. Sed omnes
pullati & in ordine terni semper. Huic spa-

tio inserti tubicines Cæsarei fuerūt, imis tubarum partibus fursum obuersis, vexillisq; citra brachium dependentibus.

Directores verò ex parte secularis status; videlicet vt processio ritè fieret, vel ne quid etiā perperam eueniret in tēplo, supremus aulæ Marschalcus Ioannes Trautsam Baro summæ authoritatis vir, nec minus sapiētia, quàm genere illustris & opibus: Bernhardinus de Monefis Baro, Cæsareæ Maiestatis cubicularius: Georgius Illsing antiqua familia ortus, Prætor in vtraq; Sueuia, literis & virtute clarissimus. His adiuncti fuerunt auxiliares, Gabriel Strein Baro, Adam Schencken, Marquardus à Stain, Hāman Truchses Baro, Iacobus Kun, Iohannes de Vvelsperg.

Post omnia ista & vexilla regalia, & equi, cæteraq; insignia secuta sunt hoc ordine.

Illico post tubicines, duo caduciatores, qui Heroldi dicuntur, alter Bohemico fœciali vestitu insignis, alter Vngarico. Hinc vexillum & equus Burgundici regni symbola: illud gestabat Dominus de Perla monte

monte, equum Cōradus à Freiberg & con-
radus iunior à Bemmberg ducebant.
Hinc vexillum Austriacum, quod ventis
expāsum gestauit Dietmar de Losenstain,
equus ad Austrianum signū pertinens, du-
ctus est à Iodoco Iosepho Barone de Tur-
re, & Ferdinando Helfreich de Meckhaß.
Hinc Toletani regni vexillum & equus, il-
lud gestauit Georgius à Fronsperg, hunc
duxerunt Sebastianus Lischow & Mi-
chael Vvelden. Hinc secutus Ioachimus
Comes de Furstenberg gestans vexillum
regni Granati, & equus ductus à Ioanne
Rechberg, et Marquardo de Stain seniori.
Hinc Vvolfgāgus Dietrich Comes de Har-
deck gestauit vexillū Siculi regni, & equū
Ioan. de Vvartenberg Baro Bohemicus, &
Ioannes de Landaß duxerunt. Hinc regni
Neapolitani vexillum gestauit Ioachimus
Schlick Comes, Bohemicæ cameræ præ-
ses, equum duxerunt Georgius Spæten, &
Georgius Ludouicus de Sausheim, vterq;
Cæsari à consilijs. Hinc vexillum Arra-
gonij Regni gestatum ab Henrico Comite
de Furstenberg, & equus ductus ab Eber-
hardo

hardo à Freiberg , & Ioanne Philippo
Schad de Mittelbiberach . Hinc vexillum
Regni Leonensis gestatum à Petro Fock,
qui ex præcipua Bohemicorum Baronum
de Rosenberg familia est, vir insignis, &
equum Ioachimus, à Lemnitz & Caspar
Baro de VVolckenstain duxerunt. De-
niq; gestabatur regni Castiliensis vexillum
à Ludouico Comite de Leonstain, equus
vero ductus à Friderico Hofman Barone,
& VVolffgango Vvilhelmo de Mechse-
rain Barone Bauarico. Post hæc omnia con-
spiciebantur duo imperatoria vexilla : quo-
rum alterum campestre vexillū Germaniæ
est, Imperiali aquila insignitū, quod gesta-
batur ab Vlricho Comite de Montfort, &
equus, qui ad id vexillū pertinebat, ductus
à Felice Comite de Lodron, & Vvilhelmo
de Grauenegg Barone. Vltimo loco maxi-
mum illud Romani Imperij vexillū aq-
uila imperiali conspicuum, portabatur à Fri-
derico Comite ab Ottingē. Et quoniam tan-
tæ molis id signum fuit, vt ab vno nequaquā
potuerit sustineri, adiuncti socij sunt Geor-
gius de Spaur Baro, et Ioannes Haubitz de
Piscowitz,

Pisconwitz, et Petrus Keglosritz Baro Croa-
ta vir iuuenis, sed tanta corporis procerita-
te, vt omnem bene magni viri staturam ius-
to cubito superet. Nec in tanta corporis
magnitudine quicquam est, quod non ner-
uosum, & non optimæ compagis exprimat
proportionem pulcherrimè. Huc accedit
animus æque generosus, ac corpus robu-
stum, literarumq; et pietatis præclara com-
mendatio. Quæ dotes raræ in tantis viris
solent concurrere. Equum vero, qui magno
huic vexillo assignatus fuit, duxerunt Sigis-
mundus de Hornstain prouincialis Domi-
nus, & Venceslaus Has de Hasenberg. Fu-
nebris equus Caroli Cæsaris solus absq; ve-
xillo, q̃ eo ipse Cæsar defunctus, quasi vsus
intelligeretur, ductus fuit à Ferdinãdo Co-
mite de Orttenburg, & Henrico Erbtruch-
ses de Vualburg. Hi equi omnes nigro ho-
locerico cõflestiti fuerunt per corpus totum,
vsq; ad ungulas etiam, & in vtroq; latere
et pectore cuiuslibet equi insignia eius reg-
ni, cuius vexillum esse constabat, aureis fi-
lis & argenteis contexta conspiciebantur.
Capita vero & caudæ pennis strutiaceis
pulcherrimè

pulcherrimè ornata. Equus autem is, qui ad maximum illud Rom. Imperij vexillum pertinebat, aureo panno aureisq; ephippijs coopertus fuit, habuitq; in pectore & in utroq; latere Aquilam imperialem, additis plumis illis equestribus, vt moris est. Lugubris. equus Caroli Cæsaris tametsi & hic nigro. holoserico vndiq; coopertus fuit, non tamen clypeum, nec insigne vllum gerebat, nisi rubram Burgundicam crucem ex Carmosino panno intertextum.

Illis vero, quæ iam dicta sunt, ita procedentibus, secuta sunt ornamenta imperialia. primum aurea galea. cui diadema imperatorium impositum fuit, et inges pluma struciacea à tergo dependens. Eamq; galeam Sigismundus Comes de Arch portabat. Quem VVlfgangus Comes ab Ottingen et Iarislauus Bernstain præpotens Baro. Bohemicus. secuti, gestabant rotundam auro argentoq; intertextam peltam Cæsaris. Chlamydem vero imperatoriam, quæ aureis filis contexta fuit, Reinhardus Comes à Solms in aureo scipione portabat. Ensem vero eum, quo Cæsar armatus vti consuevit, in vagina

vagina holocerica reconditum, sed mucrone in terram verso, habebat Henricus dux Lignicensis, princeps iunenis & egregius. Aureum Romani imperij sceptrum gerebat Carolus Comes de Zollern hæreditarius Imperij Camerarius, et Maiestatis Cæsariæ Præses consilij: aureum imperij pomum Iacobus de Seldeneg. Diadema autem illud Romani Imperatoris proprium, gemmis unionibusque incomparabili pretio æstivatis exornatum gessit Ioachimus Baro de Neuhaus, Bohemici regni supremus Cancellarius, vir & ingenio & prudentia admirabilis.

Posthac multi Electorū, præcipuorumque principum, qui ad hæc Comitia vocati fuerant, consiliarij atque legati, omnes funebri, ut decebat, vestitu, sequebatur. Ibi quoque mox duo Caduceatores imperiales ibant & ante hos stricto gladio imperij Marschalcus. Atque hinc demum ipse Imperator Ferdinandus lugubri veste et pileo coopertus, pedes incedebat. Sed officij causa, paulo longius circumfusi ibant optimates, propter eximias virtutes prudentiamque, principes consilio

rū Ioannes Trautsam Marschaleus, Leonar-
dus ab Harrach, Martinus Gusman, itemq̃
Antonius et Ioannes Iacobus Fuggeri, vi-
ri omnes illustri loco nati, præpotētesq̃ Ba-
rones. Itemq̃ Georgius Sigismūdu Seldi-
us, vir magnus et thesaurus naturę vicecan-
cellarius, & Ioannes Vlrichus Zasius in-
dustria sua et patris gloria clarissimus, Can-
cellarius Alsatiæ, itemq̃ Georgius Meel
vicecancellarius Bohemitiæ, doctrina &
virtute nobilis. Tum et hi, qui thesaurorum
præfecti sunt, Erasmus à Gera, Melchior ab
Huberg, & alij nonnulli, quos non minus
oportuit, quàm cæteros nominasse honoris
causa, si cuncta conscribi potuissent. Cæsa-
rē verò è vestigio secutus est Philippi Re-
gis legatus Comes de Luna, & ad huius si-
nistram Archidux Carolus, deinde Augu-
sti regis Poloniæ Orator Martinus Crome-
rus vir clarissimus, & Albertus Illustrissi-
mus Dux Bauarię, princeps Catholicus pla-
neq̃ nunc murus Israël. Hī tanquam Cæ-
saris agnati proximiores, iunctim ibant
omnes quatuor. Quos secutus est Archiepi-
scopus Moguntinus Elector, comitatus re-
liquorum

iquorum spiritualium Electorum legatis;
Hinc aliquot Cæsarei cōsiliarij ibāt Casper
Logus præpositus, et Caspar de Vels Baro;
præfectus velitum Cæsaris, quorū ad quin-
quaginta subsequentes, processionem vni-
uersam claudebant. Quanc̃ postea etiam
magna turba seruitorum puerorumq̃ se-
cūta, promiscuè & globatim obambulabant.

Ducenti autem pauperes funebri, atro,
cucullatoq̃ vestitu induti, suam quisq̃ te-
nens ceream facem, cui insignia Imperato-
ria alligata appendebant, producebantur:
sed hoc ordine, vt vtriusq̃ processionis la-
tus, paululū à strata p̃cessionis via vtrinq̃
submoti, maximeq̃ circa Cæsaream Maie-
statem sigillatim procedendo clauderent.
Erant etiam ad latera passim Cæsarei satel-
lites dispositi, inspectores, nequid inter pro-
cedendum inordinati committeretur. Cu-
rauerat autem Senatus Augustanus à palae-
tio Imperatoris vsq̃ ad templum B. virgi-
nis asseribus plateam consterni, vt proces-
sioni via esset quasi septa ac facilis.

Postea vero ad templum, quam venisset
processio, ibi totus clerus (exceptis episco-

pis & praelatis) & capella Cæsaris, nobi-
lesq̃ pueri, vbi templum ingressi essent, si-
nistrorum diuertentes ad veteris chori cor-
nu, in nauim per designatā ianuam (quā
Cæsarei satellites, ne vulgus irrueret, custo-
diebant) intrauerunt: sed mox diuisi, sacer-
dotes præcipui ad sinistrū latus Castrī apud
altare substiterunt, scholastici autem pueri,
communesq̃ sacerdotes se contulerunt in
nouum chorum. Capella autem Cæsaris
ascendit eam noui chori partem, quam Can-
cellos appellant. Pauperes vero cucullati
Ceroferarij in nauim quoq̃ introducti, ad
latera eius circumquaq̃ continua serie di-
sposti fuerunt. Pueri nobiles circa altare
remanferunt, vbi aliās seruire solent. Reli-
qua autem multitudo, vt Senatus Augustaa-
nus, legati Ciuitatum, aularumq̃ familiæ,
omnes iussi sunt antiquum chorum cōscen-
dere. Sed tubicines, qui hos sequebantur,
collocati ad gradus chori veteris è regione
Castrī doloris stabant.

Cum porro duo Heroldi, Vngaricus &
Bohemicus intrassent, equi, vsq̃ ad valuas
templi ducti, non tamen introducti, sed ser-
uis

nis, ad stabula vt reducerentur, dati sunt :
ipsi ductores ibant in templum. Vexilla au-
tem & arma militaria defuncti Cæsaris in
nauim intulerunt designatæ personæ, & à
tergo Castrì, terni vno stantes ordine, illa
tenebant, et quo quæ potiora, eo posteriora
magis: armaq; militaria secundo loco, vlti-
mo imperatoria ornàmenta cernebantur.
Cæsar vero ipsemet cum valuas templi in-
troisset, mox sub ingressum stabant Cardia-
nalis, Archiepiscopus Saltzburgensis, cæ-
teriq; Episcopi & Prælati cum suis submi-
nistrantibus, Ibi Cardinalis, facta, de more,
benedictione, Cæsarem lustrali aqua asper-
sit, iuitq; continuò vnà cum astantibus &
prælati in nauim, & ad sua quisq; sub-
sellia, quæ ab anteriori parte Castrì doloris
erant atro panno constrata. Cæsar perge-
bat cum suis in eandem nauim, & cum in-
traisset, tum vexilliferi, & armigeri, & qui
ornamenta imperialia ferebāt, flexis, more
aulico, poplitibus, aduersus altare in orien-
tem, mox, tergo abuerso, idem fecerunt in-
tranti Cæsari. Simulq; progressi vexillorū
sex ante Castrum doloris, terna ad ytrumq;
latus

latus nauis posuerunt, totidemq; à tergo
eiusdem Castrì, & terna ad vtrumq; latus;
sicut supra: è quibus tamen vltima duo, sci-
licet vexillum Germaniæ in sinistro, et ve-
xillũ Imperij in dextro angulo ad chorum
antiquum cõstituebantur. Ad frontem Ca-
strì suspensa sunt militaria arma, chlamys,
pelta, galea. Ornamenta autem imperato-
ria super cenotaphio defuncti Cæsaris, qđ
fuit in Castro doloris, collocata sunt, aureũ
pomum in medio, et in huius dextera parte
gladius, in sinistra sceptrũ: ipsum vero Im-
peratorium diadema ad caput cenotaphij
in puluino ponebatur. Fuitq; hoc cenota-
phium bifariam coopertum, primum nigro
holocerico, cui insuta fuit argentea crux al-
ba, deniceps textili aureo panno, cui insu-
per intexta ex argenteo panno crux alba
fuit. In pauimentum vsq; satis latè diffusa
dependebant hæc stragula.

Interea Cæsar vnà cum suis antiquum
chorum conscendit. Fuit autem is hoc mo-
do instructus. Quia enim humiliter ali-
quanto erat pauimentum eius chori, quàm
vt decenter ad podium eius stare Cæsar &
prospectare

prospectare in nauim posset: alleuatum est
igitur, quasi sublicio ponte suffultum, sub
sellijsq; insuper ad ordinarias sessiones di
scriminatum. Cæsaris subsellium ad dex
tram erat, præ reliquis nonnihil sublimius:
à quo (sed spatio interiecto, in eodem late
re tamen) stabat Daniel Archiepiscopus
Moguntinus Elector, & reliquorū Electro
rum legati: & continuo (verū paulo etiam
loco humiliori) erant aliorum legati prin
cipū. In opposito latere sinistro, in suis sub
sellijs stabant Vvilhelmus Erbtruchses no
mine domus Austrianae, et Ludouicus Ele
ctus Tridētinus, & item alij legati spiritua
lium principum. Inter vtrumq; vero latus
in medio pauimento passibus tribus à po
dio eius chori subsellia erant, & pulpita ef
fecta: in quibus constiterunt Coniugentes,
Cæsari proximiores, Comes de Luna loco
Regis Philippi, Archidux Carolus, vt fi
lius, Martinus Cromerus loco Augusti Re
gis Poloniae, Albertus Dux Bayariae, vt
agnatus & gener. Subsellia oīa, similiterq;
et pauimentū, et parietes huius antiqui cho
ri, optimo panno constrata, tecta q; fuerunt.

Cerei autē tam super Castro doloris, quā in parietibus oēs paulo ante accensi erant, quā processio intraret templum.

His rebus eo, quo diximus, ordine, peractis, parentandi initium fecit Cardinalis, & ex huius præscripta lege cæteri omnes.

Funebres vespertinæ preces primū cantatæ sunt, postea vigiliæ parentales, & inter has habitæ lectiones nouē, quæ ab Episcopis & Prælatiſ recitatæ sunt. Durauitq; hic diuinus cultus ad horam sextam, con crematis interea cereis 1500. Finito autem hoc diuino cultu, descendit cū suis Cæsar, et in naui ad gradus substitit. Accessitq; Cardinalis & reliqui Episcopi & Prælati, & facta benedictione, lustrali aqua aspersus Cæsar à Cardinale, templo exhibat, & equo insidens in palatiū suum reuersus est, & ante eum Heroldi atq; absentium secularium Electorū legati, proximeq; imperij Marschalcus cum stricto gladio: post eum quatuor Conlugentes, et mox ipse Moguntinus, & legati absentium Electorum spiritualium, omnes hi equitantes, Cæsarem ad palatium suum deduxerunt.

Vexilla

Vexilla & arma defuncti Cæsaris, ornamentaq; imperialia in templo relicta sunt, & nocturnis custodita vigilijs in diem crastinum.

Eo, qui secutus est, die, in æde B. virginis Cardinalis, & Archiepiscopus Saltzburgerensis, cæteriç Episcopi & Prælati omnes mane conuenerunt, suisç induti pontificalibus, cuncta parabant ad peragenda exequiarum sacra, necessaria. Interea & principes, qui præsentēs in Comitijs, & legatorum, qui aberant, mane ante sextam horam in palatio Cæsaris congregati, iterum Cæsarem eo modo, quo pridie reducerant, in templū deduxerunt. In vestibulo autem templi, sicut vesperi factū fuerat, Cæsarem benedictione exceperant, & aqua lustrali, Cardinalis et Saltzburgerensis & Clerus reliquus. Quo peracto, in sessionē suam Prælati, in sua subsellia Cæsar, & principes, & legati abiuerunt.

Inde parentalia iusta auspicatus est Cardinalis: ipsemet enim sacrificium pro defuncto Cæsare celebrauit: Epistolam legit Abbas Vrsinius, Euangelium cātauit Ca-

sp̄ar Abbas Vttenburanus. Deinde Ludouicus Madrutius electus Tridentinus, præsul ætate quidē iuuenis, doctrina autem studioq̃ philosophiæ senilem adeptus prudentiam, in antiqui chori septētrionali parte ad gradus suggestum cōscendit, qui paululū reliquo p̄uimēto editior fuit, habuitq̃ memoriter eam, quæ sequitur, funebrē orationem.

ORATIO FVNEBRIS.

QVamuis multa sint, quæ animū meum tristi quadam rerum varietate huc illuc distrahunt, ac mentē ipsam languidam insolitus propē mœror in diuersa rapit, ut tāto huic oneri satisfacere me posse planē diffidam. Cum ingens dolor quidā tam mihi assiduus ante oculos obuersatur, intimisq̃ præcordijs hæret, vt quid potissimū dicam, ignorem. Tum huius tanti loci dignitas, ac mœstus quidam fulgor oculorum, animiq̃ aciem ita perstringunt, vt horrore quodam correptus hebeti, ac titubante lingua principium propē nullum mœstæ huic narrationi

ni

ni inueniam. Si enim hos apparatus ad declarandam interiorem animi ægritudinem maximè accommodatos circumspicio, differor penè dolore, et ipsa verba hærent faucibus. At huius celeberrimi confessus moesta quædam Maiestatis facies tantæ calamitatis admonet, vt ab instituto orationis cursu ad lachrymas denuò recidam.

Tuum tamen, FERDINANDE CÆSAR, Imperium exigit, vt paulo cohibitis lachrymis, ac iusto dolore suppresso, tanto planè impar congressui vastum hoc orationis pelagus ingrediar. Facio hoc quidem inuitus, cum in mentem venit, me, qui hunc dicendi locū nunq̃ antehac attigerim, nulla prorsus exercitatione, nulla adiutum eloquentia nunc demum huc ascendisse, vt ipso coram Cæsare, in tanta hac Germaniæ, imò orbis luce maximi, nec satis vnq̃ laudati IMPERATORIS gesta recenserem. At reficit me tam Inuicti Cæsaris præsentia, & infracta animi sui fortitudo, illius monitis & iussu inexercitatus & iuuenis me tantorum virorum iudicijs lubenter subijcio, & præterq̃, quod meæ vires ferunt, tantum hoc

onus suscipio. Esset enim piaculi loco, illi non parere, cui nephas est nō obsequi, meq; etiam præclarissimorum Imperij ordinum perspecta humanitas, & enixè hortatur, & magnopere etiam consolatur. Quare quæ duo à me expectari sentio, agam breuissimè. Vnū est, vt publici huius mœroris causas exprimam, et tanti vos porrò luctus admoneam. Alterum, vt gestarum rerum seriem strictim persequar: in qua tanti Cæsaris laudes non fucatis, aut longè accitis argumentis, sed verissimis ac certissimis testimonijs comprobantur: ad quam ego me orationis partem conferam. Quid enim huius tanti mœroris causas persequar, cum nemini planè incognitas ipsemet calamitas reliquerit? Neq; video cur vos doloris admoneam, cum apud ipsum etiam luctum nil plus reliquum sit, quo animi magis ægritudo & mœror significetur. Neque enim in hac tanta rerū varietate quicq; video, quod me summi maximiq; doloris nō admoneat, nedum inter vos, quorum oculi, ora, gestus deniquè omnes nil nisi mœstum, nil nisi triste denotant. Sed illud augustū pheretrum,
illa

illa circum posita lumina, illa circum erecta
trophæa, deuictarumq; bello gentiū tituli,
illa tot hostibus erepta signa tanti publici
luctus faciem præseferunt, vt si quis ab ex-
tremis vsquē Garamantibus, vel ab vlti-
mis Indiæ oris aduectus hunc locum intue-
retur, his signis, istis indicijs communē hanc
iacturam, ac publicum omnium dolorem
agnoscens, in verissimas & ipse lachrimas
prorumperet. Quis enim quæso, Christiani
Imperij Rectorem, siccis oculis lachriman-
tem videre sustineret? Quis totius Imperij
præclarissimorum ordinum mœrorem, ac
omnium ferē gentium, & populorum ge-
mitus sine maxima animi perturbatione
ferret? Quis Sacri prophaniq; ordinis que-
relas absquē ingenti quodam luctu perci-
peret? Et cum nullus hic sexus, nulla ætas
tanti sit doloris immunis, iunctis animis
ereptū Heroa flete. En vide, vt fracto abie-
ctoquē animo tanti Cæsaris iacturam Ger-
mania sustinet. En summi Imperij maiestas
vt præter dignitatem CORONA ac SCEPTRO
abiecto, suos sibi laniat capillos, decoras-
quē genas vnguibus notat. Aspice Ita-
liam,

liam quæ quondam eadem illa sceptrâ ges-
sit, vt mœstis implet cœlum clamoribus.
Nunc flete Hispani. Vestrę enim Hispaniæ
hic decor iacet. Quam decet vos Indos fle-
re. Siquidē, hoc Cæsare adnitente, pulcher-
rimo huic nostro orbi estis adiecti: humani-
tate, studijs ac artibus donati: ac veræ Reli-
gioni Christi quē Ecclesiæ inserti. Vos flete
Aphri. Hic enim ille iacet, qui suis periculis
ac laboribus, excusso Barbarorū Regum
iugo, à dura seruitute in dulcem vos liber-
tatem vindicauit. Agē verò quòd nec ipse
Gallus hostis lachrimas cohibet. Vestras
Belgæ lachrimas consultò prætereo, ne sim-
plus æquo longus in re iam omnibus nota.
Heu atra dies quæ venerabile Bustum ef-
ferri vidit, vt calamitatis, quam vniuerso
orbi attulit, nulla posthac ætas obliuiscatur:
dies atra, diēs luctuosa ad multos annos
lachrimis semper excipienda. Illa mihi cre-
dite, quicquid habuimus decoris, quicquid
lætitiæ, quicquid præsidij, abstulit. Hos illa
luctus, hos gemitus, hæc illa suspiria expri-
mit. Illa inquam dies, quæ TER MAXIMUM
CAROLVM efferri vidit, CAROLVM inquam
Romani

Romani quondam Imperij rectorem, Qui
per omnes honorum gradus perpetua serie
ad summum dignitatis & laudis fastigium
peruenit, in quo tunc primum Regia effu-
sit indoles vtracq; stirpe dignissima. Pater-
num namq; ortum habuit ex illa maximo-
rum virorum fecundissima radice inclytæ
Austriacæ domus. Maternum porrò traxit
à Ferdinando Hispaniarum Rege: qui ob
orthodoxæ fidei amorem Catholici nomen
promeruit: qui primus Hispanias Mauro-
rum peste liberauit, neq; absq; infallibili
diuinæ prouidentiae dispositione. Cum enim
Christianus orbis hinc inde conflictaretur,
ab ortu sæuis Turcarum armis, ab occasu
porrò Saracenorum incursionibus: nostris
temporibus felicissime stirpes iunctæ, qua-
rum propagines iam diu ingruentem illam
vim hinc inde fortissimis pectoribus excœ-
perant cōmunicatis viribus, ac cœlestibus
influxibus simul cōmixtis, agitatæ, ac fessæ
religionis fortissimos ac inuictos propugna-
tores, sæuorumq; monstrorū nouos domi-
tores edidere, PHILIPPO itaq; Austriaco,
& IOHANNA huius Ferdinandi & Isabelæ

Y læ

læ filia, vt essent qui Christiani nominis ho-
stes contunderent, ac reprimerent, nati sunt
CAROLVS et FERDINANDVS, quorum ortus sa-
lus Christianæ Reipublicæ fuit. Verū lugu-
bris hic sermo de CAROLO est habendus,
cuius gestarum rerum longa series tam am-
plam de se dicendi materiam præbet, vt si
mihi sint ora centum, totidemq; linguæ sine-
gula me recensere posse haud quāquam ausim
polliceri. Qui cum turbulentissimis tempo-
ribus quasi singulari Dei miserationis bene-
ficio terris largitus esset, vt ruentē iam Chri-
stianam Rempub. ac sub iniqui temporis
iniuriarum pondere fatiscentem fulciret ac
sustineret, vix impubertatis annos egressus
summi imperij habenas moderandas exce-
pit. Mortuo siquidem MAXIMILIANO auo,
cum Romanum Imperium varijs procel-
larū motibus instar navis, p̄sede à clauo de-
iecto, agitaretur, iuuenis ingētis spiritus in-
ter Imperij candidatos nomē suum p̄ferre
minime dubitauit. Illum ipsum cæterarum
dignitatum apicem ambiebat Franciscus
Gallorum Rex iuuenis, opibus florens, &
Germaniæ propinquus: qui summorum vi-
rorum

rorum fauore innixus in hanc arenam de-
scendebat. Hoc primum inter Christiani
orbis facilè tunc primos Reges laudis ac
dignitatis certamē fuit, quod maximis par-
tium studijs inchoatum, illum habuit finem,
vt CAROLVS repulso riuale, à totius Germa-
niæ preceribus IMPERATOR renunciaretur.
Hic aditus æternæ laudis CAROLO est refe-
ratus, hoc Imperij initiū, quo nec sol maius
aut gestarum rerum magnitudine præcla-
rius vidit. Nunc mihi immensum narratio-
nis campum, in quo summus quisq; orator,
maxima cum CAROLI laude, discurrere pos-
set, propositum video. Verum cum ego nec
ingénio nec eloquentia multum polleam,
quæ nō vulgaria ad hanc sustinendam per-
sonam requirūtur, quid dicā ignoro, occur-
runt enim præclarissimorū gestorum ima-
gines, quæ sese mihi vltro offerunt, vt si ini-
tium inueniam quidem, at finem inuentu-
rum me certè diffidam. Verū nec illa opus
esset gesta recensere, quòd verendum sit
æternitate caritura: quum nihil vnq; gesse-
rit, quod à vera perpetuaq; laude seiungi
merito possit. Quid ego porro tantillus di-

Y ij camē

cām? Quid afferre potero, quod sit nedum
mediocre, sed nec humile, sed nec exile, si ad
eius facta cōpares? Verum nec omnino ta
cebo, sed aliqua summatim ac strictim suga
geram. Vos qui interfuistis, qui inuicta ar
ma tractantem vidistis, qui pacis habenas
moderantem conspexistis, illum mentis lu
minibus proponite, illum animo recolite, ac
dum ipsius gesta transcurro, vos cogitatio
ne cuncta perpendite.

C A R O L O Imperatore renunciato,
Christianus orbis in maximā spem erectus,
immanē illum Christi nominis hostē Tur
cam, ad summam vastitatē, maximo Chri
stianorum dedecore & incommodo, Hun
garia redacta, iam scœuis armis Germaniæ
imminentē: haud quāq̃ pertimescebat, inue
terata erat hominum opinio, fatale esse, vt
hæc Austriaca stirps Othomanorū poten
tiam contunderet, ac prorsus deleret. At vt
videre tot regnis auctam, & summa om
nium lætitia insertā Hispaniarum Regum
familia, cuius virtute Saracenorum incur
siones fuerant repressæ, et Christiana signa
Aphricanis littoribus inuicta, tantam ani
mo

mo conceperant de CAROLO opinionem, vt
illum exitio infidelibus omnibus natū cer-
tò crederent, illudq̃ tēpus adesse putarent,
Cum tot seculis, Christianorum damno &
ruina, aucta Othomanorū potentia, tandē
prosterneretur. Quod procul dubio CARO-
LVS hic præstitisset, ni perpetuus ille laudis
suæ æmulus in Subalpinā Galliam ingenti-
bus copijs se effudisset, Hic incæpere bella
illa Christianæ Reipublicæ longè damno-
sissima, cum arma quæ communi consensu
in publicū Christiani nominis hostem con-
uertī debuerant, in propria viscera ver-
terentur: illaquē Christianorum potentia
formidanda hosti, proprijs cladibus, cum
cuius caderet manu, imminueretur. Heu
execranda discordia. Heu Regum pestis
inuidia, qua corruunt firma quæq̃. Te ne
quisq̃ potuisse credat tantum Christianis
pectoribus virus obfundere, vt mentes liui-
do dente fauciatę nec religionis amore, nec
ciuium pietate flecterentur: sed actæ quo-
dammodo furore impijs armis in proprios
artus sæuissent? Verum cum gallus Cæsaris
copias in angustum redegisset locum, ac

Ticinum, urbem togatæ Galliæ longè anti-
quissimam, circumuallasset, Cæsarianorum
ducum vigilantia et fortitudine, militumq;
promptitudine, & pugnandi ardore est fa-
ctum, vt ille cunctæ Italiæ timendus exer-
citus ab exiguis copijs profligaretur: ipse
Rex viuus in Cæsaris potestatem veniret.
Magnum victoriarum suarū initium, qua-
rum numero & celebritate cunctos facile
Reges vicit. Capto Gallo ac in Hispanias
auecto, Cæsaris exercitus, Romanæ vrbi,
haud irrito conatu, arma intulit, Cæsare
nedum conniunte, sed planè inscio, ipso
met Clemente teste: qui iam liber dimissus
omnes CAROLO iniurias facile condonauit.
Restituto Pontifice, ac Lotrechij exercitu
in Neapolitano agro, peste & ferro con-
sumpto, pacata omnia videbantur. Cum
CAROLVS, vt Imperij diadema de more su-
sciperet, enauigato mari, ad Italicum littus
cunctis expectatus aduenit. Obsiderat se
ei obuiam Italia tota, & principum certa-
tim confluentium maximis officijs excep-
tus est. Eminebat in CAROLO Maiestas quæ-
dam iuuetæ flore ornata, quæ omnium ani-
mos

mos, occulto quodam amoris affectu, ad se
se alliciebat : cui rerum gestarum gloria, il-
laq; Herculis signa transgressa, tantū splen-
doris adferebant, vt omnium ora in se con-
uerteret. Bononiam tandem peruenit, ibiq;
imperij sacram Thiarā suscepit. Multa hic
dicenda essent, quæ cum CAROLI laude con-
iuncta sunt, sed video temporis breuitate
ita narrationis seriem circumscribi, vt mul-
ta et magna sint prætermittenda. Itaq; si so-
lennem illam pompam, si Italiæ cunctæ op-
tatissimum illud spectaculum prætercurro,
totum temporis breuitati tribuite. Magna
sunt quæ porro restant, quorum me splen-
dor & magnitudo ad sese alliciunt. Hoc
vero non prætermittam, CAROLVM vix se-
mestri spatio, sedatis rebus, Italiam in sum-
mam tranquillitatem, ac insperatam quie-
tem, ex maximis bellorum motibus et con-
tinua vexatione constituisse.

Mediolanense imperium, quod longa
ducum & militum pertinacia vix in pote-
statem redegerat, Francisco Sfortiæ, ad ra-
rum liberalitatis exemplum, tribuit: Italiæ
Regulos dissidentes composuit: Ianuensi-
bus

bus antiquam libertatem restituit: Venetis,
præcis bellorum causis, stabilem ac ætera-
nam pacem peperit: & iam Florentiâ, quæ
se semper Cæsaribus opposuerat, longa ob-
sidione recepta, Medicea domo restituta,
illud aureum seculum, quod aliquando sub
Iano Saturnone floruisse creditur, reuixisse
putares. Italia pacata, Germaniam inuisit,
cuius iâ ceruicibus hostis ille perennis Tur-
ca impendebat. Fama erat Solymanum in-
numeris copijs, exhausto viris oriente, &
quasi sedibus excita Asia, Bosphoræ fines at-
tigisse, ac rectâ Vviennâ tendere, vt illud
Christiani nominis propugnaculum totis
viribus denuo aggrederetur. Iam totâ ferè
Germaniam inuaserat horror, cū CAROLVS
quasi ex insperatò adfulsit, sua præsentia
cunctorū animos ad certam victoriæ spem
erigens. Mirum, me hercule, dictu est, quæ
ipsius aduentu animorū commutatio facta
fuerit, cum qui paulo ante ad famā aduen-
tus immanissimi hostis, vt quam procul cer-
tam perniciem, & miserandam captiuita-
tem declinarent, lares, ac proprios penates
reliquerant, resumpto animi vigore, arrepta-
tis

tis armis, intrepidè in hostem ferrentur.
Excepit illum tunc primum superior Ger-
mania faustis acclamationibus, in quo facie
le fulgebat PHILIPPI patris probitas, MAXI-
MILIANI aui bellicus vigor, FRIDERICI
ataui animi celsitudo, quorum memoria ad-
huc recens hunc ipsum Carolum ita redde-
bat omnibus gratum, ita charum, vt pro ip-
so parati ad proijciendas animas videren-
tur. Tribuit aliquot ille dies ad componen-
dos dissidentium principum animos, & ad
tollenda dissidia. Indicta demùm profectio-
ne ad Hungaricum bellum, totum se contu-
lit, collecto exercitu, ac vndiq; auxilijs exci-
tis hosti obuiam proficiscitur. Qui vt in con-
spectũ est datus, immensam planiciẽ equis
ac viris occupans, militibus non parum ti-
moris incusserat, tum inconditus ille cla-
mor, & Cæsariano militi antehac non visa
arma, sæuaq; Barbarorum ora cunctorum
animos formidine oppleuerant, cū inuicti
fratres hinc inde transcurrentes alacri vul-
tu, & spe plena oratione, cunctorum animos
erigebant, vt iam ipsorum præsentia depul-
so metu minime dubijs mētibus victoriam

Z concipe-

concuperent, etiam nec fluuius ipse, qui castra dirimebat, nec Ducum imperium ad pugnam ruentium militum cursum cohibere poterant. Cum ipse hostis Solymanus, qui illa expeditione Germaniæ ruinam & exitium minabatur, ruptis metu pontibus, multis amissis, præcipiti fuga victrices manus euasit. Vidit tunc primum Germania illa inuicta tot seculis orientis arma toto itinere prostrata, ipseque Danubius Turcarum cadaueribus oppletus, sanguineque tinctus purpureis aquis manauit. Iam Solymanus Bosniæ, Rasciæque fines prætergressus, illarum regionum incolis, qui Christi dogma adhuc profitentur, optatum præbuit spectaculum, viderant illum paucis ante diebus tanto apparatu, tantis copijs, tanta militari pompa illac Germaniam petentem transgredi, ut pio quodam affectu vererentur Christianum Imperium, ne primū quidem impetum laturum. At ut rara admodum Othomanica signa videre, ut ipsum Solymanum adhuc pauentem suæ cladis testem ac nuncium conspexere, insperata lætitia ita ipsorum mentes occupauerat, ut nec oculorum

Iorum proprio sensui satis fiderent, certissimis demum argumentis, tota sublata dubitatione, iam iā victorem Cæsarem, qui duræ seruitutis iugum frangeret, aduenturum sperabant, totosq; dies vana spe miseros lætante, occidentē versus intuebantur, num optata Crux adfulgeret. Heu pia vota domestica inuidia præcidit. CAROLVS quidem, vt optimum decuit principem, veræq; Religionis amantem, gloriam ac immortalitatem nominis, nullibi libentius quæsiuisset, q̃ hoc hoste deuicto, nec debitos Germaniæ triumphos, optimaq; orientis spolia militum præmia spreuisset: verum domestici æmuli inuidia factum est, vt ad defendendos suos fines inuitus retraheretur, ac partā iam victoriam manibus elabipateretur, & præterq̃ statuerat, cum Christiani nominis Rege bella gerere cogeretur. Quæ ita semper inuitus suscepit, vt animi sui pietatem facile denudaret, ita impigre gessit, vt maximi bellatoris nomen vel ipsius hostis testimonio ferret. Longū esset, singula persequi. Multa ego prætercurro, multa præmitto, neq; Christiana bella,

quorū memoria animus mœrore afficitur
libenter recenseo, cum non ignorem inui-
tum Cæsarē illis expeditionibus securitatē
suis, non sibi laudem quæsiuisse. Sed video
Germaniā cæterarū puinciarum longe ce-
leberrimā, ac summi Imperij dominam ite-
rum cōsternato animo totā in lachrimas re-
solui. Flet illa alumnū, cuius auspicijs floren-
tissimis, qbusq; Monarchijs se poterat æqui-
parare, & si fata dedissent, vt execranda
Christianorū discordia pelleretur, cursusq;
tantarum victoriarū domestica inuidia, &
ciuili scelere non interturbaretur. Iam ad
Orientē signa Magni Alexandri, liberiq;
Patris, vt ad occidentem Herculis nostris
temporibus vidimus, prætergressus Ger-
maniæ trophæa trans Indum & Gangem
erexisset, ruptisq; Caucaſi pilis, vbiq; CARO-
LI aras videres. Iustus quidē est dolor erep-
tæ gloriæ, at quas lachrimas? quæ suspi-
ria? quos gemitus dabit infœlix Græcia,
quæ terra mariquē vidit liberatrices Aquil-
as aduentantes, & ex propinquo salutem
conspexit, incassumq; lætata, duriora sem-
per vincula tulit. Non flet illa ereptam glo-
riam,

riam, sed salutem, non victorias, sed incolu-
mitatem, nō triumphos, sed libertatem ex-
tortam lachrimatur. Nil quidem ab ipsius
CAROLI laude decedit, cū voluisse omnibus
constet, & pulso Solymano, innumerisq;
copijs profligatis potuisse quoq; Christia-
nus orbis viderit. Hiccine nō flendus Qui
tandem modus, qui finis erit quærelis, si ius-
ta dolori soluenda erunt? Sed narrationis
cursus est prosequendus, vt cum tantorum
gestorū series fuerit enarrata, qualem ami-
serimus Cæsarem, & quibus sit lugendus
modis, cognoscamus.

Vt Christianæ Reipub fluctus compo-
suit, nouam exoptati belli materiam nactus
Romana signa, post tot interualla tum de-
mum Lybicus oris visa Tunetano littori in-
fert. Iam Romani Imperij æmulā Cartha-
ginem Arriadenus Barbarossa, expulso le-
gitimo Rege, occupauerat. Qui cum maria
vndiq; pyratice classe infestasset, terris tan-
dem adiecerat oculos, ac Pyratæ exosus no-
men cunctæ Aphricæ iugum parauerat.
Neq; enim vno cōtentus Regno circumui-
cinos Reges dolo & vi antiquis sedibus
Z iij expulerat:

expulerat : iamq̃ ipsi ferè timendus Cæsari
Italicum littus classe regia verius, q̃ Pyra-
tica depopulabatur : Hispanicisq̃ oris non
leue damnum intulerat, et maius indies mi-
nabatur: cui occurrendū ratus Cæsar exer-
citus optime instructum in Africā liti-
tus transportat, primoq̃ aduentu Goletam
longè munitissimum Pyratarum recepta-
culum adortus expugnat, & classem muni-
tæ sisam stationi Christianorū littorum ter-
rorem capit. Iisdem auspicijs exercitū, qui
ex infinita Arrabum, & Pœnorum multi-
tudo cōstabat, delet, solaq̃ virtute, ac ania-
mi robore, quo plurimū valuit, maximum
bellum, & nostra ætate celeberrimum exi-
gui temporis spatio confecit. At vnum ad-
huc fuit, quod CAROLO longè gratissimum
accidit, quod cū perenni pietatis laude con-
iunctum est, ingens erat Christianorū capti-
uorū numerus, qui punica Ergastula com-
pleuerant, durā pluribus annis seruitutem
perpessi: tunc vero, ne victoris Cæsaris be-
neficio fruerentur, cruciatibus & morti ad-
dicti: itaq̃ sæui, barbariq̃ Imperij ministri,
faces, quibus captiui supellex preciosa,
vrbs

vrbs deniqꝫ ipsa cōbureretur, parauerant,
Cū CAROLVS illa celeritate, qua imparatos
hostes sæpe oppressit, urbem victoriæ suæ
præmium impijs flāmis eripuit. Hic Aphri-
cani meruit cognomen, in potestatē Aphri-
cani Imperij capite redactō, hic seruatoris
ac liberatoris appellationem, tot captiuis,
nedum vinctis, sed Orci faucibus ereptis,
omnium consensu adeptus est, qui sua cle-
mentia & liberalitate, parentibus, liberis,
et coniugibus redditi hunc illum IMPERATO-
REM prædicabant, qui Christianis armis le-
gitime vteretur, vt salutem, incolumitatem
Christianæ Reipublicæ præstaret, quiqꝫ nō
domi vicinos Reges bello implicans, sed
procul euaginato mari fidei hostium strage
laudem & triumphos quæreret. Iam to-
tam Aphricam Cæsar mente cōceperat &
illac statuerat Asiæ ex propinquo armia in-
ferre, quæ proculdubio CAROLI victoriarum
fuisset campus, vidissetqꝫ iterum Nilus vic-
trices aquilas, cum fatali Christiana inui-
dia denuo ille victoriarū cursus fuerit præ-
cisus. Itaqꝫ compositis Aphricæ rebus, Re-
geqꝫ legitimo restituto, & vectigali factō,
exercitum

exercitum in Italiam denuo traiecit. Vídít
Romana vrbs in scēlícitate temporum lon
go interuallo omíssos triumphos tum demū
agí, non illis antiquís, dū maxime illud Im
perium floreret, aut captiuorum numero,
aut spolijs, hostiūq; exuijs, aut belli mága
nífice gesti titulo inferiores, ibi prælíorum
simulachra, ibi captæ vrbs imago, ibi na
uium longa rostra videbantur. Sed ipse CA
RÓLVs longe speciosíssimum præbuit Ro
manæ plebi spectaculum illo triumphali
habitu preteruectus, cunctis priscorū Du
cum memoriám excitans.

Fuit Carolus míti & clementi ingenio,
gloriæ, præterq; quæ cum Religionis aug
mento ac publica commoditate esset conie
cta, mínime appetens, Ciuilis sanguinis ita
parcus, vt vel grauíssimas iniurias perfer
ret potius, quàm cædibus vlscisceretur. At
hostis pertinacia fregit ipsius institutū. Ac
cenderat eius animum haud facile irasci as
fuetum, ipse Solymanus triumpho Galli stu
dio iam diu ereptus, tum extorta Aphrica
illud animi vulnus innata leuitate penè ob
ductum refricuerat. Itaq; vt iniurias vindí
caret

caret ad Rhodanum vsq̃, qui Galliam ferè
mediam interlabitur, signa promouerat,
nullibi auso hoste obuiam progredi, vt fa-
cile iudicent omnes, illum Regem nō bel-
lo laudem quærere, sed partas iam victo-
rias CAROLI manibus, non absq̃ summo
Christianorum mœrore & damno extor-
quere, ne ad bellialeā, nominis gloria, sed
cœcæ inuidiæ stimulis excitari videretur.
Sed ego domesticas clades consultò omit-
tam. Quo enim quæso alio nomine Chri-
stiana bella nuncupabor? an quæso aliud q̃
clades est, victoria ciuili cruore parta? Et
quamuis CAROLVS suis victorijs maximam
adhibuerit animi moderationem, ac sum-
mam clementiam, tamē bellum ipsum per
se prouinciarum ruīnam trahit, vt certè, in-
signi innocentum calamitate Regum, di-
scordia pensetur: Illa meminisse animus
horret: Illa ego CAROLI laudibus non inter-
ponam, cum multa non tantum de militari
disciplina, qua antiquos omnes Duces faci-
lè vicit, sed de pacis quoq̃ artibus sint por-
ro dicenda. Bellone enim, an pace maior
fuerit, ambigi non immeritò potest. Quan-
tumq̃

tumq̃ in acie, inq̃ sæui Martis opere, tantū
quoque toga, ciuiliq̃ laude valuit, vt enim
armis hostium vim repressit, vt laudem sibi
suisq̃ securitatē armatus peperit, sic ius san-
ctē ac inuiolatē custodiendo, sic improbo-
rum vim æquitate & iustitia reprimendo,
castigando, hortando, laudando togatus
summā tranquillitatem induxit. Ego vero
non minori laude dignū esse arbitror ciui-
lem pestem, discordiam, sæuosq̃ animorū
morbos, cupiditatē, auaritiam, ambitionē,
euellere, Remq̃ pub. his monstris purga-
tam præstare, q̃ armis ab externa iniuria tu-
tam reddere. Cum non minora mala inter-
nis istis hostibus, q̃ aperta inimicorum vi,
Reipublicæ impendant. Cum enim cōcor-
dia, rerum publicarū salus, nullo modo esse
possit, vbi aut odia, aut auaritia, regnan-
diue effrena cupiditas grassentur, debet
optimus princeps, qui in præcelsa legum
mente versatur, summo studio & dexteria-
tate pullulantes has pestes suppressere, sic
vno postea cōcordi voluntatis vinculo ani-
mi colligantur, vt nulla prorsus vi disiungi
amplius possint, Hoc ne p̃stiterit CAROLVS
scit

scit Germania tota, quam pluribus annis
ita rexit, vt summa tranquillitas esset. Hoc
scit Italia, q̄ ipso præsente ita pacata, citòq̃
composita fuit, vt fœlicissima tunc mērito
nuncupari potuisset. Quàm rexit ille pru-
denter Hispaniā: quàm floruit illa prouin-
cia, CAROLO ad Regni gubernacula seden-
te: Est quodammodo à natura ita cōpara-
tum, ut qui bello præstant, raro pace sint bo-
ni. Illi enim spiritus, ille animi vigor, qui ad
constituendū strenuū, & acrem ducē requi-
runtur, grauitatē, æquitatē, ac moderationē,
cæterasq̃ togæ virtutes exaspernātur. Iam
superiora secula summos et maximos viros
habuere: quorum si mores & studia recen-
seas, inuenies præclarissimos duces facilius
Regna vicisse, q̃ gubernasse. Erunt alij qui
summa prudentia rexere suos, quiq̃ pace
fuerint maximi, bellorum tamen fortunam
semper aduersam tulerunt. At CAROLVS ita
tractauit arma, vt maximorum ducum glo-
riam longe vicerit, pacis interim artium
minime oblitus. Quàm fuit miti et clemen-
ti imperio in bonos: Quàm severo in ma-
los, ita tamen, vt nec illi suæ clementiæ dif-
a ij fiderent,

fiderent, quàm prudenter prospexit ille im-
pendens malum? quàm cauit sapienter?
Quid de fortitudine dicam? Quid de sin-
gulari continentia? Quid de Regia libera-
litate? vidimus nos largientem Regna, vi-
dimus grauissimas iniurias condonantem,
vidimus incorrupte iudicantem, vidimus
ad publicam vtilitatem dirigentem oia, vt
nō odio, irauē, aut regnandi cupiditate, sed
sola publica cōmoditate, et iusti amore fer-
ri crederetur. Hoc verē est Regem agere,
hæ sunt, publicæ personæ, virtutes, quarū
si ego seriem, laudesq; enarrare voluero,
iam me dies potius, q̃ dicendi occasio dese-
ret. Ego vero modū mihi in dicendo, tem-
poris breuitate, non gestorum magnitudi-
ne, non virtutum numero positum scio. Sed
quis quæso huius tanti viri laudes ignoret?
quæ gens? qui locus? quæ orbis Regio erit?
vbi CAROLI nomen nō sit cum quadam
diuinitatis opinione coniunctū? Iam ipsius
tropheis tota debetur Europa, iam Aphri-
ca tota, sed nec Asia ipsa victrices fugit
Aquilas, Cum ad Istrū, Regnatorē Asiæ,
terga dare coegerit. Verū nec Asia ingens
nec

nec bene culta Europa, aut torrida Aphrica,
CAROLI gloriã capiunt, nō includitur illa
certis limitibus, nec vnus ei suffecit orbis.
Iam naturæ ipsius limes, quo noster hic or-
bis circūscribitur, angustus CAROLO visus,
Herculis signa, tot seculis inuiolata, trans-
gressus, orbē adiecit orbī, cunctisq̃ retroac-
tis temporibus incognitum, aut intentas-
tū iter reserauit, illius auspicijs altera pars
orbis inuenta, & imperante CAROLO inte-
ger factus est orbis. Iam non grauatē cedit
Alcides, ipseq̃ Liber Oceanum in oriente
terminum suarum victoriarum posuit, ad
cuius signa magnus Alexander peruenit,
tamen Oceanū vltra nihil quærere ausi, in-
tegram hanc gloriam CAROLO reliquere.
Illi inter diuos sunt relati, quod maiora præ-
stitisse, q̃ homines deceret, crederentur. At
si eos cum CAROLO conferas, quid præstite-
re quæso, quod æternitatem mereatur? per-
agrarūt illi terras, vicere regna, hanc cum
illis CAROLVS laudem communem habet.
At inuenti orbis honos huic soli debetur.
Salue TER MAXIME CÆSAR, nulla dies, dum
hominū genus has terras incolet, absq̃ tui

a iij memoria

memoria erit, per te optati nunciū sonus per
omnes exiuit terras. Diffudere sese olim
vndiquaq; viui verbi ministri, & veritatis
præconium hic orbis longè lateq; percepit,
nec nō Indus, extremiq; Bracmanes, adusq;
Hiberos vltimos, à Trogloditis ad Cime-
rios vsq; illud semen vitæ tulere. At media
pars orbis incognita illum rorem eloquiū
Dei nō percepit, inuiaq; & inaquosa terra,
pluuiam serotinā, nostris temporibus, post
mille Quingentos plus annos, arida & si-
tiens tum demū suscepit. Hoc debent Indi
CAROLO, hoc Christi Ecclesia. Quale tunc
gaudium fuisse credimus in cœlis, cum cru-
cis signum in ignotas illas oras quasi lux in
tenebris plusq; Aegiptiacis fulgeret, cum
pœnitentiæ salutaris vox à populo, qui se-
debat in tenebris, et vmbra mortis, audire-
tur, salutisq; admoneretur, qui peccati om-
nes nube obtekti, vniuersalis damnationis
nō recordabantur. Sic sibi quæsiuit cœlum
CAROLVS, factis ipsis longè celeberrimis,
non vana hoīm opinione: iam Occidenta-
lis India, quasi ouis in deserto derelicta, ad
Christi ouile CAROLI humeris relata, adula-
ta

ta in Deū fide, in pietate nobiscū certat, &
illi, qui ante humanis carnibus vefceban-
tur, quicq̃ ferarū potius, q̃ hominū more co-
habitabant, deposita barbarie, nos quasi
humanitate uincunt. Sed cur ego aduersam
fortunam prætergrediar, cum nō minorem
laudē animi robore, fractis rebus, q̃ secun-
dis tulerit? Vidit nostra ætas inuictum Cæ-
sarem tot partis triumphis ipsam penē for-
tunam vicisse. Cum enim florentissimum
exercitum in Africā littus, vt Alge-
rium, alterum Pyratarum receptaculū, de-
leret, exposuisset: subito coorta tempestate
classis illisa littori, tota penē est amissa, &
cum nec tormenta bellica, quorum vi, vrbs
erat capienda, nec comeatus esset exposi-
tus, anceps consilij Cæsar, subito tot malis
circumdatus, nec de sua militumq̃ salute
dubitauit. Sæuiebat vno à laterē mare,
vrbs ipsa ab altero, tum infinita Saraceno-
rum multitudo circumquaq̃ se obsuderat,
vt Cæsareanus miles, nec tuto staret loco,
nec vsq̃ promoueretur, tum tanta cibi erat
penuria, vt ubiq̃ fame corpora enecta vide-
rentur. Horrendum porro spectaculum erat
intueri

intueri iratum mare, fractas rates, & homi-
nū cadauera volui, ne tuta ipsa terra erat,
quibus pepercerant fluctus, cum aut dura
fame, aut sæuo hoste caderent. Deniq; mi-
seranda vbiq; rerum facies erat, & iam
cunctorum animos horror quidam propin-
quæ mortis inuaserat: cum CAROLVS spem
vultu simulans, solando, hortando, iam de-
speratione languidos erigebat: exercitum
inuidæ fortunæ astu proditum, ipse cōsilio;
fortitudineq; animi seruauit, vt non sæuum
mare, non infesta tellus, non dura fames,
nec implacabilis hostis, infracti animi con-
stantiam, prudentisue consilij vim immi-
nuerit, hostes sæpius propius accedere au-
fos fudit, famem suo exemplo militibus tol-
lerandā docuit, Tandemq; placato mari, la-
cera classe recepta, milites in securiora lit-
tora transportauit, ut quos amiserat milites,
tristi fato accidisse cognoscerent omnes, &
vno ore faterentur, ipsius tantum prudētia
& fortitudine reliquos seruatos, ut iam non
consilij, sed fortunæ ipsum pœniteret, cuius
euentus cum sint dubij, ratione firma regi
minimè possunt. Si quid ergo præter spem
cucnit,

euenit, arte est corrigendum. Quod ille tanta sapientia fecit, & acerbissimos casus ita correxit, vt summam maximamq; constantiæ, fortitudinis ac prudentiæ apud omnes laudem tulerit. Ego vero de rerum gestarum gloria tanti Cæsaris nil dici posse scio, quin res ipsa per se sit longe maior. Iam si inuēti, debellatiq; orbis titulos mente complector, video quidem neminem illorum, quorum memoria perennis hucusq; manet huic æquiparari posse: scio me multa & maxima prætermisisse. Si enim omnia complecti voluero, iam iustam orationem excedā. Quanta enim dicenda essent de Geldrica expeditione, deque Belgicis bellis, quanta de rebus Græciæ, deq; Turcicis classibus deletis? Quanta de Mauritana, quod Tremiseuorum Regem, innumerais cæsis Mauris, restituerit, quod Mauritanas Lybiæ vrbes celeberrimas vicæperit, quod illa deniq; ipsa arma à torrido cœlo ad gelidum vsq; arcturum trans Albim tulerit, quo non infinita Romanorum potentia penetrauit vnq; quos ille tunc motus cōposuit? Quàm fluctuans Imperium stabili-

b uit?

uit? Quàm multa de hac expeditione dicenda essent, in qua animi vis singularis, admirabilis scientia militaris, & propè diuina clementia & mansuetudo effulsit, vt quibus armis terrori, illis ipsis humanitate incundus esset. Fuit hæc longè celeberrima expeditio, neq; facile credo, tam exigui temporis spatio, vllum Latinorum Græcorumue Ducem tam immensa terrarum spatia vicendo transcurrisse, vnouè bello tot victorias inclusisse. Hic mihi terminū præliorum constitutum volo, non quod victorij finis fuerit impositus, cum ipsius auspicijs in agro Senensi fuerit Gallorū exercitus deletus, multæq; vrbes vi captæ, cum in Belgio ipso coràm Terronaua, & Ediuum, longè munitissima oppida fuerint expugnata, Arentinū à Gallorum Rege maximis copijs obsessum, liberatū, pugnandiq; petestas non semel hosti facta, ita vt Henricum Gallorum Regem, iuuenem, acrem, & laudis auidum, iam senex, & longis laboribus fessus, summa cum laude represserit. Nō ideo, inquam, hic finem bellicarum expeditionum, quod nil amplius dicendum sit,

fit, positum arbitror, sed quod in tanta copia
mihi modus sit habendus, & cum superius
sit ostensum, Græcorū Heroum facta illum
transgressum, Romanorū quoq; gloriā ex-
cessisse constet, quorū arma ad Danubium
multis annis subistere, & non nisi infœlici
euentu Istrum transgressa sunt. Qua tanti
viri laude merito contentus finem huic nar-
rationi imponerem, ni vnum adhuc esset,
quod absq; scelere nō posset intactum præ-
termitti. Quod ea, quæ recensa sunt, longe
superāt, ita vt omni dempta dubitandi oc-
casione, hunc CAROLVM vel vno hoc facto
omnium Heroū, hominumq; laudē longē
vicisse, certissimo testimonio arguat. Vna
regnandi cupiditas inuicta tot sæculis, imò
quæ de maximis sæpe viris triumphauerat,
CAROLO deuicta, de bellataq; debetur. Non
enim œstro tantū gloriæ, non indefessi spi-
ritus vigore, aut nimio sceptri amore actus
tot pericula adiit. totue labores pertulit: sed
stabili consilio, rationeq; firma, publicis re-
bus consulens, vt secura, ac pacata vidit
omnia, sat laudis sibi, gloriæue quæsitū ra-
tus, integris sensibus, viribus non adeo fra-

ctis, sua voluntate, non coactus cursum il-
lum tantarum victoriarum cohibuit. Ego
vero in prima laude summæ prudentiæ po-
situm puto, rebus prosperè gestis, infacia-
bili gloriæ cupiditati terminū ponere, tan-
demq̃ terrenarum rerum amor est compri-
mendus, cum infelix merito haberi possit,
qui victor orbis suis semper sensibus in-
feruierit, nec frenum vnq̃ vagæ ac instabi-
li cupiditati posuerit, ipse vero cum nil am-
plius esset, q̃d vinceret, se ipsum uicit. Quod
nemo ante ipsum Ducum præstitit, cum ita
eos inferuisse proprijs cupiditatibus cōstet,
vt hanc laudē Philosophis totā reliquerint.
Quorum permagna pars huic palestræ ita
impares fuere, vt obliti præceptorū mora-
lis Philosophiæ, turpiter cupiditatibus suc-
cubuerint. Quis nō miretur virum innutri-
tum armis, regnis, ac imperijs citius præ-
positum, q̃ per ætatem alioquin licuisset,
tam facile suis affectibus imperasse? tot ar-
ridentis fortunæ blandicias, irritamenta,
illecebras infracto animo respuisse? vt cer-
te summos Philosophos hac vera, solidaq̃
laude spoliauerit; inuictumq̃ se omni parte
declararit,

declararit. Verum vt non tantum ætate, q̃
longis laboribus perpeſſis, ac animi curis
corporis vires paulatim imminui ſenſit, vt
quotidiana ſerè valetudine à publicis ne-
gotijs auocari ſe vidit, functum ſe ſuo offi-
cio, ac diu ſatis iam hoc ſaxū voluiſſe ratus,
cum videret Imperiū, non tanū animi vim,
quàm indefeſſi corporis vires requirere, ce-
dendū putauit: & ad exoptatā quietem, q̃
non regnandi amore, ſed publicæ commo-
ditatis cauſa tam diu ſpreuiſſe videbatur,
quaſi ad tranquillum portum & dulcem ſe-
nectutis nidum ſe contulit, in quem quaſi
laſſus Athlas ſe reclinauit: imperijq̃ pon-
dus INVICTI FERDINANDI humeris eſt excep-
tum. Quem nos videmus ſumma omnium
ſecuritate, hiſturbulentiffimis temporibus
Chriſtianæ Reipub. præeſſe, vt CAROLI pie-
tatem inſignem in cedendo Imperio, am-
plectamur, ſummam in eligendo ſucceſſore
prudentiam veneremur. Debet plurimum
Germania CAROLO, quod auxerit Impe-
rium, quod diſſidentem ſedauerit, quod ho-
ſtium ſpolijs, & trophæis ornauerit. At qđ
publicæ ſaluti, ſecuritati, incolumitati de-

niqꝫ omnium, huic quem intuemur, Inuictū
Cæsarem rebus præficiendo prospexerit,
tantum debet, vt plura debere non possit.
Hoc hi præclarissimi Imperij status, hoc
Germania tota, hoc circumuicinæ prouin-
tiæ cōmuni consensu asserunt, neqꝫ veren-
tur defuncti CAROLI se incommodum sen-
suros, hoc præside, hoc rectore, isto ad Im-
perij gubernacula sedente, cum imperante
CAROLO, & Imperij & victoriarum socius
semper fuerit. Cessit quoqꝫ CAROLVS cæteris
Regnis, vt nulla prorsus regnandi cupiditas
animo resideret, PHILIPPO filio lōgos ter-
rarū tractus, multa Regna, multas prouin-
cias reliquit. Quem videmus haud irrita ar-
ma tractantem, cum Galli hostis vires se-
cundis prælijs sæpius contuderit, vt nō tan-
tum Regnorū, quam laudis, ac gloriæ for-
tunæqꝫ propitiæ hærede in instituisse pute-
tur. Ipse vero iam terras exosus oculos cœ-
lo adiecerat, menteqꝫ purgata fidereas do-
mus amplexus, totum se pietati ac religioni
tradidit, ut, cum singulari disciplina, summo
militum robore, maximi animi sui magni-
tudine, terras in potestatem redegisset, Cœ-
lum

lum illis artibus, quibus posse Diuina Elo-
quia tradunt, acquireret. Non sequitur vul-
gi voces, aut populorum auram, non quæ
grata sunt mūdo, proiecit regale sceptrum,
animumq̃ cœlesti robore obfirmat. Nole-
lem tamen vos credere priuatam hanc vi-
tam segniter transegisse: vt enim futuro se-
culo militaris scientiæ monumenta reliquit,
vt regnandi artes docuit: sic pietatis, Reli-
gionis, sanctitatis exempla præbuit: ita vt
hic vnus CAROLVS ad formandos, ac exor-
nandos, & perpolliendos Regum animos,
omnia plane documēta præbuerit. Iam iu-
venes sua promptitudine, liberalitate, et in-
fracti spiritus vigore magna audere, diffi-
cilia aggredi, dura quæq̃ & aduersa per-
ferre docuit: viros fortitudine, ratione, ex-
perientia, mansuetudine, vt regere sapien-
ter & pulchre vincere possent, ostēdit. Suo
demū exemplo, quā via cœlum posset adi,
quando sit rebus prosperis ponendus mo-
dus, animusq̃ ab his tenacioribus curis auo-
candus, senioribus patefecit. Sic sancte, ius-
te, ac pie cum vixisset, cursumq̃ totius vitæ
consumasset, cupiditatibus ac mundo sua
voluntate

voluntate ac instituto eripitur. Vixit in Hispanijs per tres ferè annos corpore quidem adhuc in terris constituto, mente iustiore, pio & ardenti voto in cœlis iam agente.

Et nisi animus tanti luctus memoriam horreret, iam ego ostenderem, quo animi robore, quanta fidei constantia aduentantem mortē exceperit. Sed simul ac in mentem venit illius diei, non possum non in lacrimas prorumpere, Et cū ipse mecū perpendo illius gesta, illius virtutes, ereptum orbi doleo: Christianæ Reipub. vicem deploro: bonorum omnium, quibus apud ipsum singulare præsidium semper fuit, causa queror: Religionē ipsam, erepto CAROLO, ruituram penē vererem, ni FERDINANDVM CÆSAREM viderē, in quo nunc fessa & longis erroribus agitata cōquiescit. Quem ad erepti CAROLI solatium Benignus DEVS diu incolumem seruet. Ille, n. omniū animos in tantæ iacturæ mœstitia solatur & recreat: illius virtute ac fortitudine, animiquē pietate Christianus orbis letale hoc vulnus minus iam sentit. Quamuis vno eruto, quodāmodo, oculo, necessariò aliqua pars huius Reipub.

Reipub. corporis minus prospiciat, lucida
daq̃ sit minus. Quid ergo clamem miser?
Quid potissimum querar? Occidit, Heu,
CAROLVS occidit nobis, At sibi viuit. Ille
post ingentia facta, post Immortalem no-
minis famā, perennemq̃ gloriam, optatas
animæ sedes, post longos inuenit errores.
Illius mihi Aethere delapsam vocē nūc au-
dire videor, qua TE FERDINANDE CÆSAR,
quā vos Germanos Principes alloquitur.
Maeste esto virtute INVICTE FRATER, tu pon-
dus nunc fers IMPERII, tu Regni modereris
habenas, in tua nunc fide Germania con-
quiescit, tuo nunc labore, tuis vigilijs, tua
prudētia conflictatæ prouinciæ paris sa-
lutem. tibi interim laudem, perennemq̃ fa-
mam, Cœlum deniq̃ ipsum paras. Vos in-
clyti Germaniæ proceres, si quæ sunt dissid-
ia, si quæ irarum causæ, si qui animi rancor-
es, pellite ista cordibus, iungite mentes,
animosq̃, simul iungite vires, ac concordī
quodam amoris vinculo simul vos necēte,
vt iuncti capiti, in quo summa est pruden-
tia, vera Religio, maximā animi mansue-
tudo, vnum inuicti Imperij corpus efficiat.

C . tis.

tis. Hæ sunt illius voces, qui optimè semper
vobis consultum voluit. Illius inq̃ CAROLI,
qui hoc exutus corpore, non affectibus mo-
uetur, nō dolore, aut voluptate, sed sola ve-
stri charitate. Ergo has voces optimi patris
patriæ prudentissimi, ac inuicti bello Cæsa-
ris, tota mente complectamini, ac dum ipsi-
us erga vos omnes amorem ac charitatem
certissimis argumentis comprobata per-
peditis, rapiat vos denuo ipsius desiderium
in lachrymas, ipsaq̃ recordatio tanti Cæsa-
ris, gemitus vel inuitos exprimat. Et cum
videmus huius orbis, ac modo cogniti Re-
giones omnes ipsius Epitaphio, ac ferali
carmine insertas, vberrimo fletu huius sæ-
culi decus ac præfidiū prosequamur. Quod
ego vos singulari quodam humanitatis of-
ficio præstare video, ut ad hanc uestrā mœ-
sticiam nihil planè addi posse putē. Verum
etsi finis vitæ ipsius, quando ita Christianè
decessit, facit, vt piè credamus huius vitæ
miserias, cū sempiterni æui beatitudine, cō-
mutasse, tamen cum iudicia Dei sint inseru-
tabilia, cum impossibile ferè sit, animā huic
cadaueri tot annos annexam, puram, ac
omni

omni prorsus labe carentē solui, fundite lachrymis mixtas preces, pro quibus ipse paratus semper fuit ipsum sanguinem fundere, ac pijs manibus exoptate pacem, cum ipse suū caput periculis obiectando, suis vigilijs ac laboribus pacem vobis securitatemq̃ pepererit. Verum æquius esse arbitror, illum nunc nostri curam agere, cum posito hoc corpore, diuina fruatur proculdubio præsentia, vt suo propè merito, ardentissima religio, inuiolataq̃ fides, & labores pro vniuersali Christianæ Reipub. tranquillitate suscepti, requirunt. Si quis est ergo harum, quæ apud nos geruntur, rerum cœlicolis sensus, flecte ex illa tranquilla sede oculos ad hūc mœstum cœtum **TER. MAXIME CAROLE, vide INVICTI AC PII FRATRIS** verissimas lachrymas, vide tanti Imperij mœstitiam minime fictam, vide lugubrem pontificum venerandam seriem. Aspice hanc vniuersalem animorum consternationem, ac tuorum erga hos omnes, maximorum & immortalium beneficiorum cape hunc gratitudinis fructum. Tu quidē inter beatas animas, consortio frueris cœlestium

c ij spirituum.

spirituum. At nos non tua gaudia, non tranquillitatem, non pacem qua frueris, sed nos nostramq; lugemus solitudinem, nec vlla vnquam dies tuæ recordationis erit absq; lachryma. TV VERO INVICTE FERDINANDE fles quidem optimum fratrem, ac erga te omni pietatis officio semper functum, illa vestra, dum vita manebat, animorum coniunctio, illud voluntatis vinculum, illa mutui amoris pignora, quæ ipsa sanguinis necessitudo occultis igniculis pectori infundit, merito te magno afficiunt dolore. Sed vide, vt Imperij procures iusta soluunt moestitiæ, resoluunt quodammodo Germaniæ lachrymas. Queritur Italia, lamentatur Hispania, dolet Gallia, flet Apher, Indus, Scythia, nullaq; orbis regio luctu vacat. Sed hic paries, illi lapides, tota deniq; hæc structura occulta quadam vi doloris aciem sentiunt. Neq; enim his luctus is est, vt ad nos tantum perueniat, sed sua magnitudine ita diffunditur, vt vbiq; tantæ calamitatis testes habeat. Sed nequeo quæ statueram omnia proferre, cum & ipsius rei magnitudo, ingensq; orationis campus ita me hinc inde auocet,

auocet, vt confessus hæream. Tum tantus
me dolor occupat, vt haud facile verba ex-
pediam, & iam erumpentibus lachrymis
ipsa oratio cedit. Dixi.

Ea finita oratione, ceptum offertorium
est, & hoc tali peractum modo. A sinistra
parte antiqui chori tabulatum quoddam
fuit extra nauim, sed in nauim tamen pa-
tente ianua. Eoq; in loco & vexilla erant,
& equi holocerati, & militaria defuncti
Cæsaris arma, & ornamenta imperatoria.
Hæc quoniam ad aram Deo offerri debe-
bant, interea igitur, dum Tridentinus per-
orabat, personæ illis muneribus pridie assi-
gnatæ eisdem præfuerūt, oīaq; ad oblatio-
nem suo ordine præparabāt. Debebant autē
ea omnia illo modo atq; ordine offerri ad
sacram aram, quo pridie vesperī in proces-
sione pcessissent, initio scilicet vexillū Bur-
gundicum et huic destinatus equus, deinde
Austriacus & huius equus, & ita deinceps
reliqua. Nequid autem contra processus or-
dinem delinqueretur, Baro de Monefis &
Sueuorū Prætor Ilfing ductores, primo lo-
co præibant ad aram, & hos duo secuti He-

roldi, Vngaricus & Bohemicus. Sed mox,
ut è tabulato in nauim venerant, obuersi ad
Cæsaream Maiestatem, flexo genu, honorẽ
Imperatori suum exhibuerunt, paululumq;
pgredientes, ad sinistrũ latus auersi, prope
Castrum doloris, & defuncti Cæsaris cenotaphio eundem honorem habebant: tertio,
eundẽ altari, in accessu, dũ id obirent: quarto,
dum offerrent vexilla & equos: quinto,
dum in regressu præterirent cenotaphium
defuncti Cæsaris: sexto, dum ad conspectũ
Imperatoris reuertissẽt. Equi è naui tẽploq;
educti, sed vexilla ad tergũ Castri doloris
sustenta, quemadmodum pridie factum diximus. Simili reuerentia, honorisq; significatione, sicut in vexillis & equis ostensum,
declarata, ad eandem aram oblata sunt &
arma militaria, et imperatoria ornamenta.

Ea offertoriĩ parte absoluta, Cæsar ipse,
præcedentibus duobus imperĩ Heroldis,
et Marschalco, cum stricto gladio, ad altare
perrexit, cõiunctim subsequẽtibus quatuor
cõlugentibus, comite de Luna, Archiduce.
Martino Cromero, Alberto duce Bauariæ,
& post istos, Electore Moguntino, Cæsar
risq;

risq̃ tum electorum, tum principum absen-
tium legatis. Datisq̃ singulis singuli sunt al-
bi cerei, sed differenter magni, maioresq̃
pro cuiusq̃ principis sessione atq̃ dignita-
te. Quos cer eos Cæsar & principes, quibus
aureos nummos inseruerant, et legati pari-
ter, ad aram offerebant. Cæsar autē, vt vnā
eū suis in chorū antiquum, & in sua quisq̃
subsellia reuertissent, vexilla ea in loca (ha-
bito prius Cæsari honore) in quibus pridie
erecta ostendimus, reportauerunt. Simili-
terq̃ et arma militaria, ante Castrū doloris
suspensa sunt, & imperatoria ornamēta re-
posita, supra Cenotaphia defuncti Cæsaris.
Peraçto hoc exequiarum sacrificio, p̃ de-
functo Carolo Imperatore, aliud officiū de
Trinitate incepit Archiepiscopus Saltzbur-
gensis, qđ iam læto cātu per Symphoniacos
celebratū peraçtumq̃ est. Quo finito Cæsar
descēdens acceptaq̃ per Cardinalē benedi-
ctione, & aqua lustrali aspersus, eo p̃rsus q̃
uenerat p̃cessu, in palatiū est reuersus suū.
Hæc de exequijs iustisq̃ Caroli Impera-
toris. Cui tu omnipotens Deus, Pater mise-
ricordiarū, propter meritū filij tui, Domini
nostri

nostri Iesu Christi, & intercessionē B. Mariæ virginis, omnium sanctorum, precesq̃ has nostras, misereri dignare: vt, si quo nexu pœnarum temporalium adhuc tenetur, has ei velis mitigare, & abrumpere tandē, ipsumq̃ in cœlestem patriam abs te receptum collocare in cōsortio beatorum: vt lætissimo conspectu diuinæ Maiestatis tuæ in æternum frui queat. Ferdinandumq̃ hunc Imperatorem nostrum gratia tua gubernā, vt quæ tibi placeant, faciat semper, quæ displiceant, omittat, & hoc, quod tu tribuisti, sceptrum feliciter gerere possit, ad tui nominis gloriam, ad Catholicæ Ecclesiæ defensionem, ad instaurationem labantis in Germania Christianæ reipublicæ. Amen. Datum Augustæ Vindelicorum, anno humanæ salutis 1559. die 26. Februarij.

Altera, quæ proxima secuta est, hebdomade, prima die Martij, pari cæremoniā cultu, parentatū quoq̃ est Mariæ Reginæ Vngariæ, Nihil autem in hisce exequijs defuit, præter hæc scilicet. Nō habita fuit processio: Castrum doloris mutatum, factumq̃ fuit minus aliquantò, quàm Cæsaris erat, aliudq̃

aliudq̃ positum Cenotaphium, holōcerico
panno subtus, desuper vero aureo cooper-
tum, sed loco ornamentorum imperialium,
corona Vngariæ Reginae cōgruens, collo-
cata fuit. Præterea pro Caroli Cæsaris cly-
peis & insignibus, reginae Mariæ insignia
parietibus, facibusq̃ eis, quas pauperes ge-
stabant, appensa fuerunt. In ipsis vero exe-
quiarum sacris nihil mutatum, nisi ea, quæ
personæ non congruebant.

Habuit autem de laudibus actaq̃ vita
Reginae Mariæ elegantem orationē Geor-
gius Drascouitius Quinq̃ecclesiensis An-
tistes disertus. Et quanq̃ oratio pro decore
Reginalis personæ, non ita potuit splende-
re, sicut illa, quam luculentissimā de Carolo
Imperatore Electus Tridentinus perorauit,
ita tamen actione eam effecit sua illustrem,
vt præter modum nitere videbatur.

ORATIO FVNEBRIS DE
defuncta Maria Regina
Vngariæ.

ADmiratione teneri Maiestatē tuam,
Cæsar Augustissime, vosq̃ sacri Ro-
mani

mani Imperij principes excellentissimi, cæ-
teriꝫ item cuiuscunqꝫ ordinis viri nobilissi-
mi, non dubito, cur non alijs hanc dicendi
prouinciam reliquerim. Non tam enim ho-
minis Pannonis esse quis non intelligat, de
laudatissima progenie Austriaca dicere, qꝫ
eorū, qui in suis Regnis, et prouincijs hanc
verè Regiam sobolem nascentē viderunt,
crescentem sunt admirati, florentem vene-
rati, & ceu quoddam speculum omnis ge-
neris virtutum intuiti, deniqꝫ qui morien-
tem in sanctissima monumēta collocarunt.
Atqui nemo dicentem recte mirabitur, si
consideret nobilissimā Reginam Hunga-
riæ Mariam (cuius exequijs, ab Imperato-
re inuictissimo & Christianissimo Ferdin-
ando, hodiernus dies datus est) natā quie-
dem & educatam apud alias gentes, at in
nostris Regnis cum optimo & nobilissimo
Rege Ludouico coniuge, vitam aliquan-
tulo tempore egisse, nobis ornamenti loco
fuisse, resqꝫ nostras tutatam tantisper, dum
prouidentia æterni numinis id fieri voluit.
Quare etsi me huius rei magnitudo facile
terreat, & à dicendo auocet (debent enim
maximo

máximorum principum laudes, à maximis
doctissimisq; viris decantari, qualem ha-
buit Achilles suarum virtutum preconem
Homerum, Themistocles Herodotum, Cy-
rus Xenophontē): iniuria tamen nostri ho-
mines se affici arbitrarentur, si, in exequijs
Reginæ suæ, quam diuinitus sibi datam
obnixè coluerunt viuum, defunctam hono-
rant, me præsentem tacere animaduerte-
rent. Meum igitur esse putavi non penitus
silere in hodiernæ diei funere, sed ea dice-
re, quæ à me, si non pro dignitate, at certè
pro temporis conditione, & pro virili mea
dici poterunt. Quæ quidem res me, et apud
tuam Maiestatem, Cæsar Augustissime, &
apud sublimem vestrum cōfessum, optimi
principes, viriq; nobilissimi, ita, nisi ego fal-
lor, excusabit, ut non solum, cur ego potissi-
mum surrexerim ad dicendū, cum sedeant
alii, mirum videri nō debeat, aut aliud me,
quàm mei sit officij agere existimari, verū
etiam vt sperē munus hoc necessario à me
suscipi debuisse, oēs iudicaturos esse. Cum
autē non desint multa et præclara, quæ nō fi-
ctè aut simulatè de laudatissima hac regina

d ij merito

merito à me dici possint & debeant, vestra
sponte et iudicio, vos æquis auribus me au-
dituros confido. Neq; verò meum esse iudi-
cio longam orationem texere, ne aut vobis
molestiam verborum multitudo pariat, aut
exequiar; ratio sanctissimè, à sanctissimisq;
patribus ante multa sæcula instituta, & po-
steritati commendata, ritè suoq; modo pro-
cedere possit. Non sunt recitanda mihi, an-
tiquissimæ, & nunq; satis laudatæ domus
Austriacæ, initia, vnde hæc regina Hunga-
riæ nostræ ortum habet, tam sunt enim hæc
omnibus nota, ut nulla recitatione indige-
ant, præsertim hoc tempore, cum à Reue-
rendissimo domino Electo Tridentino nu-
per copiosè sint repetita. Quanquàm verò
hæc talia sunt, vt, cū sat laudibus efferi non
queant, ea semper liceat dicere, liceat repe-
tere: iam tamen præteribo silentio, hanc do-
mum, aliquot iam sæculis, in vniuersa Eu-
ropa principem locū obtinuisse, et regnare
atq; imperare in hunc vsq; diem cum sum-
ma moderatione, cum maxima æquitate;
cum laudabili iustitia, commodoq; multarū
gentium; nec id addam quot Reges, quot
Imperatores

Imperatores ex hac domo sint pfecti, quōt
deniq; Habsburgica familia dederit orbi
Christiano viros fortissimos. Huc autē mea
tendet oratio, vt quæ nostræ Reginae fuerit
uita, et quæ ab illa seu apud nostros Panno
nes, seu apud Belgas præclarè gesta sint,
deniq; quo fato in Hispanijs extremū diem
obierit, breuiter explicem. Quoniam verò
cum ex Regibus, Reginisq; orta esset, Phi
lippo Rege patre, matre Ioanna Regina
Hispaniarum, educata etiam Regia insti
tutione, & quod præcipuum est rectæ edu
cationis caput, pietatē ceu fundamentū fu
turæ uitæ, sanctē beateq; imbibisset. uniuer
sum virginitatis suæ tempus laudatē felici
terq; trāsegit, adeò, vt Vngariæ et Boëmiæ,
atq; aliorū regnorū, multarumq; prouincia
rum Rex Ludouicus, tunc quidē, superis sic
volentibus, felicissimus, ex omni eius tem
poris virginum coetu, hanc vnicam sibi in
coniugem charissimam optauerit, ambie
rit, ac tandem ab inuictissimo atq; Augu
stissimo Cæsare Maximiliano, vtroq; tem
pore pacis & belli, summam maximamq;
laudem, vel ab hostibus meritò obtinuerit.

Quæ res, nō tantum Regi ipsi summam læ-
titiam peperit, verum etiam populos omnes
totius Regni Hungarici exhilarauit mirifi-
cè. Et quanquàm Regina ipsa suo aduentu
certam felicitatem Regno attulisse videretur,
spes enim non dubia cōcipi poterat hæ-
redem eam Regi parituram, cum antea nul-
la esset illi soboles: Cæsarum tamen Au-
striacorum affinitas augebat felicitatem
hanc, & inexplabilem lætitiam, ut, etsi hæ-
redem in hoc coniugio natura negaret, vel
ipsa Austriacæ domus fœcunda vbertas,
orbem non sineret regnum Hungariæ. In-
credibilis igitur omnium ordinum applau-
sus, & certatim concurrentium hominum
congratulatio, tū verò videre gestientium,
infinita agmina fuere Reginae obuia. Nec
defuere, qui ab ipso Ponto Euxino, et ab vl-
timis finibus antiquissimæ & Christianæ
Reipub. fidelissimæ propugnatrix Croa-
tiæ, Austriacam virginē visum venissent.
Vbi Budam, aurei regni metropolim, ven-
tum est, sui similis semper perstitit, nō opes,
non splendor gentis, non mariti, Regis tūc
nominatissimi Maiestas, nō Imperium bo-
nam

nam castamq; mentem à modestia ad insolentiam, à benignitate ad inclementiam, ab humilitate ad fastū mutare aut flectere potuerunt, quin Deo, quin marito, quin adepti regni commodis viueret. Testes mihi in hodiernum diem sunt Pannonici nominis reliquiae, quæ ceu ex valido & potenti incendio, tua, secundum Deum, optime Cæsar, industria atq; pietate, ereptæ ac seruatae, optimæ Reginae laudes, non sine lachrymis, frequenter solent decantare. Paucos admodum annos cum inclyto rege marito vixerat, cum Turcarum tyrannus, & Christiani nominis hostis hæreditarius, cū ingentibus copijs (ut solet) ad euertendum regnū Hungaricum sese contulit. hîc Regina cognito periculo, videbat enim (quod euentus postea docuit) de salute Reipub. agi, non suæ quieti, non otio, non salutis, non amoris coniugali, quem colebat sanctissimè, consulere voluit: sed maritum, ad Rempublicam tuandam, ad viduas & pupillos seruandos, armata contra tantum hostē manu prodire passa est: quid dicam passa est, cum mansuetè blandeq; hortata sit, spreta contemptaq; sua

sua vita: Profectum in aciem Regem, cum
rem infœliciter gestam cognouisset, nec se
Budæ amplius tutam videret (etsi Consilia-
rij, ipsi fuga salutis consulendum censebant;
relinquendumq; prorsus Regnum Hunga-
ricum) non longius tamen Buda q̃ Coma-
ronium progredi, itinere scilicet duorū die-
rum voluit, adeò charus illi maritus, tanto
illi in pretio Respublica erat: neq; enim hîc
rem Hungaricam tantum agi, sed & vni-
uersæ Reipub: Christianæ negotium sapi-
entissimè animaduvertebat. Audita tandem
lamentabili charissimi Regis mariti cæde;
non cunctandum amplius rata, Posonium
sefe confert, ne longius à tua Maiestate ab-
esset, Augustissime Cæsar, quem vnicū hæ-
bebat suis rebus perfugium. Infamis hodie
nobis est cāpus Mohàchinus, Regis mise-
rabili cæde, multorumq; Antistitū, Comi-
tum, & Baronum lamentabili casu, vt me-
ritò illa tunc, tāta clade cognita, ad vltimos
fines Hungariæ processerit: non enim erat
gentem, cui aliquot iam annos feliciter im-
perauerat, relictura, si fata habuisset paulo
magis propicia. Sed ô clementiam sanctis-
simi

tissimi numinis, æterniq; Regis in Christia-
num nomen pietatem: tantus hostis Rege
crudeliter interfecto, cæsisq; innumeris no-
strorum millibus, & vastatis adiacentibus
prouincijs, tamen perficere hoc non potuit;
ut nō tuam, Cæsar, Maiestatem Mohachin-
agri dominum agnoscerent: tuo enim iussu,
inuietissime Imperator, in hodiernum diem
hos agros, quamuis Solymani præsidjs oc-
cupatos, ita possideo ego, ut imperata colo-
nus faciat, & me legitimum Antistitem a-
gnoscat. Ad rem redeo, florētem, in floren-
tissimo regno, vidisti sororem, Imperator,
Augustissime, vidisti arma barbarica fu-
gientem, & ad te confugientem, excepisti.
Quid autem? nunquid his malis fracta? &
regno exuta, sui fuit dissimilis? Nunquid nō
se verē heroica fortitudine animi præditam
declarauit. Petentibus celeberrimi nomi-
nis principibus iam viduæ nuptias, secun-
do coniugio copulari non voluit, & vidui-
tatis leges sanctē sibi atq; inuiolatē seruan-
das statuit: seruauit etiam ad ultimum vitæ
exitum, cum laudē tanta, quanta in ore est
omnium, vt minime frustra videatur san-

ētissimæ Annæ prophetissæ, cuius præclara
extant in sacris literis Encomia, viduitatem
imitata. Cum enim totis triginta annis, &
amplius apud Belgas viduam egisset vitā,
tandem inuictissimū Imperatorem Carolū
secuta in Hispanias, eodem vitæ genere cō-
tinuato, vitam finijt. Essent hic mihi dicen-
da multa, si quidem narrare pro dignitate
velim, quæ viduitatis illius cursum exorna-
rint, et Deo meritò cōmendarint: essent cō-
memoranda plurima, si res eius in Belgicis
prouincijs præclarè, egregiaq̃ cum laude
gestas coner continuare: quibus partim sa-
tisfecit expectationi fratris Cæsaris, à quo
fuerat in Belgio, ceu in specula contra ho-
stes minimè contemnendos collocata, par-
tim auxit et cumulauit illius gloriam. Nihil
est enim in omni eius administratiōe cogni-
tum, quod non cum maximorum Regum
atq̃ Imperatorum factis meritò possit com-
parari. Ac dum pace frui licuit, pacis amā-
tem sese oībus declarauit: Iura dixit popu-
lis: oppressis opem tulit: Reipub. cōmoda
fouit, auxit, & ornauit. At ab hoste seu pa-
lām, seu fraudulenter lacerata, verè se he-
roica

roica animi magnitudine præditam ita de-
clarauit, ut, et insidijs hostilibus maiorẽ se-
ostenderet, et inimicos exercitus sæpe feli-
citer profligaret ac sterneret. Sed dies me-
citius defecerit, quàm hæc ego possim com-
memorare. Vnum hoc non possum non di-
cere, nõ minus illam publicæ pacis studio-
sam fuisse, quàm reprimendis hostium iniu-
rijs idoneam. Cum victricibus armis Gal-
liam Carolus Cæsar penetrasset, iamq; ex-
cidio Parrisiorum immineret, nec Francis-
cus Rex, vt qui iniuste Cæsarem lacessi-
uisset, spem impetrandæ pacis vsquàm sibi
relictam cerneret, Mariæ Reginaë consi-
lium petijt, opem implorauit, intercedente
Leonora Francisci coniuge, sorore Cæsa-
ris. Quid autem Maria? Oblita illa maxi-
marum iniuriarum, quibus paulo ante à
Gallis affecta fuerat, Francisci afflictis re-
bus occurrit, Fratrem victorem hortatur,
ad tolerabiles pacis conditiones inuitat,
& quàm misero in statu sit Gallorum for-
tuna, iubet eum expendere. Heroicæ e-
nim fortitudinis esse, non solum vincere
posse hostem, sed victo etiam parcere
c ij aliquando,

aliquando, Deoq; nonnunquā clementiam
esse iustitia gratiore. Cæsar his alijsq; Marię
Reginę deprecationibus permotus, pacem
concedit Francisco, armaq; ex Gallijs redu-
cit, & quasi Regnū ei iure ereptū vltro re-
stituit. Quanta cū gloria sua hoc fecerit Cę-
sar, quanta cū laude idem impetrarit à fra-
tre Maria, nulla ætas obliterari patiet̃. Huc
accedit ad has fortissimæ Heroidos tā præ-
claras animi dotes, insignis quædā in Deū
pietas. Maximam fuisse potissimamq; vitæ
illius partem precationibus, cultui diuino,
templorum ornatibus, & fouendis ecclesi-
arum ministris. datam. notius est, quā à me
vt debeat referri. Quæ res, mea quidē sen-
tentia, in causa fuit, vt tam placido & benig-
no fato, ex hac misera & incerta vita, in
eccelestē patriam vocaret̃. Quid enim potest
christiano homini contingere maius, q̃ san-
ctē et christianē in Catholica et Apostolica
fide mori? quid pulchrius? quid laudabilius.
quā cuius nomē sis professus infans, hunc
te moriturum salutis & æternæ vitæ autho-
rem profiteri? quid consonum pietati ma-
gis, quā sacramentis, quæ vltimæ nostræ
debentur

debentur lineæ, è vero fidelium consortio
petitis, ceu viatico accepto, ad sacrosanctū
iter accingi? Hæc adeò huic nostræ Re-
ginæ feliciter contigere, vt omnibus cum
foeminis, & ad æternam felicitatem pro-
perantibus, tum etiam maximis quibusq̃
viris, et summa constantia in retinenda ve-
ra religione præditis, optandum sit meritò,
simili fato mori, simili conditione humanas
res relinquere, æternas appetere. Itaq̃ pos-
teaquàm Carolum Quintū Imperatorem,
lumen atque ornamentum orbis terrarum,
tot rebus terra mariq̃ feliciter gestis, in vi-
tam beatiorē migrasse audierat, planè se-
qui fratrem gestiens, ex hac vita ærumnis
calamitatibusq̃ plena, in æternitates fe-
licissimas migrare cupiens, à Deo optimo
maximò paucis admodum post diebus sub-
lata est. Solonis laudatissimi suo tempore
Philosophi sententia, quin & aliorum com-
plurium, ij demū felices sunt, quorum vitā
bene antea beateq̃ actam, placida funera
subsequuntur. Felicem igitur dicemus hanc
nostram Reginam meritò, quæ non solū
benè beateq̃, & multorum cōmodo vixit,

verumetiam sanctissimo genere fati suum
diem obiit. Sed quæ hæc felicitas fuerit, si
cum ea quæ vera et æterna felicitas est, con-
feratur: nã piẽ vixisse, & mori sanctẽ, cum
finem habet, vt vera sit & sempiterna feli-
citas, vera beatitudo, & christiani hominis
propria. Ea nũc, ut speramus, fruitur, & fru-
etur æternum Maria, Cæsarum soror, & sup̃
ætatis fortissimarum fœminarum immorta-
le decus: cuius nomini hodiernæ diei exeq-
uias dedicamus. Sed dicet aliquis, quorũ
sum hæ pompe funebres: quid hẽ sibi volũt
exequiæ: quam vtilitatem: quid commodi
Christiano homini adferunt: Vetus est hæc
Ecclesiæ Catholicæ doctrina & cõsuetudo,
defunctorum fidelium memoriam sanctis
cæremonijs celebrare, eosq; pijs precibus,
elemosynis, ac sacrosancto & admirabili
sacrificio iuuare. Extant autem non solum
sanctissimorum occidentis patrũ hac de re
insignia testimonia, verumetiam Græcorũ,
atq; adeo ipsius orientalis Ecclesiæ. Et sacrę
literæ non obscure testantur, debere nos in
Christo defunctis pia vota, debere hæc ius-
ta

sta illis persolvere, debere hanc parentandi sollicitudinem: quæ non aliter à nobis præstari poterunt, quàm hijs ipsis rationibus, quas nunc videtis. Verum hac de re decernere nolo, non enim hoc nostri instituti est: hoc monuisse sit satis: primùm ex sacra scriptura vera & solida huius rei fundamenta, sanctisq; patribus & vetusto Ecclesiæ Catholicæ consensu peti posse: deinde vtilis esse atque necessarias piorum hominum orationes, si non omnibus, pluribus tamen, ijsq; scilicet, qui in vera Catholicæ fidei confessione, in studio pœnitentiæ moriuntur. Quare hortor omnes in Christo, quotquot me dicentem audiunt, ut piè sanctèq; hos ritus venerentur & colant: nec se ab Ecclesiæ Catholicæ communione & societate, quorundam callidis imposturis auelli patiantur. At hîc rursus dixerit quispiam: preces atque orationes rectè fieri pro defunctis, & omninò sancto consilio in Ecclesiam introductas, cæterum hos apparatus purpuratos, tantam cereorū ardentium congeriem, tot aurea insignia, tot equos

equos cultu inusitato conspicuos, nihil pro-
desse mortuis, nec ad Ecclesiæ consuetudi-
nem pertinere. Tametsi quidem, illa more
maiorum rectè fieri constet, cum hæc par-
tim signa sint pœnitentiæ, quam egisse de-
functum speramus, partim nostri erga de-
functum officij atq; amoris: fatemur tamen
ista nō pro necessitate esse instituta, sed exis-
timamus licere Christiano homini, monu-
menta, & aliqua, eiusmodi amoris ergo, si-
gna ponere ijs, quos in vita charos habuit.
Quod cū ita sit, quis negabit maximis prin-
cipibus, & in culmine rerum humanarum
constitutis, hac saltem ratione charissimo-
rum, præsertim autem domesticorum leni-
re desiderium? vt interim illud taceam, quod
præcipuum est, hac nimirum ratione publi-
cè, externoq; gestu fideles testari, quod in
Symbolo Apostolico se firmiter credere
profitentur, carnis resurrectionem futuram,
& vitam æternam. Quare cum hæc cære-
moniæ, fidei & religionis articulis, non so-
lum non repugnent, verum etiam certum
quoddam testimonium adferant, neminem
sanæ mentis, hisce sanctissimis charitatis fi-
deiq;

deiꝑ testimonijs credimus cōtradicturum.
Recitauī p officio meo, et benigna auscul-
tatione vestra, ea qua potui breuitate, nobi-
lissimæ ac laudatissimæ Mariæ, Hungariæ,
Boëmiæ, Dalmaciæ, Croaciæ, & Sclauo-
niæ &c. Reginæ originem: quibus sit &
quantis parentibus orta, quàm sanctè edu-
cata: & qua laude virginitatis cursum con-
tinuauerit: qua fortuna maximo & optimo
Regi nupserit: quo fato maritū Hungariæ,
Boëmię, Dalmacię, Croacię, Sclauonię &c.
Regem inclytū Ludouicum amiserit: quā
laudatè viduitatis leges totis triginta annis
et amplius custodierit: qua pietate pupillos
et viduas coluerit, adeò ut pro horum salute
suam ipsius salutē contempserit: qua dexte-
ritate Belgicas prouincias administrauerit,
& ab hostibus defenderit, pacem coluerit:
quo studio Ecclesiarum et templorum com-
moda, cultumꝑ diuinum auxerit & orna-
uerit: deniqꝑ qꝑ sanctè, qꝑ pie, quàm placidè
extremū diem obierit. Hoc vnum nunc su-
pere est Augustissime Cæsar, atqꝑ inuictissi-
me Imperator, vosꝑ sacri Rōmani Imperij
principes excellentissimi, et reliqui ordines
f nobilissimi,

nobilissimi, ut, p̄huius Regine nostrę, ac fra-
tris Caroli imperatoris Maximi animarū sa-
lute, flexis genibus mecū vnā, eam quā nos
filius dei docuit orōnem, adiūcta Angelicā
salutatione, deuota mente recitetis. Dixi.

Tertię exequię pro defuncta Maria Re-
gina Anglię, habitę sunt II. die Martij. In
eisq; idem castrum doloris remāsit, eadem
Cæremonię, insignia mutata duntaxat, &
nomen personę in sacris. De hac Nicolaus
Lanoius & pietate & doctrina excellens
Theologus de societate Iesu, orationem re-
citauit insignem, quam hic quoq; addi cu-
rauimus.

ORATIO FVNEBRIS

de defuncta Maria Re-
gina Anglię.

Silauis (vt in æthiis docet Aristoteles)
primum est virtutis, honestęq; actionis
uelut quędā merces, ibi sanē potior erit lau-
dandi honorandiue ratio, vbi quispiam in
actionibus virtutē excellentiorē operā col-
locauerit. Vnde et veteres, p̄ter Encomia
honoresq;

honoresq̃ publicos citius euanescentes, in ar-
gumentum & velut solidam compensatio-
nem fortitudinis, seu rei præclaræ vtiliterq̃
gestæ, statuas & huiusmodi quæ velut per-
petuò duratura essent, monumēta decerne-
bant, volētes nimirū sic erga benè meritos
homines suam gratitudinem testatam esse,
aliorumq̃ animos ad egregia facinora ex-
citari. Et eos quidem, qui Rempublicam
vel grauiori periculo liberassent, vel insi-
gni aliquo auxissent cōmodo, ceu numina
quædā suspicientes, aut patres liberatores
ue patriæ nominabant, aut quolibet simili
honoris titulo exornandos esse ducebant.
Quanc̃ ita magnificè pōposeq̃ celebrati,
tales plerumq̃ erant, qui potius vituperijs,
quā præclaris honoribus digni viderentur.
Etenim tunc demum veræ laudis existit ra-
tio, quādo nō portiuncula virtutis, sed inte-
gra perfectaq̃ virtus ab aliquo insigniter
exercita cōperitur, vtpotē dum quis ita cor-
datè, probè, sanctèq̃ vitā instituit, vt mor-
tem oppetere malit, q̃ aliquid vituperio
dignum, seu quod à rectæ rationis calle,
vel latum vnguem exorbitet, admittere.

In hac autem fœmina (virginem heroicam
rectius dixerim) quã Imperator pientiffimè
harum inferiarũ honoribus, multas ob cau-
sas cohonestãdam esse duxisti, & nos licet
rudi et inculta orõne, laudibus uehere cõsti-
tuimus, nihil nisi castum, nisi sanctum, nihil
nisi laude dignũ deprehendi potest, etiam si
vniuersæ eius vitæ partes, vel oculatissime
perlustrent. Quò fit, ut nobis optabilius fo-
ret, uiuam admirari, quã defunctam meritis
exornare encomijs, quæ etiã calamitates
imperijs aliorum importatas, sua prudentia
ac magnanimitate propulsauit. Sed quoniã
diuini numinis prouidentia factũ est, ut ab-
rupto eius vitæ filo, nobis mortalibus ere-
pta sit, iustum est, ut quos, dum uiueret, im-
mortales honores sibi parauit ac pmeruit,
illi ad meliorem vitam sublatę, pro modulo
nostro persoluamus. Virtutes eius maximè
à Principibus tum uiris, tũ fœminis imitan-
das, & varios casus, quos forti animo per-
tulit, nostra attinget oratio. nam ex his pro-
cliuè vnicuiq; fuerit, cetera quę ad eius lau-
des pertinent, æstimare. Vt igitur ab alto
stemmate Auorũ eius sermo noster decur-
rat

rat, parentes habuit illa Henricum octauū
Angliæ Regem, & Catharinam illustrissi-
morum Regum Hispaniarū Ferdinandi et
Elizabethæ filiam. Cuius insigni pietate, ac
regali magnificentia sic educata est atq; im-
buta, ut nō alteri, q̃ ipsi Imperatori summo
ac nobilissimo in terris principi Carolo V.
sanctæ memoriæ heroi, in coniugem desti-
naretur. Vnde et conuentum fuit de spon-
sibus, ipsa necdum nubili, contrahendis: &
omninò optatum progressum habuisset ne-
gociū, facta q̃ esset Cæsaris vxor, si ad eius
ac principum Hispanorū petitionē ex An-
glia in Hispaniam fuisset transmissa. Verū
cur id nō contigerit, quod sic alioqui oībus
in uotis erat, causa præcipua fuit, tenerrimus
Parentum amor erga filiam, quàm à se ante
nubiles annos dimittere neutiq; voluerunt.
Nec id sanè mirum, cū esset ipsa vnica so-
boles, vnicus illius coniugij et nexus et fru-
ctus, vnica spes regni: adhæc & rarissimæ
indolis, p̃spicacissimi ingenij, eximiæ pro-
bitatis, et admirandę pro ea ætate, et facun-
diæ & literaturæ, quippè & latinè græcèq;
nobiliter edocta: de qua possit nō immerito

illud dici, quod de nobilissima quondam
Ostrogothorū Regina Amalasunta incli-
ti Regis Theodorici filia, ad senatū vrbis
Romæ ante mille annos scripsit nobilis se-
nator Cassiodorus in hæc verba: Hanc, in-
quit, dignissimè oīa regna venerantur, quā
uidere, reuerentia est, et loquentem audire,
miraculum: qua. n. lingua nō probatur esse
doctissima? Atticæ faciūdiæ claritate diser-
ta est, Romani eloquij pompa resplendet,
natiui sermonis vbertate gloriatur. Vsa est
aūt Maria nostra p̄ceptore Thoma Linacro
viro tū eloquentia, tum variarū rerū cogni-
tione præstantissimo, qui tāta felicitate, de-
xteritateq̃ docendi præditus erat, vt hoīes
etiā bardos haud difficilè doctos redderet:
quāto magis ingeniosam et ad literas natā
virginē egregiè potuit excolere? Præterea
bonarum artium, quarū vsus apprimè ne-
cessarius est ijs, qui ciuitates populosq̃ mo-
deraturi sunt, tantam scientiam sibi compa-
rauit, vt etiam diu multumq̃ in eo genere
studiorū exercitatis posset æquiparari. Et
cui obsecro videatur hoc incredibile? Oma-
nia enim illi natura largita erat, quemad-
modum

modum Salomoni Regū præclarissimo, qui
de seipso testatur: Puer eram, inquit, inge-
niosus et sortitus bonam animā. Solet enim
plerūq̃ in magnorū principum liberis, ne-
scio quid maius, quid præstantius, quid emi-
nentius elucere, q̃ in plebeis hoībus. Qua-
propter si ad naturę bonitatem acedat re-
cta educatio institutioq̃, ita ut vbi versan-
tur, nihil nisi honestum, pudicum, tempera-
tum videant, nihil nisi quod castas deceat
aures, audiant, nihil denique nisi quod ipsis
dignum sit percipiant, nō temerè incolumi-
tas imperiorū, salusq̃ populi in illis ponit̃.
Quo autem maior huic puellæ illustrissimæ
accederet authoritas, reuerentia & gloria,
regali splendore, ac magno comitatu edu-
cta fuit ex Aula regia in terrā VVallie, vbi
pro more gentis declarata fuit autoritate
publica Regis & omniū Angliæ statuum,
hæres regni, anno Domini M. D. XXV.
quemadmodum de Rege Salomone tertij
Regum primò legitur, quod eum pater su-
us Dauid publica pompa duci iusserit in
Gihon, vt ibi à Sadoch sacerdote & Na-
than Propheta in regem Israel vngeretur:

Sed heu incertā nimis & instabilē humanā
pacem & felicitatem. De qua ex sententiā
Solonis eleganter canit ille: Sed scilicet vl-
tima semp Expectanda dies homini, diciq;
beatus Ante obitū nemo supremāq; funera
debet. Nam vbi Rex haud sanis vsus con-
silijs, de repudio Reginæ vxoris pientissi-
mæ ac nobilissimæ cogitare atq; agere cæ-
pit, maxima inde orta est tēpestas, quæ flo-
rentem illius regni statū miseris modis per-
turbauit. Quantū proinde calamitatis atro-
ces illi motus, innocentissimis matri ac filiæ
attulerint, facile æstimet, quisq; nō ignorat,
honestis ac generosis anis quauis morte esse
durius, dignitate ac fama indignè spoliari.
Etsi autē pondus istius tam diræ & iniquæ
fortis innocētes fœminas premere quidem
potuerit, deprimere tamen haud quaquam:
An credibilē est tam fortia pectora istis for-
tunę ludibrijs cedere potuisse? Testatur scri-
ptura diuinitus inspirata apud Salomonem,
haud contristatum iri iustum, quicquid illi
acciderit. Et rursus alibi beatū prædicat vi-
rum, qui suffert tentationē: quoniā cum pro-
batus fuerit, accipiet coronam vitæ omni-
bus

bus diligentibus Deum repromissam. Ex
hoc diuinæ largitatis fonte inexhausto, re-
frigerium & consolationem affatim hauserunt
nostræ heroides, diuinarum scriptura-
rum scientia imbutæ, quæcuncq; .n. scripta
sunt, vt ait Apostolus, ad nostrā doctrinam
scripta sunt, vt per patientiam & cōsolatio-
nem scripturarū spem habeamus. Dolorem
igitur tristitiamq; senserunt (homines enim
erant, à quibus nihil quod humanū sit, alic-
num fuisse duco) sed quas animi perturba-
tiones vi atq; impio rationis ita repressere,
vt magnanimitas, quæ illarū animis summa
inerat, nullum inde acciperet detrimentū.
Huius diuini p̄sidij fiducia, velut panoplia
quadā impenetrabili armatæ, omnibus in-
fortuniorum iniurijs, superiores euasere.
Neq; verò frustra tot suspirijs, tot pijs votis
ac precibus ianuam diuinæ clementiæ pul-
sauere: nā pius et misericors Dominus, qui,
(vt rectē cōfitetur castissima illa Sara Tho-
biæ) post tempestatē, tranquillum facit, &
post lachrymationē & fletū, exultationem
infundit, dignatus est turbulentam sedare
tempestatem, et disiunctos animos regis ac
g Regina

Reginę læta ac salutari recōciliatione iterū
cōiungere. Interea cum eadem serenissima
Anglię Regina Catharina ex tot tāq̃ acer-
bis præsentis vitę casibus per mortē erepta
esset, omni humano p̃sidio solatioq̃ videba-
tur filia Maria destitui, regno ipso nouis in-
stitutis, varijsq̃ in rep. motibus p̃turbato:
sed adfuit, adfuit suę filiæ pater misericor-
diarum et orphanorū fidelis adiutor Deus:
vt et olim Regi Dauidi grauissimis tribu-
lationum procellis exposito, quibus diuina
ope sup̃atis, lætus ait, Secundū multitudinē
dolorū meorū in corde meo, consolationes
tuę lætificauerunt animā meam. Qua in re
inter cætera occurrit quoddā haud dissimu-
landū diuinę prouidentię miraculum, qua
etiam clementer factū est, ut Mariæ sacras
cēremonias ueteresq̃ Ecclesię ritus (licet in
abdito loco) de more sectāti, neq̃ regiū im-
periū, neq̃ vlla vis humana, impedimentū
molestiāq̃ adferret vnq̃. Hic etiam silentio
minimē inuoluendū puto, quomō insignem
istam in Deum pietatē adhuc velut sub mo-
dio positā, exteris hominibus contestata sit.
Legatus Cæsaris noīe perfunctus apud re-
gem Anglię legatiōis munere, cū ad ipsam
arte

arte quadam penetraſſet, & ad religionem
auitam firmiter retinendam cohortareſ, re-
ſpondit, Ego, inquit, fortiffimū habeo pro-
pugnatorē, qui non patitur à ſancto propo-
ſito me abducī, quem ſi vobis cōmonſtrari
uultis, oſtendam. Tum deductis in penetra-
lia domus, vbi Deum orare cōſueuerat, re-
ductis velis, ſupplex ac venerabūda oſten-
dit venerabile corpis Chriſti ſacramentū.
Hic, inquiens, meus eſt p̄tectōr, hic refugiū
meū, et fortitudo mea, hic ponit in cōſpectu
meo menſam aduerſus oēs. qui tribulāt me.
Quę res et admirationē et lachrimas legato
exciuit. Eandē porrò aī conſtantiam ac fidē
ſequutis temporibus egregiē factō cōpro-
bauit, dum ſcilicet ad regnū euecta, & res
humano iudicio difficilimas atq; inſupera-
biles aggreſſa, quibuſdam moderationē ac
diſſimulationē adhibendā eſſe ſuggerētib.
diceret, Deus mecū haſtenus nō diſſimula-
uit, et ego in eius cā tanq̄ iners, ingrata et ti-
mida diſſimulabo? Nouit orbis q̄ p̄clare hiſ-
ce uerbis, facta ſubſecuta reſpōderit. O in-
effabilē et admirabilē dei bonitatē? O im-
perſcrutabile diuinę ſapientię cōſiliū? olim

tres pueros in ardenti fornace positos, ignis
furens, diuina repressus virtute, nihil ledere
potuit. Daniel in lacu leonū cōiectus rabiē
non sensit leoninā, sed nec minimū corporis
vestiumq; laniatū. Abraham pater futurus
multarum gentium, & in cuius semine (qui
Christus est) benedicendę erant omnes gē-
tes diuina protectus manu ex hac Chaldeo-
rum, intactus abiit. Quid Loth ipsius nepo-
tem commemorem? Hic infandę libidinis
ignem ter execratus ab incendio, quo tota
illa pentapolis in fauillam redacta est, libe-
ratur: et ab angelis in portum securitatis ac
salutis deducitur. Pari etiam misericordię
priuilegio Deus castitatis, & in se confidē-
tium amator & protector, Mariam regni
Anglicani hæredem ac futurā liberatricē,
semper dignatus est ptegere, quemadmo-
dum narratio sequentiū, adhuc manifesti-
us edocebit. Nam Henrico patre vita fun-
cto, cū filius Eduardus ex Iana Semeria na-
tus decimum ætatis annum agens, regio ti-
tulo ac noīe per gubernatores regnum ad-
ministraret, Maria, vt ante per tempestates
illas pertransijt illæsa. Hoc aut nouo adole-
scente

scēte principe è viuis quoq; sublato. Maria
nostra non sine grandi miraculo, contra co-
natus Northumbarlādi principis, iuxta pa-
ternum testamentū, in regnū est assumpta,
et statim de auita religione in integrū resti-
tuenda, quatenus per pacē publicam licuit,
agere ac satagere cœpit. Obstupuit orbis
tam præclara, tam repentē per scēminā geri
posse, regnū dissidijs, factionibusq; turbu-
lentum, ad eam serenitatem et quietē ita su-
bito redactum esse. Sed quid mirū? in seue-
rat. n. is, à q̄ est oīs fortitudo, omneq; bonū,
pectori scēmineo, magnanimitatem plus q̄
heroicam, prudentiam singularē, iustitiam
inuiolabilem, et alia huiusmodi, ad res præ-
clārē gerendas præcipua adminicula, Vt in
hoc exemplo illud verbum Ionathę verissi-
mum esse constet, Non est difficile dño sala-
uare, vel in multis, uel in paucis. Nec his ab-
ludit, quod Ionathę cōiunctissimus rex Da-
uid cecinit, Nō in fortitudine equi volunta-
tem habebit, neq; in tibijs viri benepla-
citū erit eis, Beneplacitū est dño super me-
tuentes eum, & in eis, qui sperant super mi-
sericordiam eius. Hæc est igit fortissima illa

Iudith, q̄ rebus desperatis, Holoferne p̄in-
cipe obtruncato, imminēs Bethuliæ, adeoq̄
tot tantisq̄ ciuitatibus excidium, magnani-
miter ppulsauit. Hæc est illa prudentissima
Hester, quæ salutē populo Dei, apud Asue-
rum regē potentissimum conciliauit. actō in
crucem Aman, capitali eiusdē populi perse-
quutore. Hæc est deniq̄ illa iustissima De-
bora, quæ populū Israēl sapientissimè iudi-
cavit, cuius etiā consilijs & ope Barach ex-
ercitum zizare numerosissimū prostrauit.
Vnde si Anglia pro beneficijs sibi præsti-
tis Regina gratias agat, hanc vel similem
habitura orationem videatur.

Nec laudare satis, dignaq̄; rependere grates,

Sufficiam, si ferrea uox foret oraq̄; centum.

Quo te suscipiam gremio Regina beata,

Progenies regum, necnon generosa propago,

Principis Henrici, nulli pietate secundat

Quos spargam flores, quibus insertabo coronæ

A tua, quæ festis suspendam pallia portis

Libera sum siquidem per te, patriosq̄; recepi

Exilio pulsos, Christi cultamq̄; fidemq̄;

Porro ut vires additæ viribus, statū reflo-
rescentē Britannici regni, firmioribus vin-
culis confirmarent, ac sancti conatus huius
p̄clarissimæ generosissimæq̄ fœminæ, me-
lioribus p̄sperentur successibus, sapientissi-
mè

mè nec sine diuino fauore cogitatum est, vt
Philippū Hispaniarū principē potētissimū,
Maritum acciperet, et quæ olim Carolo pa-
tri sponsa destinabatur, filius nunc haberet
uxorem. Et sanè hæc fœdera cōiugalia nul-
la, nisi causa honestissima, et reip. Christia-
næ vtilissima injiri suāsit, hæc solum specta-
bant tam ipsorū coniugū vota, q̃ eorū con-
silia, qui huiusmodi copulæ authores extite-
rant, ut scilicet coalescentibus perpetuo fœ-
dere, duorum regnorū Hispanici atq; Bri-
tannici, bellicosissimis populis, redintegra-
ret Anglicana resp. tot damnis grauissimis
atrita. Ex hac quidē sancta unione, id vnicē
exoptabāt publicæ pacis autores, ut thorus
iste castus et immaculatus, fecunditate pro-
lis cumulare. Sed omnino equanimiter fe-
rendū, quòd diuinæ complacuit Maiestatī,
bonicq; cōsulendū, quod ipsa iam corporeis
soluta uinculis, semē carnis suę non relique-
rit, à Dño factum est istud, cui nemo dicere
potest, Cur ita facis? Iam nostri causa quidē
lugenda hæc mors, Defunctæ vero potius
congratulandū, quod temporalis regni tur-
binibus libera, ad eterni regni trāquillitæ-

tem sit euecta. Nō est profectō, non est, inq̃,
ea mors deflenda, q̃ vita adeo p̃cellens an-
tecessit, fuit. n. (ut summatim eius vitā nunc
complectar) Maria, Philippi regis cōiunx,
cura et studio optimę matris Catharinę, re-
ginę Anglor̃, liberalissimē à teneris edu-
cata. Scientia vtriusq̃ literaturę nobiliter
instituta, semp̃ honestis dedita studijs, Deo
in cubili cordis sui iugiter vacans, p̃ omnes
ferē vitę gradus, varias perpeffa calamita-
tes, quibz, tanq̃ aurū in fornace, probata,
non mediocrē in omni virtutū genere hau-
sit profectū, ingressa nimirū per angustam
viam, quę ad vitam perducit ęternam. Per
multas enim tribulationes, scriptura teste,
oportet nos introire in regnū cōlor̃. Tem-
poralium & caducar̃ rerum amore capti,
deprecant̃ ac refugiūt semper, quęlibet ad-
uersa, et vano flore huius mūdi deliniti, fœ-
dis sese mancipant voluptatibus, beatū di-
centes populum, cui hęc sunt bona (si tamē
bona) transitoria. Sed istos vmbra-tilis feli-
citat̃ captatores, Propheta reprehendens
illicō subiungit, Beatus populus, cuius Dñs
Deus eius, Beatam itaq̃ nequaq̃ se putauit
• Maria,

Maria, ob regni ad se deuoluti magnificē-
tiam, nō ob præclarā auorū atauorūq; stem-
mata, nō propter regis alioqui potentissimi
optimiq; felix cōnubium, oīa. n. hæc ad præ-
sentis vitæ statū calamitosum pertinere nō
ignorauit: sed cū metu & tremore suā salu-
tem operata, cōtinuò anhelauit ad iucundā
ac stabilem æternorū bonorū possessionem,
quibus bonis Dei Opt. Max. clementia eā
nunc potiri ac satiari cōfidimus, ut iam ipsa,
nō tam nostris, q̃ nos illius p̃cibus indigere
videamur. Iam itaq; pro terreno ac tēporali
adepta est regnū cœleste atq; æternū, pro
turbulēto pacatissimū, pro angusto immen-
sum, et nullis limitibus definitū, pro mortali
marito filium Dei (cuius negociū ita stren-
nuè gessit) nacta est immortalē sponsum.

Habent igitur in hac sancta foemina etiā
viri principes, quod admirentur, qd' & ad-
mirantes imitentur, et factis exprimere de-
beant. Vident insignē erga Deum pietatē,
constantia, fiducia, animū in rebus aduersis
infractum, in p̃speris minimè insolescentē,
vident publicæ tranquillitatis studiosam et
auitę religionis zelatricē, et simul reparatri-

cem. Et nūc ô vos reges ac principes intelligite, ijs exemplis erudimini, vos qui iudicatis terram. Omniū quidem interest rectè sanctèq; viuere, sed ut alijs rectè sanctèq; uiuant, principū est pro virili efficere, primū inculpatæ ac laudabilis vitæ exemplo: deinde sanctis ac iustis legibus, q̄ bonos præmijs afficiāt, improbos verò reiꝝ pub. turbatores, digna animaduersione coërceant. Quod si facietis, æterna vos manet corona, regnumq; perpetuum Amen. Dixi.


Nec sanè id prætereundū silentio putauī, qđ Cæsarea Mtās has ternas exequias non solū Augustæ fieri instituit, sed in præcipuis etiam regnorū suorū vrbibus. Viennę primū eadem peregit Reuerendiss. Archieps Strigoniensis Nicolaus Olahus, pater vigilantissimus, literisq; ipse tam Græcis q̄ Latinis non minus instructus, q̄ liberalis fautor hoīm literatorū. Deinde Antonius eius loci Antistes, egregius, fidelisq; gregis sui Pastor. Olmutij, Marcus Epus, & Vratislauię Balthasar eiusdem ecclīę Pontifex celeberrimus, Pragæ vero, cum ibi epus nullus sit, Henricus Scribonius Præpositus, vir sanctioris

etioris vitæ laude, sedulitateq; pastoralis officij insignis, & alibi alijs.

Tenuius sanè hæc, q̃ vel magnitudo huius negotij, vel ipsa eorū, qui has exequias p̃sentia sua, precibusq; condecorauerūt, expectatio postulabat, cōgesta sunt, fateor: at veniā dabūt amici, cū viderint et locū hūc, & tempus efflagitasse opus autoschedium: alieniores aut iudicēt, ut velint. Deus æternus cœlestis Pater veritatis luce nos illuminet, ac pellat errorum tenebras, accendatq; nos oēs igni charitatis suæ, vt idem sentiamus in Dño, & hinc, quod nos diligamus mutuò, agnoscāt hoīes, nos esse Redemptoris Christi discipulos. Amen. Augustæ Cal. Martijs, Anno humanę sal. M. D. LIX.

E R R A T A.

Folio C 1. facie 2. pro uideri lege uidere. C 3. fa. 1. pro bona lege dona. C 4. fa. 2. p pro se lege esse. D 3. fac. 2. pro pabtizatis lege baptizatis. D 3. fa. 2. pro ac reddi lege aut reddi. E 3. fa. 2. pro perieret le. criperet. E 4. fa. 1. pro liberaret ab lege liberaret, & ab. I 4. fa. 2. pro incolumis tandē restaurari: lege incolumis restaurari. K 3. fa. 1. pro quod se, lege quod ipso. K 4. fa. 1. pro enim didicerat, lege aut didicerat. L 2. fa. 1. pro admonut, lege admonuit in hunc modum. L 1. fa. 2. pro Elisabetham lege Mariā. O 4. fa. 1. pro licere atq; uel, lege licere sed uel. P 4. fa. 1. pro impellante lege impellente. R 4. fa. 2. pro constitutūq; lege cōstitutū. T 1. fa. 1. pro Ambrosius lege Urbanus. X 3. fa. 2. pro ipsemct lege ipsamet. b 3. fa. 1. pro tantum lege tam. b 4. fa. 1. pro adi lege adiri. c 4. fa. 2. pro oīm lege oīm. d 1. fa. 1. pro uidebatur lege uideretur.



Handwritten text, likely a list or index, covering the majority of the page. The text is written in a cursive script and is mostly illegible due to fading and blurring. It appears to be organized into several paragraphs or sections, with some lines starting with capital letters or numbers. The text is written on aged, slightly discolored paper.



